

ማቶሴ ፩ዱ ዩሱስ ኪሪስቶስ ዋንጌላ ጋላ ቆፋ

ማቶሳ ዋንጌላይ፡ ያና ጌቴቲዲ ኡፋይሳን ናጌቲያ አሼይሲ ዩሱሳ ጌዴይሳኔ ያሳይ ጋልዓ ጫቁዋን ባ አሳስ አሚዳ ኡፋይሳ ቃላ ፖሊዳይ ኢያ ባጋራ ጌዴይሳ ኦዲያ ዋንጌላ። ሃ ዋንጌላይ ዩሱሴ ኤንታ ጌደን ዩሌቲዲ ዲጪዳ አይሁዴታ ያላላሰ ጌደናሺን ኩሜላ አላሚያ ኡባሳ።

ማቶሳ ዋንጌላይ፡ ዳሮ ናጌቴላን ፩ፊቲዳ ማፃፋ። ማቶሴ ባ ማፃፋ ዩሱሳ ዩሌቴላን ደሚዲ፡ ኢያ ፃማቁቴላኔ ኢያ ፓጩቴላ ኦዲ ሲሚዲ፡ ጋሊላን ኢ ሳባኪዳባ፡ ታማርሲዳባኔ ሃርጋንቾታ ፓሊዳባ ኦዴስ። ሄሳፊ ካሊዲ፡ ዩሱሴ ጋሊላፔ ዩሩሳላሚ ቢዳይሳኔ ኢ ሃ ሳዓን ዴዲዳ ዋዴ ወርሴላ ሳሚንታን ሃኒዳባታ ቆንጪሴስ። ሄሲካ ኢያ ካቁቴላ፡ ኢያ ሃይቁዋኔ ኢያ ዴንዲዋ ኦይኬስ።

ሃ ዋንጌላይ፡ ዩሱሴ ያሳ ሃጊያ ቢርሻናው ማቲ ዴዴይሳኔ ያሳ ካዋቴላባ ታማርሲያ ጌታ አሰታማሬ ኦሊዲ ሺሼስ። ኢያ ቲሚርቲያፊ ዳሪያ ባጋይ ዲማ ዲማ ማራን ጌጌቲዳ ኢቻሹ ኪፊሌታን ሻኬቴስ።

1. ያሳ ካዋቴላን ዴዲያ አሳ ሃኖቴላ፡ ኦሱዋ፡ ማታኔ ወርሴላ ቃዳ ኦዲያ ዴሪያ ቦላ ቲሚርቲያ (ሺም 5-7)።

2. ታማኔ ናዎቡ ታማሬቲ ዋንጌላ ሳባካናው ቢዳ ዋዴ ኤንታው አሜቲዳ ካሌሱዋ (ሺም 10)።

3. ያሳ ካዋቴላባ ታማርሳናው ሺቁዳ ዲማ ዲማ ሌሚሶታ (ሺም 13)።

4. ኢያ ታማሬ ጌደባ ቢርሼላ ኦዲያ ቲሚርቲያ (ሺም 18)።

5. ሃዲ አላሚያ ወርሴላኔ ያሳ ካዋቴላ ዩሳባ ኦዲያ ቲሚርቲያ (ሺም 24-25)።

ማቶሳ ዋንጌላ አይፌ ቆፋታ

ዩሱስ ኪሪስቶስ ዩሌቴላ ሱሳኔ ኢያ ዩሌቴላ 1:1-2:23

ፃማቁያ ዮሃኒሳ ኦሱዋ 3:1-12

ዩሱሳ ዪንቃቲያኔ ፓጩቴላ 3:13-4:11

ዩሱሴ ጋሊላን ባ ኦሱዋ ኦይኪዳይሳ 4:12-18:35

ጋሊላፔ ዩሩሳላሚ ጋካናው 19:1-20:34

ወርሴላ ሳሚንታ ዩሩሳሌም ሄራን 21:1-27:66
ጎዳ ሃይቆፔ ዴንዲዋኔ ቆንጩላ 28:1-20

ዩሱሳ ዩሌቴላ ሱሳ
(ሉቃ 3:23-38)

1 ሃይሳፌ ካሊዲ ፃፊተዳይሲ ዳዊቴ ናዓ ኣብራሃም ናዓ ጊዲዳ ዩሱስ ኪሪሰቶሳ ዩሌቴላ።

2 ኣብራሃምይ ዩሳቃ ዩሊስ፤
ዩሳቃ ያይቆባ ዩሊስ፤

ያይቆቤ ዩሁዳኔ ኢያ ኢሻታ ዩሊስ፤

3 ዩሁዲ ተዒማሪፔ ፋሬሴኔ ዛራ ዩሊስ፤
ፋሬሲ ኣስሮም ዩሊስ፤

ኣስሮምይ ራም ዩሊስ፤

4 ራምይ ኣሚናዳቤ ዩሊስ፤

ኣሚናዳቤ ናዓሶና ዩሊስ፤

ናዓሶኔይ ሳልሞና ዩሊስ፤

5 ሳልሞኔይ ራዓቢፔ ቦዔዛ ዩሊስ፤

ቦዔዚ ኡሩተፔ ኢዮቤዳ ዩሊስ፤

ኢዮቤዲ ኢሴዬ ዩሊስ፤

6 ኢሴዬይ ካዉዋ ዳዊቴ ዩሊስ፤

ዳዊቴይ ኦሪዮ ማቼፌ ሶሎሞኔ ዩሊስ፤

7 ሶሎሞኔይ ርቢዓማ ዩሊስ፤

ርቢዓማይ ኣቢያ ዩሊስ፤

ኣቢዬይ ኣሳፌ ዩሊስ፤

8 ኣሳፌ ኢዮሳፌፃ ዩሊስ፤

ኢዮሳፌፃይ ኢዮራም ዩሊስ፤

ኢዮራምይ ኦዚያኔ ዩሊስ፤

9 ኦዚያኔይ ኢዮዓታም ዩሊስ፤

ኢዮዓታምይ ኣካዛ ዩሊስ፤

ኣካዚ ሂዚቁያሳ ዩሊስ፤

10 ሂዚቁያሲ ሚናሴ ዩሊስ፤

ሚናሴይ ኣሞና ዩሊስ፤

ኣሞኒ ኢዮሲያሳ ዩሊስ፤

11 ኢሰራዔሌ ኣሳይ ዲዔተዲ ባቢሎኔ ቢታ ቢዳ ዎዴ ኢዮሲያሲ
ኢኮኒያናኔ ኢያ ኢሻታ ዩሊስ።

12 ባቢሎኔ ቢታ ኢሰራዔሌ ኣሳይ ዲዔተዲ ቢዳፔ ጉዬ ኢኮኒያኒ
ሳላተያሌ ዩሊስ።

1:11 2ካዎ 24:14-15፤ 2ታሪ 36:10፤ ኤር 27:20

ሳላቲያሌይ ዜሩባቤላ ዩሊስ፤

13 ዜሩባቤላ ኣብዲዩ ዩሊስ፤

ኣብዲዩይ ኤሊያቄሜ ዩሊስ፤

ኤሊያቄሜይ ኣዛራ ዩሊስ፤

14 ኣዛሪ ሳዶቄ ዩሊስ፤

ሳዶቄይ ኣኪሜ ዩሊስ፤

ኣኪሜይ ኤሊዩዳ ዩሊስ፤

15 ኤሊዩዳ ኣላዛራ ዩሊስ፤

ኣላዛሪ ማታኔ ዩሊስ፤

ማታኔይ ያይቆባ ዩሊስ፤

16 ያይቆቢ ዮሴፋ ዩሊስ፤

ዮሴፊ ኪሪስቶሳ ገያ ዩሱሳ ዩሊዳ ማይራሚ ኣዚና።

17 ሂዛ፡ ዩሌቴላይ ኣብራሃሚፔ ዳዊቲ ጋካናው ታማኔ ኦይዳ። ዳዊቲፔ ቢዲ ባቢሎኔ ዲዑዋ ጋካናው ታማኔ ኦይዳ። ባቢሎኔ ዲዑዋፔ ቢዲ ኪሪስቶሳ ጋካናው ታማኔ ኦይዳ ዩሌቴላ ገዴስ።

**ዩሱስ ኪሪስቶሳ ዩሌቴላ
(ሉቃ 2:1-7)**

18 ዩሱስ ኪሪስቶሳ ዩሌቴላ ታሪኬይ ሃይሳፊ ካሌይሳ። ኢያ ኣያ ማይራማ ዮሴፋስ ኦይሼታ ዳዊሼ ዮሴፋራ ጋሂቶና ጌሻ ኣያናፔ ቃንላታሱ። 19 ዮሴፊ ጳሎ ኣሲ ገዲዳ ገሾ ኢዮ ኣሳን ኬሳናው ኮዩቤና። ያኒያ ገሾ ቆሳን ኢዮ ኣጋናው ቆፒስ። 20 ኢ ሄ ቆፋን ዳዊሼን ያሳ ኪታንቾይ ኣሙሆን ቆንጨዲ፡ «ዳዊቲ ናዓው፣ ዮሴፋ፣ ማይራማ ቃንላቲዳይ ጌሻ ኣያናፔ ገዲያ ገሾ ኢዮ ኤካናው ያዮፋ» ያገሰ። 21 ኢያ ኣዳ ናዓ ዩላና፣ ኢ ባ ዳሪያ ኤንታ ናጋራፔ ኣሺያ ገሾ ኢያ ሱንላ ኔ ዩሱሳ ጋዳ ጃጋና።

22 ጎዳይ ናቢያ ኢሳያሳ ዶናን፣ 23 «ሄኮ ጌላዒያ ቃንላታና፤ ኣዳ ናዓካ ዩላና፤ ኢያ ሱንላይ ኣማኑዔላ ጌቲታና» ጎይሲ ፖሌታና ማላ ሃ ኡባይ ሃኒስ። ኣማኑዔላ ጌይሳስ ቢርሼላይ «ያሳይ ኑራ ዳዔስ» ጉሱ።

24 ዮሴፊ ጲስኮፊ ባርኪዲ ጎዳ ኪታንቾይ ኪቲዳይሳ ማላ ማይራሞ ባ ሶ ኤፊስ። 25 ሺን ባ ባይራ ናዓ ዩላና ጋካናው ኢዮ ቦቺቤና፤ * ዩሌቴላ ናዓካ ዩሱሳ ገዲ ጃገስ።

1:18 ሉቃ 1:27 1:21 ሉቃ 1:31 1:23 ኢሳ 7:14 * 1:25 ኢዮ ቦቺቤና፡ ማቺራ ኣዚናራ ኣቄይሳዳ ኢሲፊ ኣቄቦኮና ጉሱ። 1:25 ሉቃ 2:21

2

ደሎሃፔ ዪዳ አሳታ

1 ካወቀ ሄሮዲሳ ዋዳን ዩሱሲ ዪሁዳ ቢታን በቴሌሜ ካታማን ዩሌቲዳይሳፌ ጉዬ ያለንቶ ታይቢያ አሳቲ ደሎሃፔ ዩሩሳላሜ ዪዲ። 2 «ዩሌቲዳ አይሁዳ ካዎይ አዉን ዳዒ? ኑኒ ደሎሃ ባጋራ ኩዩዳ ኢያ ያለንቱዋ ቤዒዲ ኢያው ጎይናናው ዪዳ» ያገዲ ኦይቸደሶና። 3 ካዎይ ሄሮዲሲ ሄሳ ሰዒዳ ዋዳ ዳጋሚሰ። ዩሩሳላሜን ዳዒያ አሳይ ኡባይካ ዳጋሚደሶና። 4 ሄሮዲሲ ካሂኔ ሃላቃታኔ ሂጌ አሰታማሬታ ባኮ ጃገዲ። «ከሪሰቶሲ አዉን ዩሌታንዳሻ?» ያገዲ ኤንታ ኦይቸሰ።

5 ኤንቲካ፡ «ዪሁዳ በቴሌሜና፤ ናቤይ።

6 «ዪሁዳን ዳዒያ በቴሌሜ፡
ዪሁዳን ዳዒያ ጎባ ካታማታፔ፡
ኔኒ አይቢንካ ጉፃካ።

ታ ዳሪያ ኢሰራዔሌ አይሳናይሲ፡
ኔፔ ኩያና) ገዲ ፃፊሰ»

ያገደሶና።

7 ሃሳፌ ጉዬ፡ ሄሮዲሲ ደሎሃፔ ዪዳ አሳታ ጌማን ጃገዲ፡ ያለንቱዋ ኤንቲ ቤዒዳ ዋዲያ ኤንታፌ ጌሺዲ ኤሪሰ። 8 ኢ ኤንታና በቴሌሜ ዩዲሹ፡ «ቢዲ ዩሌቲዳ ናዓ ሚንሉዲ ኮዩቲ፤ ኢያ ሂንቲ ዳሚዳ ዋዳ ታካ ባዳ ኢያው ጎይናና ማለ ሰሚዲ ዩሹ ታው ኦዲቲ» ያገሰ። 9 ኤንቲካ ካዎይ ሄሮዲሲ ገዳይሳ ሰዒዲ ቢደሶና። ኤንቲ ደሎሃ ባጋራ ቤዒዳ ያለንቶይ ኤንታና ካሌሊሹ ናዓይ ዳዒያሱዋ ጋካናው ኤፊሰ። 10 ኤንቲ ሄ ያለንቱዋ ቤዒዳ ዋዳ ገታ ኡፋይሲ ኡፋይቲደሶና። 11 ሶ ጌሊዲ ናዓ ባ አዩ ማይራሚራ ዳዒይሳ ቤዒደሶና። ኢያው ጉልባቲዲ ጎይኒደሶና። ባንታ ሳዒኒያ ደዩዲ ዋርቃ፡ ኢፃኔኔ ካርቤ ኢያው ኢሚደሶና። 12 ኤንቲ ሄሮዲሳኮ ጉዬ ሲሞና ማላ ያሳይ አሙሆን ኤንታው ኦዲን፡ ሃራ ኦጌራ ባንታ ቢታ ሲሚደሶና።

ገብጃ ባቃቱዋ

13 ደሎሃ ባጋፌ ዪዳ አሳቲ ቢዳፔ ጉዬ፡ ጎዳ ኪታንቸይ ዮሴፋሰ አሙሆን ቆንጩዲ፡ «ሄሮዲሲ ናዓ ዋቋናው ኮያ ገሾ ዳንዳ፤ ኤሌሳዳ ናዓኔ ናዓ አዩው ኤካዳ ገብጃ ቢታ ባ። ኔ ሲማና ዋዲያ ታ ኔው ኦዳና ጋካናው ያን ጋሞዓ» ያገሰ።

14 ሄሳ ገሾ፡ ዮሴፌ ሄ ቃማን ዳንዲዲ፡ ናዓኔ ናዓ አዩው ኤኪዲ ገብጃ ቢሰ። 15 ናቢያ ደናን ያሳይ፡ «ታኒ፡ ታ ናዓ፡

ጊብጻ ቢታፊ ጻጋስ» ጌቲቲዳ ቃላይ ፖሌታና ማላ ሄሮዲሲ ሃይቃና ጋካናው ኢ ያን ዳዒስ።

16 ሄሳፊ ጉዬ፣ ዶሎሃ ባጋፊ ዩዳ አሳቲ ኢያ ጨሚዳይሳ ኤሪዳ ዋዴ ዳር ዩሎቲስ። ኢ ካሴ ኤንታፊ ሲዒዳይሳዳ ቤቴሌሜኒኔ ሄ ሄራን ዳዒያ ናሞዑ ላይሉ ኩሚዳይሳታኔ ናሞዑ ላይላፊ ጋርሳን ዳዒያ እዴ ናይታ ኡባ ባ ዎታዳሬታ ዬዲዲ ዎዲሲስ።

17-18 ናቢያ ኤርሚያሳ ዶናን፣
«ዬሆይኔ ዜሌልሲ፣

ራማ ካታማን ሲዒቲስ።
ራሄላ ባ ናይታስ ዩካዉሱ፤

ኤንቲ ሃይቂዳ ጊሾ
ሚኔታናው ዳንዳባቡኩ»
ጊዲ ኦዲዳይሲ ፖሌቲስ።

ናዚሬቴ ሲሙዋ

19 ሄሮዲሲ ሃይቂዳፔ ጉዬ ጊብጻን ጎዳ ከታንቸይ ዮሴፋስ አሙሆን ቆንጨዲ፣ 20 «ናዓ ዎቆናው ኮያ አሳቲ ሃይቂዳ ጊሾ ዴንዳዳ ናዓኔ ናዓ አዩው ኤካዳ ኢስራዔሌ ቢታ ሲማ» ያጊስ።

21 ዮሴፊ ዴንዳዲ ናዓኔ ናዓ አዩው ኤኪዲ ኢስራዔሌ ቢታ ሲሚስ። 22 ሺን አርኩለዮሲ ዩሁዳን ባ አዋ ሄሮዲሳ ቤሳን ካዎቲዳይሳ ሲዒዳ ዎዴ ያ ባናው ያዩስ። ያሳይ አሙሆን ኢያው ቆንጨሲን ጋለላ ቢታ ቢስ። 23 ናቤታ ዶናን፣ «ናዚሬቴ አሲ ጌቲታና» ጊዲ ኦዴቲዳይሲ ፖሌታና ማላ ናዚሬቴ ካታማ ቢዲ ያን ዳዒስ።

3

ፃማቂያ ዮሃኒሳ ቲሚርቲያ

(ማር 1:1-8፣ ሉቃ 3:1-17፣ ዮሃ 1:19-28)

1-2 ሄ ዎዴ ፃማቂያ ዮሃኒሲ፣ «የሳ ካዎቲላይ ማታቲዳ ጊሾ ሄንቲ ናጋራፔ ሲሚቲ» ያጊዲ ሳባኪሼ ዩሁዳ ባዘ ቢታ ቢስ።

3 ናቢያ አሳያሲ ዮሃኒሳባ ኦዲዳይሳ ማላ፣
«ባዘ ቢታን፣

ኢሰይ ባ ቃላ ቶቁ ኦሊዲ፣
ሳዳ ኦጊያ ገጊሲቲ።
ኢያ ሆርጋ ፒዲ ኦሊቴ፣ ገሰ»

2:15 ሆሴ 11:1 2:17-18 ኤር 31:15 2:23 ማር 1:24፣ ሉቃ 2:39፣
ዮሃ 1:45 3:1-2 ማቶ 4:17፣ ማር 1:15 3:3 ኢሳ 40:3

ያገቱዳይ ኢየሳ ያገሰ።

4 የሃኒሲ ገማሌ ኢኪሴፔ ኦሴቲዳ አፊላ ማዕስ። ባ ያሳን ዳፎ ዳንጨሱ። ኢ ሚያ ካላይካ ቦሌን ዴጌራ ኤሲ። 5 አሳይ ሄ ዎዴ ዩሩሳላሚ ካታማፔ፣ ዩሁዳ ቢታ ኡባፌን የርዳኖሴ ሻፋ ሄራፔ ኢያኮ የሶና። 6 ባንታ ናጋራ ፓዲዲ የርዳኖሴ ሻፋን የሃኒሳ ኩሼን ፃማቄቶሶና።

7 የሃኒሲ፣ ዳር ፋሪሳዌቲኔ ሳዲቃዌቲ ፃማቄታናው ባኮ ዩይሳታ ቤዒዲ፣ ኤንታኮ፣ «ሃ ኢታ ሸሻቶ፣ ያና ያሳ ሃንቁዋፌ ባቃታና ማላ ሂንቴና ኦኔ ዘሪዳይ? 8 ሂዛ፣ ሂንቴ፣ ሂንቴ ናጋራፔ ሲሚዳይሳ ኤሪሲያባ ኦሊቴ። 9 ሂንቴ፣ ሂንቴ ዎዛናን፣ (ኦብራሃሜይ፣ ኑ አዎይ ዴዔሰ) ገዲ ቆፖፊቴ። ሎይሊ ሲዒቴ! ያሳይ ሃ ሹቻታፔ ኦብራሃሜሰ ናዓ ኬሳናው ዳንዳዔሰ። 10 ቤዩይ ሚላ ፃጶዎን ገገዲ ኡቲሰ፤ ሎፖ ኦይፌ ኦይፎና ሚላ ኡባይ ቃንዩቲዲ ታማን ዩጌታና።

11 «ሂንቴ፣ ሂንቴ ናጋራፔ ሲሚዳይሳ ኤሪሳናው ታኒ ሂንቴና ሃላን ፃማቃይሰ። ሺን ታፔ ጉዬራ ዩይሲ ሂንቴና ጌሻ ኣያናኒኔ ታማን ፃማቃና። ኢ ታፔ ዳር ዎልቃሜሰ፤ ታኒ ሃሪ ኣቶሺን ኢያ ጫማ ቶካናዉካ ቤሲኪ። 12 ካላ ጌሺያ ፒሌይ ኢያ ኩሼን ዴዔሰ። ካላ ሎይሊ ጌሼሰ፤ ገሰቲያ ባ ሻሊያን ቆላና፣ ሺን ፑኑዎ ቶያና ታማን ፀጋና» ያገሰ።

**ዩሱሳ ፃማቄቲላ
(ማር 1:9-11፤ ሉቃ 3:21-22)**

13 ሄ ዎዴ ዩሱሲ የሃኒሳ ኩሼን ፃማቄታናው ጋሊላፔ የርዳኖሴ ሻፋ ቢሰ። 14 ሺን የሃኒሲ ኢያ ዲጋናው ኮዩድ፣ «ታኒ ኔናን ፃማቄታናው ኮሺሺን ኔኒ ታኮ ያይ?» ያገሰ። 15 ሺን ዩሱሲ ዘሪዲ፣ «ያሳይ ኑፔ ኮያባ ኡባ ኑ ፖላናው ቤሲያ ገሾ ሃዒ ታው ኤር ጋ» ያገሰ። የሃኒሲ ኢያው ኤር ገዲ ኤኪሰ። 16 ዩሱሲ ፃማቄቲዳ ማላ ሃላፌ ኬዩሰ። ኢራካ ሳሎይ ደዩቲን ያሳ ኣያናይ ሆሌዳ ዩሺን ቃሲ ባ ቦላ ዎልዓሚዲ ዎዲሺን ቤዒሰ። 17 ሄ ዎዴ «ታ ደሲያ፣ ኢያን ታና ኡፋይሲያ ታ ናዓይ ሃይሳ» ያገሰ ቃላይ ሳሎፔ ዩሰ።

3:4 2ካዎ 1:8 3:7 ማቶ 12:34፤ 23:33 3:9 የሃ 8:33 3:10
ማቶ 7:19 3:17 ማቶ 12:18፤ 17:5፤ ማር 1:11፤ ሉቃ 9:35

4

ዩሱፊ ፓጮቴሳ

(ማር 1:12-13፤ ሉቃ 4:1-13)

1 ሄሳፌ ጉዬ፣ ፃላሄይ ዩሱፊ ፓጮና ማላ ጌሻ አያናይ ዩሱፊ ባዘ ቢታ ኤፊስ። 2 አይታው ቃማኔ አይታው ጋለስ ጾሚዳፔ ጉዬ ኮሻቲስ። 3 ፃላሄይ ዩሱፊኮ ዪዲ «ኔኒ ጾሳ ናባ ጊዲኮ፣ አኔ ሃ ሹቻቲ ኡይሉ ጊዳና ማላ ኪታ» ያገሰ።

4 ዩሱፊ ዛሪዲ፣ « አሲ ጾሳ ዶናፔ ኬያ ቃላ ኡባን ዳናፔ አቲን ኡይሳ ፃላላን ዳዔና) ጌቲቲዲ ጾሳ ቃላን ፃፊቲስ» ያገሰ።

5 ካሊዲካ፣ ፃላሄይ ዩሱፊ ጌሻ ካታማ ኤፊዲ፣ ጾሳ ኬላ ሁዒያ ኬሲዲ፣ 6 «ኔኒ ጾሳ ናባ ጊዲኮ፣ አኔ ዲፔ ሳባን ኩንዳ፣ አይስ ገኮ፣

ኔ ቶሆይ ሹቻን ጳቤቲ ዳሹቶና ማላ፣

ባንታ ኩሺያን ኔና ዳንፋና ማላ፣

ጾሳይ ባ ኪታንቸታ ኔ ገሾ ኪታና)

ጌቲቲዲ ጾሳ ቃላን ፃፊቲስ» ያገሰ።

7 ዩሱፊ ኢያኮ፣ «ቃሲካ፣ (ጾሳ ቃላን ኔ ጎዳ፣ ኔ ጾሳ ፓጮፋ) ያገቲዲ ፃፊቲስ» ጊዲ ዛሪስ።

8 ወርሴላን ፃላሄይ ዩሱፊ ኢሲ ዋልቃማ ዳሪያ ሁዒ ኬሲዲ አላሚያ ካዋቲላታ ኤንታ ቦንቹዋራ ኢሲፌ ቤሲዲ፣ 9 «ኔ ታው ኩንዳዳ ጎይኪኮ ታ ኔው ሃ ኡባ አማና» ያገሰ።

10 ዩሱፊ ዛሪዲ፣ «ሃ ፃላሄያው፣ ታፔ ሃካ! ኔ ጎዳ፣ ኔ ጾሳ ጎይና፣ ኢያ ፃላላ ሃጋዛ) ጌቲቲዲ ጾሳ ቃላን ፃፊቲስ» ያገሰ።

11 ሄሳፌ ጉዬ፣ ፃላሄይ አጊዲ ቢስ፤ ኪታንቸቲ ዪዲ ኢያ ሃጋዚዶሶና።

ዩሱፊ ቲሚርቲያ

(ማር 1:14-15፤ ሉቃ 4:14-15)

12 ዩሱፊ፣ ዮሃንሲ ቃሹቶይሳ ሲዒዳ ዋዴ ጋለላ ቢታ ቢስ።

13 ናዚሬቲ ካታማ አጊዲ ዛቢሎናኒኔ ኒፍታሌሜ ሄራን፣ አባ ማታን ዳዒያ ቁፊርናሆሜ ካታማ ቢዲ ያን ዳዒስ። 14 ሄሲ ሃኒዲይ ናቢያ ኢሳያሳ ዶናን፣

15 «ዛቢሎኔ ቢታን፣ ኒፍታሌሜ ቢታን፣

ዮርዳኖሴ ሻፋፔ ሄፊንላን፣

4:1 ኢብ 2:18፤ 4:15 4:4 ዛሬ 8:3 4:6 ማዝ 91:11 4:7 ዛሬ
6:16 4:10 ዛሬ 6:13 4:12 ማቶ 14:3፤ ማር 6:17፤ ሉቃ 3:19-20
4:13 ዮሃ 2:12

አባ ኦጊያ ጋፃን ዳዒያ፥
አይሁዳ ጊደና ዳሬይ ዳዒያ ጋለላን፥

16 ቋማን ዳዒያ ዳሬይ፥
ዋለቃማ ፖያ ቤዒሰ።

ሃይቆ ኩያ ቢታን፥
ዳዔይሳታሰ ፖያይ ኬዩሰ»

ያጊዲ ኦዴቲዳ ቃላይ ፖሌታና ማላሳ።

17 ሄ ዋዴፔ ደሚዲ ዩሱሲ፥ «ጾሳ ካዎቲላይ ማታቲዳ ጊሾ ሂንቲ ናጋራፔ ሲሚቲ» ያጊዲ ቃላ ሳባኬሰ።

ኮይር ታማሬታ ያጌቴላ
(ማር 1:16-20፤ ሉቃ 5:1-11)

18 ዩሱሲ ጋለላ አባ ማታራ አዲሼ ናምዑ አሻታ፥ ጳጳርሳ ጌቲቲያ ሲሞናኔ ኢያ አሻ ኢንዲሪያሳ ቤዒሰ። ኤንቲ ሞሎ ኦይኬይሳታ ጊዲዳ ጊሾ ባንታ ጌቲያ አባን ዩጎሶና። 19 ዩሱሲ ኤንታና፥ «ሃ ዩቲ፤ ታና ካሊቲ! ሞሎ ኦይሊ አቶሺን፥ ታ ሂንቲና አሴ ኦይሊ ታማርሳና» ያጊሰ። 20 ኤንቲካ፥ ኤሌሲዲ ባንታ ጌቲያ ዩጊ አጊዲ ዩሱሳ ካሊደሶና።

21 ዩሱሲ ያፔ ቡር ጌዴ ሲንሌ አዲሼ ሃራ ናምዑ አሻታ፥ ዛብዲዮሳ ናይታ፥ ያይቆባኔ ዮሃንሳ ቤዒሰ። ባንታ አዋ ዛብዲዮሳራ ኢሲፌ ዋጎሉዋ ጊደን ባንታ ጌቲያ ገገሴይሳታ ያጊሰ። 22 ኤንቲካ፥ ኤሌሲዲ ባንታ ዋጎሉዋኔ ባንታ አዋ አጊዲ ዩሱሳ ካሊደሶና።

ዩሱሲ ሃርጋንቾታ ፓሊሰ
(ሉቃ 6:17-19)

23 ዩሱሲ አይሁዳ ዋሳ ኬላታን ታማርሲሼ፥ ሳሎ ካዎቲላ ዋንጌላ አዲሼኔ ዱማ ዱማ ሃርጊያፌ አሳ ፓሊሼ ጋለላ ቢታ ኡባን ዩዩሰ።

24 ሃሳፌ ዴንደይሳን ኢያ ሱንላይ ሶሪያ ቢታ ኡባን ኬዩሰ። ዱማ ዱማ ሃርጌን ኦይኬቲዳይሳታኔ ዋዩቲይሳታ፥ ቱና አያናን ኦይኬቲዳይሳታ፥ ሾጪ ዩጊያ ሃርጌን ኦይኬቲዳይሳታኔ፥ ጉንዳታ ኢያዮ ኤሂደሶና፤ ኢካ ኤንታና ፓሊሰ።

25 አሳይ ጋለላፔ፥ ታሙ ካታማታፔ፥ ዩሩሳላሚፔ፥ ዩሁዳፔኔ ዮርዳኖሴ ሻፋ ሄፊንላን ዳዒያ ቢታፌ ዩዳ ዳር አሳይ ኢያ ካሊደሶና።

5

ዩሱሲ ዳሪያ ቦላ ታማርሲዳ ቲሚርቲያ

1 ዳር ዳሬይ ሸቂዳይሳ ዩሱሲ ቤዒዳ ዎዴ ዳሪያ ቦላ ከዬዲ ኡተሰ። ኢያ ታማሬቲ ኢያኮ ሸቂን፣ 2 ሃይሳዳ ያጊዲ ታማርሲስ፡

ቱማ ኡፋይሳ
(ሉቃ 6:2-23)

- 3 «ባንታ ኢያናን ማንቆቲ ኢንጃቲዳይሳታ፡ ሳሎ ካዎቲላይ ኤንታሳ።
- 4 ዩኬይሳቲ ኢንጃቲዳይሳታ፡ ኤንቲ ሚንሌሉ ዳማና።
- 5 ባንታ ዎዛናን ኢሸኬቲ ኢንጃቲዳይሳታ፡ ኤንቲ ሳዒ ላታና።
- 6 ዲሎባ ኦላናው ኮሻቲይሳቲኔ ሳሞቲይሳቲ ኢንጃቲዳይሳታ፡ ኤንቲ ካላና።
- 7 ማሬይሳቲ ኢንጃቲዳይሳታ፡ ኤንቲ ማርቲሌ ዳማና።
- 8 ዎዛና ጌሻቲ ኢንጃቲዳይሳታ፡ ኤንቲ ያሳ ቤዒና።
- 9 ሲጌሌይሳቲ ኢንጃቲዳይሳታ፡ ኤንቲ ያሳ ናይታ ጌቲቲ ዪጌታና።
- 10 ዲሎባ ኦሊያ ጊሾ ጊዲ፡ ሳዴቲይሳቲ ኢንጃቲዳይሳታ፡ ሳሎ ካዎቲላይ ኤንታሳ።
- 11 «ኣሳይ ሂንቴና ታ ጊሾ ጊዲ ጫያ ዎዴ ሳዲያ ዎዴኔ ሂንቴ ቦላ ኢታባ ኡባ ዎርዶን ኦዲሲያ ዎዴ ሂንቴ ኢንጃቲዳይሳታ።
- 12 ሂንቴ ዎይቶይ ሳሎን ጌታ ጊዲያ ጊሾ ኡፋይቲቴ፣ ሃሹ ጌቲ። ሂንቴሬ ካሴ ዳዒያ ናቤታ ሄሳዳ ሳዲዶሶና።

ማዒኔኔ ፖዎ

13 «ሂንቴ ቢታሰ ማዒኔ፤ ማዒኔይ ባ ማዒኔቲላ ኣጊኮ፣ ባ ማልዎቲላ ዋቲ ዛሪ ዳማኔ? ካሪ ሆሊን ኣሳን ዩዴታናፔ ኣቲን ኣይቢሰካ ማዴና።

5:4 ኢሳ 61:2 5:5 ማዘ 37:11 5:6 ኢሳ 55:1 5:8 ማዘ 24:3
 5:10 1ጴጌ 3:14 5:11 1ጴጌ 4:14 5:12 2ታሪ 36:16፤ ሃ.ኦ 7:52
 5:13 ማር 9:50፤ ሉቃ 14:34-35

14 «ሂንቴ ቢታሰ ፖ፣ ዴሬ ቦላ ዴዲያ ካታሚያ ቆሴታናው ደንዳዑኩ። 15 ፆሞፔ ኦይሌዲ ሶን ዴዲያ ኣሳ ኡባሰ ፖፍና ሜላ ጶቃ ሶን ዎሌሲፔ ኣቲን ዳሎ ጊደን ዎሌይ ባዎ። 16 ሄሳ ሜላ ኣሳይ ሂንቴ ሎፆ ኦሱዎ ቤዲዲ፣ ሳሎን ዴዲያ ሂንቴ ኣዎ ቦንቻና ሜላ ሂንቴ ፖፆይ ኣሳ ሲንፋን ፖ።

ሙሴ ሂጊያ

17 «ታኒ ሙሴ ሂጊያኔ ናቤታ ቃላ ሻራናው ዪዳ ሂንቴው ዳናፖ። ታኒ፣ ኤንቴ ኦዲዳይሲ ቱማ ጊዴይሳ ቆንጨሳናው ያሲፔ ኣቲን ሻራናው ያቢኬ። 18 ታ ሂንቴው ቱማ ኦዳይሰ፤ ሳሎይኔ ሳዓይ ኣቆና ጋካናው ሂጌ ኡባይ ፖሌታናፔ ኣቲን ሂጊያፌ ኢሲ ቃላይ ዎይኮ ፒዳሌይ ኣጶና። 19 ሄሳ ጊሾ፣ ሃ ኪታታፔ ጉዲያ ኢሲ ኪታ ሜንሱያ ኦኒካ ቃሲ ሃራታ ሄሳፉ ኦፋና ሜላ ታማርሴይ ኦኒካ ሳሎ ካዎቴፋን ኡባፌ ጉፋ ጊዳና። ሺን ሃ ኪታ ፖሌይሲኔ ሃራታካ ፖላና ሜላ ታማርሴይ ሳሎ ካዎቴፋን ጊታ ጊዳና። 20 ታ ሂንቴው ኦዳይሰ፤ ሂንቴ ዪሎቴፋይ ፋሪሳዌታ ዪሎቴፋፌኔ ሂጌ ኣሰታማሬታ ዪሎቴፋፌ ኣጶና ኢዲኮ፣ ሳሎ ካዎቴፋ ጌሌኬታ።

ዎጲባ

21 «ሂንቴ ማይዛታሰ፣ «ዎጲፒቴ፤ ሸምፖ ዎጲዳ ኦኒካ ፒርዴታና) ጌቴቶይሳ ሲዲዴታ። 22 ሺን ታ ሂንቴው ኦዳይሰ፤ ባ ኢሻ ሃንቴታያ ኡባይ ፒርዴታና። ባ ኢሻ ጫያ ኦኒካ ዳይና ሲንሌ ፒርዳሰ ሸቃና። ባ ኢሻኮ፣ «ኤያይ) ጊያ ኦኒካ ቃሲ ጋናሜ ታማን ፒርዴታና።

23 «ሄሳ ጊሾ፣ ኔኒ ኔ ያርሹዎ ያርሺያ ዎዴ ኔ ኢሻ ቆሂዳባይ ኔው ኣኬኬቴኮ፣ 24 ኔ ያርሹዎ ሄ ቤሳን ኣጋዳ ባ፤ ኮይርታ ባዳ ኔ ኢሻራ ጊጋ፤ ያታ ሲማዳ፣ ኔ ያርሹዎ ያሳሰ ያርሻ።

25 «ኔና ሞቴይሳራ ፒርዳ ኬሌ ባሼ ኦጌ ቦላ ኢያራ ጊጋ። ሄሲ ኣቶ ጊኮ ኢ ኔና ዳይና ሲንሌ ኤፋና። ዳይናይ ኔና ቃቕይሳሰ ኣሌ ኢማና፤ ኢ ኔና ዎይኔን ዩጋና። 26 ታ ቱማ ኦዳይሰ፤ ኔ ቦላ ፒርዴታዳ ኣጩዎ ኢሲ ሳንቴሜይ ኣቶና ጨጋ ኦንጋና ጋካናው ቃሾ ኬላፌ ኬያካ።

ላይማቴላባ

5:14 የሃ 8:12፤ 9:5 5:15 ማር 4:21፤ ሉቃ 8:16፤ 11:33 5:16 1ጴ፩ 2:12 5:18 ሉቃ 16:17 5:21 ኬሳ 20:13፤ ዛሬ 5:17

27 «ሃይሳፌ ካሴ፣ <ላይማቶፒቴ> ጌቴቶይሳ ሲቢዳታ።
 28 ሺን ታ ሂንቴው ኦዳይሰ፣ ማጫሰ ጁሊዲ፣ አሞቲዳ ኡባይ ባ
 ዋዛናን ኢራ ላይማቴሰ። 29 ኔ ኡሻቻ አይፌይ ኔው ናጋራሰ ጋሶ
 ጊዲኮ፣ ኬሳ ሆላ። ኔ አሳቴሳይ ኩሜሊ ጋናሜ ታማን ዋቆናፔ
 ኔ አሳቴሳፌ ኢሶይ ቆይኮ ኔው ሎዎ። 30 ኔ ኡሻቻ ኩሼይ ኔው
 ናጋራሰ ጋሶ ጊዲኮ፣ ኢያ ቃንፃ ሆላ። ኔ አሳቴሳይ ኩሜሊ ጋናሜ
 ታማን ዋቆናፔ ኔ አሳቴሳፌ ኢሶይ ቆይኮ፣ ኔው ሎዎ።

ማቺ አዚና ቢሌላባ

(ማቶ 19:9፤ ማር 10:11-12፤ ሉቃ 16:18)

31 « <ባ ማቺው ዩዲያ ኦኒካ አንጆ ዋርቃቲያ አሞ> ጌቴቲሰ።
 32 ሺን ታ ሂንቴው ኦዳይሰ፤ ባ ማቺያ ላይማቶና ዳቢሺን ቢሊያ
 ኦኒካ ኢያ ላይማታና ሜላ ኦሌሰ። ሄሳዳካ፣ አንጆቲዳ ማጫሲው
 ኤኪያ ኡባይ ላይማቴሰ።

ጫቆባ

33 «ሂንቴ ማይዛታኮ፣ <ዋርዶን ጫቆፊቴ፤ ሂንቴ ያሳ ሲንላን
 ጫቆዳይሳ ፖሊቴ> ጌቴቲዳይሳ ሲቢዳታ። 34 ሺን ታ ሂንቴው
 ኦዳይሰ፤ ኡባራካ ጫቆፊቴ። ያሳይ ኡቲያ አራታ ጊዲያ ጊሾ
 ሳሎን ጫቆፊቴ። 35 ኢያ ቶሆይ ዩቂያ ሶ ጊዲያ ጊሾ
 ሳባንካ ጫቆፊቴ። ጌታ ካጧዋ ካታማ ጊዲያ ጊሾ ዩሩሳላሜንካ
 ጫቆፊቴ። 36 ሂንቴ ቢናናፔ ኢሱዋካ ቦሊ ዋይኮ ካሬሊ ኦላናው
 ዳንዳዎና ጊሾ ሂንቴ ሂንቴ ሁዔንካ ጫቆፊቴ። 37 ሄሳ ጊሾ፣ ሂንቴ
 ቃላይ፣ <ኤ> ዋይኮ <አካይ> ጊዶ። ሄሳፌ ካሬ ኬዬይ ፃላሄፔ
 ዩሰ።

ሃሎ ኬያናው ኮሼና

38 « <አይፌ ጊሾ አይፌ፤ አቻ ጊሾ አቺ> ጌቴቲዳይሳ
 ሲቢዳታ። 39 ሺን ታ ሂንቴው ኦዳይሰ፤ ሂንቴ ቦላ ኢታባ
 ኦሊያ ኡራራ ኤቁቶፊቴ። ኦኒካ ኔ ኡሻቻ ሻካላ ባቁኮ ኔ ሃዲርሳ
 ሻካላካ ቤሳ። 40 ኢሲ አሲ ኔ ሻሚዚያ ኤካናው ኔና ሞቲኮ፣ ኔ
 ኮቲያ ጉጃዳ አማ። 41 ኢሲ አሲ ኔና ዋልቃን ባባ ቶሲዲ ኢሲ

5:27 ኬሳ 20:14፤ ዛሬ 5:18 5:29 ማቶ 18:9፤ ማር 9:47 5:30 ማቶ
 18:8፤ ማር 9:43 5:31 ማቶ 19:7፤ ማር 10:4 5:32 ማቶ 19:9፤ ማር
 10:11-12፤ ሉቃ 16:18፤ 1ቆር 7:10-11 5:33 ለዌ 19:12፤ ታይ 30:2፤ ዛሬ
 23:21 5:34 ማቶ 23:22 5:35 ኢሳ 66:1፤ ማዝ 48:2 5:38 ኬሳ
 21:24፤ ለዌ 24:20፤ ዛሬ 19:19

ሳቴ ኦጌ ባራ ባና ማላ ኔና ኡንዔሊኮ፡ ኢያራ ናምዑ ሳቴ ኦጌ ባ። 42 ዋሲያ ኦደሰካ ኢማ፤ ኔፔ ታልዓናው ኮያ ኦናካ ዲጎፋ።

ኔ ሞርኬታ ሲቃ
(ሉቃ 6:27-28፣ 32-36)

43 « ሳና ደሴይሳ ደሳ፤ ኔና ኢጄይሳ ኢ፡፡ ጌቴቶይሳ ሲዒዳታ።
44 ሺን ታ ሂንቴው ኦዳይሰ፤ ሂንቴ ሞርኬታ ደሲቴ፤ ሂንቴና ቆሄይሳታሰ ዋሲቴ። 45 ሄሳሉ ሂንቴ ኦሊኮ፡ ሳሎን ዳዒያ ሂንቴ ኦዋሰ ሂንቴ ናይታ ገዳና። ኢ ኢታታሲኔ ሎዎታሰ ኦዋ ኬሴሰ፤ ዓሎታሲኔ ናጋራንቸታሰ ባ ኢራ ቡኪሴሰ። 46 ሂንቴና ደሲያ ኦሳ ዓላላ ሂንቴ ደሲኮ፡ ሂንቴው ኦይ ዋይቶይ ዳዒ? ሃሪ ኦቶሺን፡ ቃራ፡፡ ቃንዒሴይሳቲካ ሄሳ ኦሎሶና። 47 ሂንቴ፡ ሂንቴ ኢሸታ ዓላላ ሳርሊኮ፡ ሃራታፔ ሄይ ሃራ ኦዲያባ ኦሊዳቲ? ሃሪ ኦቶሺን፡ ያሳ ኦማኖና ኦሳይካ ሄሳ ኦሎሶና። 48 ሂዛ፡ ሳሎን ዳዒያ ሂንቴ ኦዋይ ፖሎ ገደይሳዳ ሂንቴካ ፖሎ ገዲቴ።

6

ማንቆታሰ ኢሞባ

1 «ኦሲ ቤዎ ገዲ ሂንቴ ሎዎ ኦሱዋ ኦሳ ሲንፋን ኦሎናዳ ናጌቴቴ። ሄሳሉ ሃኖና ኢዲኮ ሳሎን ዳዒያ ሂንቴ ኦዋፔ ዋይቶ ዳማኬታ።

2 «ሂንቴ ማንቆታሰ ኢሚያ ዋይ ኦሳ ሲንፋን ቦንቸታናው ገዲ ጨቦቴ ኦጌያ ደናኒኔ ኦይሁዳ ዋሳ ኬላታን ኦሊይሳዳ ኦሲ ቤዎ ገዲ ኦሎፊቴ። ታ ሂንቴው ቱማ ኦዳይሰ፤ ኤንቴ ባንታ ኩማላ ዋይቱዋ ኤኪደሶና። 3 ሺን ሂንቴ ማንቆታሰ ኢሚያ ዋይ ሂንቴ ኡሻቻ ኩሼይ ኦሊይሳ ሂንቴ ሃዲርሳ ኩሼይ ኤርፖ፤ 4 ሂንቴ ኢሞይ ጌማን ገደ። ጌማን ኦሊይሳ ቤዒያ ሂንቴ ኦዋይ ሂንቴው ዋይቱዋ ቆንጨኙን ኢማና።

ዋሳባ
(ሉቃ 11:2-4)

5 «ዋሳ ዋሲሽ ጨቦታሉ ሃኖፕቴ። ኤንቴ፡ ባንታና ኦሲ ቤዎ ገዲ ኦይሁዳ ዋሳ ኬላኒኔ ኦጌያ ደናን ኤቂዲ ዋሴይሳ ደሶሶና። ታ ሂንቴው ቱማ ኦዳይሰ፤ ኤንቴ ባንታ ኩማላ ዋይቱዋ ኤኪደሶና። 6 ሺን ኔኒ ዋሲያ ዋይ ኔ ሶ ጌላ፡ ዉላ ጎርዳዳ ጌማን ዳዒያ ኔ ኦዋኮ ዋሳ፤ ጌማን ኦሴቴዳይሳ ቤዒያ ኔ ኦዋይ

5:48 ሉዌ 19:2፤ ዛሬ 18:13 6:1 ማቶ 23:5 6:5 ሉቃ 18:10-14

ኔው ወይቱዋ አማር። 7 ሂንቲ ወሲያ ወዴ አማኖና አሳሉ ጮ ቃላ ዳርሲዲ ወሰፊቱ። ኤንቲ አዲሲ ወሲን ያሳይ ሲዔስ ጊዲ ቆገሶና። 8 ሄሳ ጊሾ፡ ኤንታይሳዳ ሃኖፒቱ። አይስ ጊኮ፡ ሂንቲ አዋይ ሂንቲው አይ ኮሺያኮ ሂንቲ ወሳናፔ ሲንፋቲዲ ኤሬስ።

9 «ሂዛ፡ ሂንቲ ያጊዲ ወሲቱ፡

ሳሎን ዴዲያ ኑ አዋው፡

ኔ ጌሻ ሱንፋይ አንጃቶ።

10 ኔ ካዎቲሳይ ዮ፡

ኔ ሼኔይ ሳሎን ሃኒዳይሳዳ

ሳዓንካ ሃኖ።

11 ጋላሳ ካላ ሃቺ ሃቺ ኑስ አማ።

12 ኔኒ ኑና ቆሂዳይሳታ፡ አቶ ጌይሳዳ፡

ኑስካ ኑ ቆሁዋ አቶ ጋ።

13 ኑና ኢታፔ አሻፌ አቲን

ፓጩን ጌልሶፋ።

[ካዎቲሳይ፡ ወልቃይኔ ቦንቾይ

ሜሪናው ኔሳ። አሚንዒ።]

14 «ሂንቲ ሂንቲና ቆሂዳይሳታ አቶ ጊኮ፡ ሳሎን ዴዲያ ሂንቲ አዋይ ሂንቲ ቆሁዋካ አቶ ጋና። 15 ሺን ሂንቲ ሃራ አሳ ናጋራ አቶ ጎና ኢጻኮ ሂንቲ አዋይ ሂንቲ ናጋራ አቶ ጌና።

ያማባ

16 «ሂንቲ ያሚያ ወዴ ጩቦታላ ካዮቶፊቱ። አይስ ጊኮ፡ ኤንቲ ያሚይሳ አሲ ኤራና ሜላ ባንታ ሶሞዑዋ ቂታዮሶና። ታ ቱማ ኑዳይስ፤ ኤንቲ ባንታ ወይቱዋ ኤኪደሶና።

17 «ሺን ኔኒ ያሚያ ወዴ ኔ ሶሞዑዋ ሜጫ፡ ኔ ሁዲያ ቲዬታ።

18 ሄሳዳ ኔ ኦሊኮ ኔ ያሚያ ያማይ አሳፔ ጌሚዳይሳ፡ ሺን ጌማን ዴዲያ ኔ አዋይ ኤሪያ ያማ ጊዳና። ጌማን ኦሴቲዳይሳ ቤዲያ ኔ አዋይ ኔው ወይቱዋ አማር።

ሳሎን ሻሎ ሺሾ

19 «ቢሊ ሚያሶን፡ ቢራቲ ሺዲያሶን፡ ካይሶይ ቦኪዲ ኤኪያሶን፡ ሃ ሳዓን፡ ሂንቲው ሻሎ ሺሾፒቱ። 20 ሺን ቢሊ ሞናሶን፡ ቢራቲ ሺያሶን፡ ካይሶይ ቦኪዲ ኤኮናሶን ሳሎን ሂንቲው ሻሎ ሺሺቱ። 21 ኔ ሻሎይ ዴዲያሶዋን ኔ ዋዛናይ ዴዳና።

22 «አይፈይ አሳቴላሰ ጾም፤ ሄሳ ጊሹ፣ ኔ አይፈይ ገፃ ጊዲኮ ኔ ኩሜላ አሳቴላይ ፖፖ ጊዴሰ። 23 ኔ አይፈይ ሃርጋንቸ ጊዲኮ ኔ ኩሜላ አሳቴላይ ቋማ ጊዴሰ። ሄዛ፣ ኔናን ዴዲያ ፖፖይ ቋማ ጊዲኮ፣ ቋማይ አይ ሜላ አዲዲ ቋማንዴሻ!

24 «ኢሲ አሲ ናምዑ ጎዳሰ ሃሪታናው ዳንዳዔና። ኢሱዋ ደሲኮ ሃንኩዋ ኢዳሰ፤ ዋይኮ ኢሱዋ ቦንቸኮ ሃንኩዋ ካዴሰ። ያሳሲኔ ሚሼሰ ሃሪታናው ዳንዳዔኬታ።

ኡንዔቶፊቴ (ሉቃ 12:22-31)

25 «ሂዛ፣ ሲዒቴ! ሂንቴ ዴፖን ዳናው፣ ሳይ ማኔ? አይ ኡያኔ? አይ ማዓኔ?) ጊዲ ኡንዔቶፊቴ፤ ዴፖይ ካላፊ ዋይኮ ማፖፔ አዴኔ? 26 ሳሎ ካፎታ ያለቴ፤ ኤንቴ ዜሮኮና፣ ቡጮኮና፣ ሻሌን ዩጎኮና፣ ሺን ሂንቴ ሳሎ አዋይ ኤንታ ሙዜሰ። ሂንቴ ኤንታፊ ኬሂ አዴኬታ? 27 ሂንቴ ጊዴፊ ዳሮ ኡንዔቲዲ ባ ላይላ ቦላ ኢሲ ጋላሰ ጉጃናው ዳንዳዔይ ዴዒ?

28 «ቃሲ ሂንቴ ማዲያባሰ አይሰ ኡንዔቲቴ? አኔ ጨሻታ ቤዒቴ፣ ኦሶን ዳቡሮኮና ዋይኮ ሱቆኮና። 29 ሲዒቴ! ሃሪ አቶሺን፣ ካዉዋ ሶሎሜይ ባ ቦንቸ ኡባን ሃ ጨሻታፔ ኢሱዋ ሜላካ ማዲቤና። 30 ሂንቴና፣ አማኖይ ፓጪዳይሳቶ፣ ያሳይ ሃቺ ቤንቴዲ ዋንቶ ታማን ዋቋናው ዴዲያ ማታ ያቲዲ ማይዚያባ ጊዲኮ፣ ሂንቴና ኤንታፊ አሉዲ ዋቲ ማይዜኔ? 31 ሄሳ ጊሹ፣ ሳይ ማኔ? አይ ኡያኔ? አይ ማዓኔ?) ጊዲ ኡንዔቶፊቴ። 32 ሄ ኡባ ያሳ አማኖና አሳይ ዳርሲዲ ዴማናው ኡንዔቶሶና። ሂንቴ ሳሎ አዋይ ሄ ኡባይ ሂንቴው ኮሼይሳ ኤሬሰ። 33 ሺን ኡባፊ ሲንሉ ያሳ ካዋቴላኔ ኢያ ዲሎቴላ ኮዩቴ፤ ሄ ኡባይ ሂንቴው ጉጂ ኢሜታና። 34 ሄሳ ጊሹ፣ ዋንቶሰ ቆፒሼ ኡንዔቶፊቴ። ዋንቶይሲ ዋንቶሰ አቆ፤ ኢሲ ኢሲ ጋላሳይ ባው ጊዲያ ሜቶራ ዴዔሰ።

7

ሃራታ ቦላ ፒርዶፊቴ (ሉቃ 6:37-42)

1 «ሂንቴ ቦላ ፒርዶቶና ሜላ ሃራታ ቦላ ፒርዶፊቴ። 2 አይሰ ጊኮ፣ ሃራታ ቦላ ሂንቴ ፒርዶይሳዳ ሂንቴ ቦላ ፒርዶታና፤ ሂንቴ ሃራታሰ ማኪዳባን ሂንቴው ዛሪ ማኬታና። 3 ኔ አይፊን ዴዲያ

ቱሱ ዳኔይሳ በዶና ኔ ኢሻ ኣይፊን ዳዒያ ቡሪያ ኣይሰ በዓይ?
4 ኔ ኣይፊን ቱሲ ዳዒሺን ኔ ኢሻ ኣይፊን ዳዒያ ቡሪያ ኬሶ
ጋናው ዋና ዳንዳዒይ? 5 ኔኖ ጨቡዋው፣ ኮይርታዳ ኔ ኣይፊን
ዳዒያ ቱሲ ዳኔይሳ ኬሳ። ኢያፔ ጉዩ፣ ኔ ኢሻ ኣይፊን ዳዒያ
ቡሪያ ኬሳናው ኔ ጌሻ ፃላና።

6 «ጉዩ ሲሚዲ ሂንቴና ሳፆና ማላ ጌሻባ ካናታሰ ዩጎፊቴ።
ባንታ ቶሁዋን ዩጲዲ ኢሶና ማላ ሂንቴ ኣልዎ ኢንቁዋ ጉዳንፊታ
ሲንሳን ዩጎፊቴ።

ዋሲቴ፣ ኮዩቴ፣ ፃጊቴ
(ሉቃ 11:9-13)

7 «ዋሲቴ ሂንቴው ኢሜታና፣ ኮዩቴ ሂንቴ ዳማና፣ ካሬ ዩዲ
ፃጊቴ ሂንቴው ደዩታና። 8 ዋሲያ ኦዴሰካ ኢሜታና፣ ኮያ ኦዴሰካ
በንታና፣ ካሬ ዩዲ ፃጊያ ኦዴሰካ ደዩታና።

9 «ሂንቴ ጊዶፊ ባ ናዒ ኡይሉ ዋሲኮ ሹቺ ኢሜይ ኦኔ?
10 ዋይኮ ሞሎ ዋሲኮ ሹሺ ኢሜይ ዳዒ? 11 ያቲን ሂንቴ ኢታ
ጊዲሼ ሂንቴ ናይታሰ ሎዎባ ኢሞ ኤሪኮ፣ ሂንቴ ሳሎ ኣዋይ ባና
ዋሲይሳታሰ ሎዎባ ዋቲ ዳርሲዲ ኢሜኔ? 12 ሃራቴ ሂንቴው
ኦላና ማላ ሂንቴ ኮያባ ኡባ ሂንቴካ ሃራታሰ ኦሉቴ። ኣይሰ ጊኮ፣
ሙሴ ሂጌይ ናቤቲ ታማርሴይ ሃይሳ።

13 «ፀንሳ ዉላራ ጌሊቴ፤ ኣይሰ ጊኮ፣ ጳዮሰ ኤፊያ ኦጌይ ዋጋ፣
ዉላይካ ዳልጋ። ኢያራ ጌሊያ ኣሳይካ ዳር። 14 ሸን ዳዑዋኮ
ኤፊያ ኦጌይ ዉላይ ፀንሳ፤ ያ ጌሊያ ኣሳይካ ጉላ።

ሚሊ ባ ኣይፊን ኤሬቴሰ
(ሉቃ 6:43-44)

15 «ቦላ ባጋራ ደርሴ ዳኒዲ ባንታ ጋላን ሱፉሜ ጊዲዲ ሂንቴ
ጊዶ ጌሊያ ዋርዳንቸ ናቤታፔ ናጌቴቴ። 16 ሂንቴ ኤንታ፣ ኤንታ
ኣይፊያፔ ኤራና፤ ኣጉንሳፊ ዋይኔይ፣ ከንቸቴፔ ላዳይ ማፃቴና።
17 ሂሳ ሚሊ ሎዎ ሚሊ ኡባይ ሎዎ ኣይፊ ኣይፊሰ፤ ኢታ ሚሊ
ኢታ ኣይፊ ኣይፊሰ። 18 ሎዎ ሚሊ ኢታ ኣይፊ ኣይፊና፣ ቃሲ
ኢታ ሚሊ ሎዎ ኣይፊ ኣይፋናው ዳንዳዒና። 19 ሎዎ ኣይፊ
ኣይፎና ሚሊ ኡባይ ቃንፃቲዲ ታማን ፀጌታና። 20 ሂሳ ጊሹ፣
ሂንቴ ኤንታ፣ ኤንታ ኣይፊያን ኤራና።

21 «ሳሎን ዳዒያ ታ ኣዋ ሸኒያ ኦሊያ ኡራይ ሳሎ ካዋቴሊ
ጌላናቴ ኣቲን ጮ ታና ሳዳው፣ ሳዳው፣ ጊያ ኡባይ ሳሎ ካዋቴሊ

ጌሌና። 22 ፐርዳ ጋላስ ዳርቲ፣ ሳዳው፣ ጎዳው፣ ኔ ሱንጻን ቲንቢቲ ኦዲቦኮ? ኔ ሱንጻን ቲና ኣያናታ ኬሲቦኮ? ኔ ሱንጻን ማላታታ ኦዲቦኮ? ያጋና። 23 ሄ ዎዴ ታኒ፣ ታ ሂንቴና ኡባራካ ኤሪኬ፣ ሂንቴ ኢታ ኦፊይሳቲ ታፔ ሃኪቴ) ያጋና።

24 «ሂዛ፣ ሃ ታ ቃላ ሲዒዲ ኦፊያ ኦኒካ ባ ኬላ ሹቻ ቦላ ከዳዳ ዎዛናማ ኣሳ ማላ። 25 ኢራይ ቡኪሰ፣ ዲያይ ዲዒሰ፣ ጫርኮይካ ጫርኪዲ ሄ ኬላ ሱጊሰ። ሺን ኬላይ ሹቻ ባሶ ቦላ ከዳቲዳ ጊሾ ኩንዲቤና። 26 ሃ ታ ቃላ ሲዒዲ ኦፊና ኦኒካ ባ ኬላ ሻፌ ቦላ ከዳዳ ኤያ ኡራ ማላ። 27 ኢራይ ቡኪዲ፣ ዲያይ ዲዒዲ፣ ጫርኮይካ ጫርኪዲ፣ ሄ ኬላ ሱጊን፣ ሄ ኬላይ ኩንዲሰ፤ ኢያ ኩንዳላይካ ዎልቃማ» ያጊሰ።

28-29 ዩሱሲ ባ ኦዳ ኦንጊዳ ዎዴ ኢያ ቲሚርቲይ ሂጌ ኣስታማሬታ ማላ ጊዶና ማታራ ጊዲያ ጊሾ ኣሳይ ኢያ ቲሚርቲያን ማላሌቲዶሶና።

8

ዩሱሲ ባር ሃርጋንቹዎ ፓሊስ (ማር 1:40-45፤ ሉቃ 5:12-16)

1 ዩሱሲ ዳሪያፔ ዎዲያ ዎዴ ዳር ኣሳይ ኢያ ካሊዶሶና። 2 ሄኮ ኢሲ ባር ሃርጋንቹይ ኢያኮ ሸቂዲ፣ ኢያ ሲንጻን ጉልባቲዲ፣ «ጎዳው፣ ኔ ሸኔ ጊዲኮ ታና ጌሻዳ ፓላናው ዳንዳዳሳ» ያጊሰ። 3 ዩሱሲ ባ ኩሺያ ዩዲዲ ኢያ ቦቲዲ፣ «ኤ፣ ታ ሸኔ፣ ፓፃ» ያጊሰ። ኡራይ ኢራካ ጌዪ ኣጊሰ። 4 ዩሱሲ ኢያኮ፣ «ኔ ፓፀዎ ኦዳሰካ ኦዶፓ። ሺን ባዳ ኔ ጌያዳ ፓይይሳ ካሂኔ ቤሳ። ኔ ፓፀዎስ ማርካ ጊዶና ማላ ባዳ ሙሴይ ከቲዳ ያርሹዎ ያርሻ» ያጊሰ።

ማቶ ሃላቃ ኣማኑዎ

5 ዩሱሲ ቁፊርናሆሚ ካታማ ጋኪዳ ዎዴ ኢሲ ማቶ ሃላቃይ ኢያኮ ሸቂዲ፣ 6 «ጎዳው፣ ታ ኣይሌይ ኣሳቲላይ ጉንዲን ዳር ሃርጌቲዲ፣ ሶን ዘንዒዲ ዳዔሰ» ያጊዲ ዎሲሰ።

7 ዩሱሲ ዛሪዲ፣ «ታኒ ባዳ ኢያ ፓላና» ያጊሰ።

8 ሺን ማቶ ሃላቃይ ዛሪዲ፣ «ጎዳው፣ ኔ ታ ሶ ጌላናው ቤሲያ ኣሲ ጊዲኬ፣ ሺን ኔ ሃን ኡታዳ ቃላ ዓላላ ኦዳ፣ ታ ኣይሌይ ፓፃና። 9 ኣይሰ ጊኮ፣ ታፔ ቦላራ ታ ኪቲቲያ ኣሳቲ ዳዎሶና፣ ቃሲ ታፔ ጋርሳራ ታው ኪቲቲይሳቲ ዳዎሶና። ኤንታፌ ኢሱዎ፣ ሳካ

7:23 ማዝ 6:8 7:28-29 ማር 1:22፤ ሉቃ 4:32 8:4 ሉዌ 14:1

ጊያዴ ቤስ፤ ሃንኩዋ ቃሲ <ሃያ!> ጊያዴ ዬስ። ታ ኣይሊያ፣ <ሃይሳ ኦላ> ጊያዴ ኦሌስ» ያጊሰ።

10 ዬሱሲ ሄሳ ሲዒዳ ዎዴ ማላሌቲዲ፣ ባና ካሊያ ኣሳኮ። «ታ ሂንቲው ቱማ ኦዲይስ፤ ታኒ ሃይሳ ማላ ኣማኖ ኢስራዔል ኣሳንካ ቢባቢኮ። 11 ታ ሂንቲው ኦዲይስ፤ ዳርቲ ዶሎሃፕኔ ወሎሃፕ ዬዲ፣ ሳሎ ካዎቴሳን ኣብራሃሜራ፣ ዬሳቃራኔ ያይቆባራ ኢሲፌ ኣማቶ ቦላ ኡታና። 12 ሺን ሳሎ ካዎቴሳ ላታናው ቤሲሺን ኣቲዳይሳቲ ካሬ ቆማን ሆሌታና። ያን ኤንታው ዬሆኔ ኣቻ ጋርጨዳ ጊዳና» ያጊሰ።

13 ዬሱሲ ማቶ ሃላቃኮ፣ «ኔ ሶ ባ፣ ኔ ኣማኑዋሶ ኔው ሃኖ» ያጊሰ። ኢያ ኣይሌይ ሶሁዋራ ፓዲ ኣጊሰ።

ዬሱሲ ዳር ሃርጋንኛታ ፓሊስ
(ማር 1:29-34፤ ሉቃ 4:38-41)

14 ዬሱሲ ጳዲሮሳ ሶ ጌሊያ ዎዴ ጳዲሮሳ ማቼ ኢያ ቆዎ ሚሻ ሃርጊን ሳኬታዳ ዚንዒዳር ቤዒስ። 15 ዬሱሲ ኢ ኩሺያ ቦቹዳ ዎዴ ቆዎኔ ሚሻይ ኣጊ ኣጊሰ። ፓዎ ዳንዳዳ ኢያ ሞክሱ።

16 ሄ ዎዴ ኦማርሲ ቱና ኣያናን ኦይኬቲዳ ዳር ኣሳታ፣ ኣሳይ ዬሱሳኮ ኤሂዳሶና። ኢካ ቱና ኣያናታ ባ ቃላን ኬሲስ፣ ሃርጋንኛታ ኡባ ፓሊስ። 17 ሄሳንካ ናቢያ ኢሳያሲ፣

«ኢ ኑ ሃርጊያ ባው ኤኪስ፣

ኢ ኑ ሃርጊያ ቶኪስ»

ጊዳ ቃላይ ፖሌቲስ።

ዬሱሳ ካሎይ ጨጊሲያ ጋቲያ
(ሉቃ 9:57-62)

18 ዬሱሲ ዳር ኣሳይ ኢያ ዩሹዋን ኤቁዳይሳ ቤዒዲ፣ ኣባፌ ሄፊንሉ ፒናና ማላ ባ ታማሬታ ኪቲስ። 19 ሂጌ ኣስታማሬታፕ ኢሶይ፣ «ኣስታማሬያው፣ ኔ ቢያሶ ኡባ ታ ካላና» ያጊሰ።

20 ዬሱሲ ኢያኮ «ዋርካናታስ ኦሊ ዴዔስ፣ ሳሎ ካፎታስ ኬሊ ዴዔስ። ሺን ኣሳ ናባስ ባ ሁዒያ ሺምፕሲያ ቤሲ ባዋ» ያጊሰ።

21 ዬሱሳ ካሊያ ኣሳታፕ ኢሶይ፣ «ሳዳው፣ ታኒ ሲንሳታ ባዳ ታ ኣዋ ሞጋዳ ያና» ያጊሰ።

22 ሺን ዬሱሲ፣ «ሃይቁዳይሳቲ ባንታ ሃይቆታ ሞሳ፤ ኔኒ ታና ካላ» ያጊሰ።

8:11 ሉቃ 13:29 8:12 ማቶ 22:13፤ 25:30፤ ሉቃ 13:28 8:17 ኢሳ 53:4

ዩሱሲ ሆቢያ ሲሲ ኦሊስ
(ማር 4:35-41፤ ሉቃ 8:22-25)

23 ዩሱሲ ባናው ዋሳሎዎን ጌሊዳ ዎዴ ኢያ ታማራቲካ ኢያራ ባናው ጌሊዳሶና። 24 ኤንቲ ቆፖና ዴሲሺን፣ ዎልቃማ ሆቤይ ሃላ ቦላ ዴንዲን ዋሳሎይ ሚቲታናው ጋኪስ። ሺን ዩሱሲ ጳሰኪስ። 25 ኢያ ታማራቲ ኢያኮ ሺቁዲ ኢያ ባርኬሊዲ፣ «ጎዳው፣ ኑ ቆዮስ ኑና አሻርኪ» ያጊደሶና።

26 ዩሱሲ ኤንታኮ፣ «ሂንቴኖ፣ አማኖይ ፓጨዳይሳቶ፣ አይሰ ያዩቲ?» ያጊሰ። ዴንዲዲ፣ ሆቢያኔ ጎቲያ ኤሲስ። ኤሌሲዲ ኡባባይ ሲሲ ጊስ።

27 ኢያ ታማራቲ ማላላቲዲ፣ «ሃይሲ፣ ሃሪ አቶሺን፣ ሆቤይኔ ጎቴይ ከቴቲይሲ ዋኒዳ አሴ?» ያጊደሶና።

ቱና አያናይ ኦይኪዳ ናምዑ አሳታ
(ማር 5:1-20፤ ሉቃ 8:26-39)

28 ዩሱሲ አባሬ ሄሬንላን ዴሲያ ጌርጌሶኔ ጊያ ቢታ ጋኪዳ ዎዴ ቱና አያናይ ኦይኪዳ ናምዑ አሳቲ ዱፎፔ ኬዪዲ ኢያራ ጋሂቲደሶና። ኤንቲ ዳሮ ኢታኔ ያሺያ አሳታ ጊዲያ ጊሾ አሲ ሄ ቤሳራ አቆናው ዳንዳዔና። 29 ኤንቲካ፣ «ዎሳ ናናው፣ ኑናኔ ኔና አይቤ ጋሴይ? ዎዴይ ጋኮና ዴሲሺን ኑና ፐርዳናው ያዲ?» ጊዲ ዎሲደሶና።

30 ኤንታፊ ዳሮ ሃኮና ጉዲንሶ ዉዴይ ሄሜቲሰ። 31 ቱና አያናቲ ዩሱሳ፣ «ኔ ኑና ኬሳናባ ጊዲኮ፣ ሂኒ ጉዲንሶ ዉዲያ ጊዶ ዩዳርኪ» ያጊዲ ዎሲደሶና።

32 ዩሱሲ፣ «ቢቲ» ያጊሰ። ቱና አያናቲ አሳታፔ ኬዪዲ ጉዲንሶታን ጌሊደሶና። ጉዲንሶቲ ኡባይ አፎ ደናራ ዲርጊዲ ቢዲ አባን ሚቲቲዲ ሃይቂደሶና።

33 ጉዲንሶ ዉዲያ ሄሜይሳቲ ባቃቲዲ ካታማ ቢዲ፣ ሂኒዳባኔ ቱና አያናይ ኦይኪዳ አሳታ ቦላ አሴቲዳባ ኡባ ኦዲደሶና።

34 ያቲን፣ ካታማን ዴሲያ አሳ ኡባይ ዩሱሳ ቤባናው ኬዪደሶና። ኤንቲ ዩሱሳ ቤባዳ ዎዴ ባንታ ቢታፊ ኬዪዲ ባና ማላ ዎሲደሶና።

9

ጉንዳ ኡራ ፓፀዋ
(ማር 2:1-12፤ ሉቃ 5:17-26)

1 ሄሳፊ ጉዬ፣ ዩሱሲ ዋሳሎዎን ጌሊዲ፣ አባ ፒኒዲ ባ ካታማ ቢስ። 2 ሃኒዳ ጉላ አሳቲ ኢሲ ጉንዳ ኡራ አልጋራ ቶኪዲ

ዩሱሳኮ ከሂደሱ። ዩሱሲ ከገታ አማኑዋ በዒዲ፣ ጉንዳ ኡራ፣ «ታ ናዓው፣ ያዮፋ! ኔ ናጋራይ አቶ ጌቴቲስ» ያገለገለ።

3 ሄ ሳቲያን፣ አይሁዳ ሂጌ አስታማሬታ፤ ኢሶቲ ኢሶቲ፣ «ሃይሲ ያሳ ጩሼ ጊዳኔ» ያገለገለ ባንታ ዋዛናን ቆፒደሶና።

4 ዩሱሲ ከገታ ቆፋ ኤሪዲ፣ «ኢታባ ሂንቴ ዋዛናን አይሰ ቆፒቲ? 5 ሃኖሺን፣ ሳ ናጋራይ አቶ ጌቴቲስ» ጌይሳፌኔ ሳይንዳ ኤቃዳ ባ) ጌይሳፌ አዉሲ ካዉዪ? 6 ሺን ሳዓ ቦላ ናጋራ አቶ ጋናው አሳ ናዓስ ማቲ ዴዔይሳ ታ ሂንቴና ኤሪሳና» ያገለገለ። ጉንዳ አዲያኮ፣ «ዴንዳ ኤቃ፣ ኔ አልጋ ቶካዳ፣ ኔ ሶ ባ» ያገለገለ።

7 ጉንዳ ኡራይ ዴንዲዲ ባ ሶ ቢስ። 8 ዴሬይ ሄሳ በዒዲ ማለሌቲደሶና። ሄሳ ማላ ማታ አሳስ ኢሚዳ ያሳ ጋለቲደሶና።

ማቶ 9 ዌጌቲሳ
(ማር 2:13-17፤ ሉቃ 5:27-32)

9 ዩሱሲ ያፔ ዴንዲዲ ቢሼ ማቶሳ ጌይሳ ቃራፃ ቃንዲሲያ በሳን ኡቲዳሺን በዒዲ፣ «ታና ካላ» ያገለገለ።

ኢካ ዴንዲዲ ካሊስ።

10 ዩሱሲ ማቶሳ ሶን ጋይታ ቦላ ኡቲዳሺን፣ ቃራፃ ቃንዲሲያ ዳር አሳቲኔ ናጋራንቸቲ ዩዲ ኢያራኔ ኢያ ታማሬታራ ኢሲፌ ማናው ኡቲደሶና። 11 ኢሲ ኢሲ ፋሪሳዌቲ ሄሳ በዒዲ፣ ዩሱሳ ታማሬታ፣ «ሂንቴ አስታማሬይ ቃራፃ ቃንዲሲይሳታራኔ ናጋራንቸታራ አይሰ ሚ?» ያገለገለ።

12 ዩሱሲ ሄሳ ሲዒዲ፣ «ጳሌ ኮሼይ ሃራጋንቸታሳፌ አቲን ፓፃታሳ ጊዳና። 13 ሺን ሂንቴ ቢዲ፣ «ታኒ ሂንቴ ያርሹዋ ጊደናሺን ሂንቴ ሃራታ ማራና ማላ ኮያይስ» ጌቴቲዲ ፃፌቲዳይሲ ዋይ ጉሴኮ ኤሪቲ። አይሰ ጊኮ፣ ታኒ ናጋራንቸታ ዌጋናው ያሲፔ አቲን ዌሎታ ዌጋናው ያሲኬ» ያገለገለ።

ዩሱሲ ያማባ አይሼቲስ
(ማር 2:18-22፤ ሉቃ 5:33-39)

14 ሄ ዋዴ ዮሃንሳ ታማሬቲ ዩሱሳኮ ሺቁዲ፣ «ኑኔ ፋሪሳዌቲ ያሞስ፣ ሺን ኔ ታማሬቲ አይሰ ያሞኮና?» ያገለገለ አይቺደሶና።

15 ዩሱሲ ዛሪዲ ከገታኮ፣ «ሙሹራይ ከገታራ ዴሲሺን ዌጌቲዲ ዩዳ አሳይ ካዮታናው ዳንዳዖና? ሙሹራይ ከገታ ማታ፤ ኤኬታና ዋዴይ ያና፣ ኤንቲ ሄ ዋዴ ያማና።

16 «ኦራላ ማግኘቴ ፔዲዲ ጋልዓ ማግ ስላ ሲኬይ ኦኒካ ባዎ። ሄሳሉ ኦሊኮ ኦራላይ ጋልዓ ፔዲዲ። ፔዲላይካ ጉጂ ዳልጌሰ።
 17 ኦራላ ዋይኔ ጋልዓ ኦጎሮን ቆሊያ ኦኒካ ባዎ። ሄሳሉ ኦሊኮ ኦራላ ዋይኔይ ጋልዓ ኦጎሮዎ ቆሊኦስ ዋይኔይካ ጉኬሰ፤ ኦጎሮይካ ናምዓንሉ ማደናባ ገደሰ። ሺን ኦራላ ዋይኔይ ኦራላ ኦጎሮን ቆሊታናው ቤሴሰ። ሄሳሉ ኦሴቲኮ ናምዓይካ ኢቶና ናጌቶሶና» ያገሰ።

ሃይቂዳ ናዒዉኔ ዬሱሳ ኣፊላ ቦቺዳ ማጫሲው
 (ማር 5:21-43፤ ሉቃ 8:40-56)

18 ዬሱሲ ሄሳ ኦዶ ስላ ዳዒሺን፣ ኣይሁዳ ሃላቃታፔ ኢሶይ ኢያኮ ዩዲ፣ ኢያ ሲንላን ጉልባቲዲ፣ «ታ ናዒያ ሃዒ ሃይቃሱ፣ ሺን ኢያ ፓፃና ማላ ኔኒ ያዳ ኔ ኩሺያ ኢ ስላ ዋላርኪ» ገዲ ዋሲሰ።
 19 ዬሱሲ ዳንዲዲ ኢያራ ቢሰ፤ ኢያ ታማሬቲካ ካሊደሶና።

20 ኢ ቢሺን ታማኔ ናምዑ ላይሌ ኩማሌ ሱሌ ጎገዲ ዋይሲያ ኢሲ ማጫሲያ ጉዬራ ሺቃዳ ዬሱሳ ኣፊላ ማጫራ ቦቻሱ።
 21 ኢያ ባ ዋዛናን፣ «ታ ኢያ ኣፊላ ማጫራ ፃላላ ቦቺያኮ ፓፃና» ያገዳ ቆፓሱ።

22 ዬሱሲ ጉዬ ሲማ ኢዮ ጸሊዲ፣ «ታ ናቲ፣ ያዮፋ! ኔና ኔ ኣማኖይ ፓሕሰ» ያገሰ። ማጫሲያ ስሁዋራ ፓፃ ኣጋሱ።

23 ዬሱሲ ኣይሁዳ ሃላቃ ሶ ጋኪያ ዋዴ ዛዬ ፑኔይሳታኔ ዬኬይሳታ ቤዒዲ፣ 24 «ኣኔ ከቺቲ፤ ጉላ ናዒያ ቋሰካሱፔ ኣቲን ሃይቃቡኩ» ያገሰ። ሺን ኣሳይ ኢያ ስላ ሚጪደሶና። 25 ኣሳ ካሬ ኬሲዳፔ ጉዬ ሶ ጌሊዲ፣ ናዒ ኩሺያ ኦይኪሰ፣ ናዒያ ዳንዳ ኤቃሱ። 26 ሄ ዋሬይ ሄ ቢታ ኡባ ጋኪሰ።

ዬሱሲ ናምዑ ቆቂታ ጸሊሲሰ

27 ዬሱሲ ያፔ ዳንዲዲ ጌዴ ሲንሌ ቢያ ዋዴ ናምዑ ቆቂቲ ባንታ ቃላ ቆቆ ኣሌዲ፣ «ዳዊቲ ናዒው፣ ኦና ማራርኪ» ያገሺ ኢያ ካሊደሶና።

28 ዬሱሲ ሶ ጌሊዲ ዋዴ ቆቂቲ ኢያ ካሊዲ ዩደሶና። ዬሱሲ ኤንታኮ፣ «ታኒ ሄሳ ኦላናው ዳንዳዒይሳ ሂንቲ ኣማኔቲ?» ያገሰ። ኤንቲካ፣ «ኤ፣ ጎዳው» ያገዲ ዛሪደሶና።

29 ሄሳፊ ጉዬ፣ ዬሱሲ ኤንታ ኣይፊያ ቦቺዲ ኤንታኮ፣ «ሂንቲው፣ ሂንቲ ኣማኑዋላ ሃና» ያገሰ። 30 ኤንታ ኣይፊይካ ደዬቲሰ። ዬሱሲ ኤንታኮ፣ «ሃይሳ ኦዴሰካ ኦደፒቲ» ያገዲ ሚንሌ ኦዲሰ። 31 ሺን ኣሳቲ ቢዲ ዬሱሳባ ሄ ቢታ ኡባን ኦዲደሶና።

32 ኤንቴ ያፔ ኬያ ዋዴ አሳይ ቱና አያናይ ኦይኪዲ ሙሚሲዲ ኢሲ አሲ ዩሱሳኮ ኤሂደሶና። 33 ቱና አያናይ ኬዩዳፔ ጉዬ ሙሚ ኡራይ ኦዴቲሰ። ዴሬይካ ማላሌቲዲ፣ «ሃይሳ ሜላ ኦራላባይ ኢሰራዔሌ ቢታን ሃኒቤና» ያጊደሶና።

34 ሺን ፋሪሳዌቲ፣ «ቱና አያናታ ሃላቃን ቱና አያናታ ኬሴሰ» ያጊደሶና።

ዩሱሲ አሳሰ ቃዴቲሰ

35 ዩሱሲ አይሁዴ ዋሳ ኬላታን ታማርሲሹ፣ ሳሎ ካዋቱላ ዋንጌላ ሳባኪሹ፣ አሳ ሃርጌ ኡባፌ ፓሊሹ ካታማታኒኔ ጉታ ኡባን ዩዩሰ። 36 ዳር ዴሬይ፣ ሂሚያ አሲ ባይና ደርሳዳ ኤንታና ቤዒያ አሲ ቆዩን ኡንዔቲዲ ዴዔይሳታ ቤዒዲ ኤንታው ቃዴቲሰ። 37 ባ ታማሪታኮ፣ «ሺቃና ካላይ ዳር፣ ሺን ካላ ሺሺያ አሳይ ጉላ። 38 ሂሳ ጊሹ፣ ጎዳይ ካላ ሺሺያ ኦሳንቸታ ዩዳና ሜላ ዋሲቲ» ያጊሰ።

10

ዩሱሲ ኪቲዳ ታማኔ ናምዑ ሃዋሪታ
(ማር 3:13-19፤ ሉቃ 6:12-16)

1 ዩሱሲ ታማኔ ናምዑ ታማሪታ ባኮ ዪጊዲ፣ ቱና አያናታ ኬሳና ሜላኔ ሃርጌ ኡባ ፓላና ሜላ ኤንታው ማታ ኢሚሰ።

2 ዩሱሲ ኪቲዳ ታማኔ ናምዑ ሃዋሪታ ሱንላይ፣ ኮይሮይ ጳዔርሳ ጊያ ሲሞናኔ ኢያ ኢሻ ኢንዲሪያሳ፣ ዛብዲዮሳ ናዓ ያይቆባኔ ኢያ ኢሻ ዮሃኒሳ፣ 3 ፊልጶሳኔ ባርቶሎሚዮሳ፣ ቶማሳኔ ቃራፃ ቃንዲሲያ ማቶሳ፣ ኢልልዮሳ ናዓ ያይቆባ፣ ታዲዮሳ፣ 4 ባ ቢታሰ ሚሹቲያ ሲሞናኔ ዩሱሳ አላ ኢሚዳ አሰቆርታ ዩሁዳ።

5 ሄ ታማኔ ናምዓታ ዩሱሲ ኪቲዲ ዩዲሹ፣ «አይሁዴ ጊደና ዴሪያኮ ቦፒቲ፣ ቃሲ ሳማሪታ ካታማካ ጌሎፒቲ። 6 ሺን ኢሰራዔሌ ኬላፌ ጊዲዳ ሂኒ ቆዩዳ ደርሳታኮ ቢቲ። 7 ያ ቢዲ፣ «ሳሎ ካዋቱላይ ማታቲሰ» ጊዲ ኦዲቲ። 8 ሃርጋንቸታ ፓሊቲ፣ ሃይቁዳይሳታ ሃይቆፔ ዴንሊቲ፣ ባር ሃርጋንቸታ ጌሺ ፓሊቲ፣ ቱና አያናታ ኬሴቲ። ሂንቴ ጮ ኤኪዳይሳ ጮ ኢሚቲ። 9 ሂንቴ ኪሴን ዋርቃ፣ ዋይኮ ቢራ ሳንቲሜ ኦይኮፊቲ። 10 ሂንቴ ኦጊያሰ ካርዒቶ።

9:34 ማቶ 10:25፤ 12:24፤ ማር 3:22፤ ሉቃ 11:15 9:35 ማቶ 4:23፤ ማር 1:39፤ ሉቃ 4:44 9:36 ታይ 27:17፤ 1ካዋ 22:17፤ 2ታሪ 18:16፤ ሂዝ 34:5፤ ማር 6:34 9:37 ሉቃ 10:2 10:7 ሉቃ 10:4-12

ናምዑ አፊላ፣ ወይኮ ጫማ ወይኮ ፃምዓ አይኮፊቲ፤ ኦሳንቹዋስ ጋላሳ ካሊ ኮሼስ።

11 «ሂንቴ ኢሲ ካታማ ወይኮ ጉታ ጌሊያ ወደ ሂንቴና ሞኪዲ ኤካናው ኡፋይቲያ ኡራ ኮዪዲ ኢያ ሶን ሸምፒቲ፤ ሂንቴ ባና ጋካናው ያን ጋምዒቲ። 12 ቃሲ ኦዴ ሶካ ጌሊሼ ሳርሊቲ። 13 ሄ ኬላይ ሂንቴና ሞኪኮ ሂንቴ ሳርሊዳ ሳርይ ኤንታና ጋኮ፣ ሺን ኤንቲ ሞኮና ኢዲኮ ሂንቴ ሳርሊዳ ሳርይ ሂንቴው ጉዬ ሲሞ። 14 እነካ ሂንቴና ሞኮናኔ ሂንቴ ኦዲያባ ሲዖና ኢዲኮ ሄ ኬላፊ ወይኮ ሄ ካታማፔ ኬዪሼ ሂንቴ ቶሁዋን ዴዒያ ባና ፒቲዲ ኬዪቲ። 15 ታ ሂንቴው ቱማ ኦዲይስ፤ ዖሳ ፒርዳ ጋላሳን ሄ ካታማፔ ሶዶሜሲኔ ጋሞራ ካታማታስ ፒርዳይ ካወያና።

16 «ታ ሂንቴና ደርሳታዳ ሱቋሜታ ገደ ዬዳና። ሄሳ ገሾ፣ ሸሻዳ ጨንጫታ፣ ሆሌዳ አዳታ ገዲቲ። 17 አሳይ ሂንቴና ፒርዳ ዳይናታስ አሊ ኢማና፣ ቃሲ አይሁዴ ዋሳ ኬላን ሂንቴና ጋራፋና። ሄሳ ገሾ፣ ኤንታፊ ናጌቲቲ። 18 ታ ገሾ ገዲ ሂንቴና ዴሪያ ሃሪይሳታ ሲንሐኔ ካዎታ ሲንሐ ኤፋና። ኤንታ ሲንላኒኔ አይሁዴ ገደና ዴሪያ ሲንላን ኤቂዲ ሂንቴ ታባ ማርካታና። 19 ሺን ሂንቴና ፒርዳስ አሊ ኢማያ ወደ ወይገዲ ዛሪና ገዲ ኡንዔቶፊቲ፤ ሄ ሳቲያን ሂንቴ ጋናባ ዖሳይ ሂንቴው ኢማና። 20 አይስ ገኮ፣ ሂንቴናን ሃሳዬይ ሂንቴ አዋ ጌሻ ኢያናፔ ኣቲን ሂንቴና ገዴኬታ።

21 «ኢሻይ ባ ኢሻ፣ አዋይ ባ ናዓ፣ ሃይቆስ አሊ ኢማና፣ ናይቲ ባንታና ዬሊዳይሳታ ቦላ ዴንዲዲ ኤንታና ዎቋሳና። 22 ታ ገሾ ገዲ አሳ ኡባይ ሂንቴና ኢፃና፣ ሺን ወርሴሊ ጋካናው ሚኒዳይ አታና። 23 ኢሲ ሄራፔ ሂንቴና ኤንቲ ጎዲኮ ሃራ ካታማ ባቃቲቲ። ታኒ ሂንቴው ቱማ ኦዲይስ፤ አሳ ናዓይ ያና ጋካናው፣ ሂንቴ ኢሰራዔሌ ካታማ ኡባ ካንሐኬታ።

24 «ታማሪይ ባ አስታማሪያ፣ አይሌይ ባ ጎዳፔ አጴና። 25 ታማሪይ ባ አስታማሪያ፣ አይሌይ ባ ጎዳ ዳኒኮ ኢያው ገዳና። ኬላዋ ቢዔልዜቡላ ገኮ ኢያ ሶ አሳ ዋኒዲ ኢሲዲ ያጌኔ?

26 «ሂዛ፣ አሳስ ያዮፊቲ። ካሜቲዳባይ ቆንጮና፣ ቆሴቲዳባይ ጌሺ ኬዮና ኣቲና። 27 ታኒ ሂንቴው ቋማን ኦዲያባ ሂንቴ

10:10 1ቆር 9:14፤ 1ፃሞ 5:18 10:14 ሃ.ኦ 13:51 10:15 ማቶ 11:24፤ ሜዴ 19:24 10:16 ሉቃ 10:3 10:17 ማር 13:9-11፤ ሉቃ 12:11-12፤ 21:12-15 10:21 ማር 13:12፤ ሉቃ 21:16 10:22 ማቶ 24:9፤ ማር 13:13፤ ሉቃ 21:17፤ ማቶ 24:13፤ ማር 13:13 10:24 ሉቃ 6:40፤ ዮሃ 13:16፤ 15:20 10:25 ማቶ 9:34፤ 12:24፤ ማር 3:22፤ ሉቃ 11:15 10:26 ማር 4:22፤ ሉቃ 8:17

ፖፖን ኦዲቲ፤ ታ ሂንቴው ሃይላን ካልካሺዳባ ዳባባን አዋጁቲ።
 28 አሾፕ ኣቲን ሽምፖ ዋቋናው ዳንዳያናይሳታሰ ያዮፊቲ። ሺን ሽምፖዋኔ አሾ-ዋ ጋናሜን ቋይሳናው ዳንዳዲያ ያሳሰ ያዩቲ።
 29 ናምዑ ቡቤቲ ኢሲ ሳንቲሜን ባይዜቶኮናዩ? ሃኖፕ ኣቲን፡ ኤንታፊ ኢሲናካ ሂንቴ ያሳይ ጎና ዳዲሺን ሳባን ዋቋኩ። 30 ሃሪ አቶሺን፡ ሂንቴ ሁዔ ቢናናይካ ፓይዳቲዲ ዳዔስ። 31 ሂዛ፡ ዳር ቡቤታፕ ሂንቴ አቋያ ጊሾ ያዮፊቲ።

32 «አሳ ሲንላን ታው ማርካቲያ ኡባሰ ታኒካ ሳሉዋን ዳዲያ ታ አዋ ሲንላን ማርካታና። 33 ሺን አሳ ሲንላን ታና ካዴይሳ ታኒካ ሳሎን ዳዲያ ታ አዋ ሲንላን ካዳና።

34 «ታኒ ሳባን ሳሮ ኤሃናው ዪዳ ሂንቴው ዳኖ። ታኒ ቶራፕ ኣቲን ሳሮቴሌ ኤሃናው ያቢኬ። 35 ታኒ ዪዳይ፡ ናናዳ አዋፕ

ማጫ ናዲው አዩፕ ናና ማቸው አዚና አዩፕ ሻካናሳ።

36 አሳሰ ሞርኬቲ ኢያ ሶ አሳታ ጊዳና።
 37 «ታፕ አሌዲ ባ አዋ ዋይኮ ባ አዪው ደሴይ፡ ታባ ጊዳናው ቤሴና። ባ አዳ ናና ዋይኮ ባ ማጫ ናዲው ታፕ አሌዲ ደሴይ፡ ታባ ጊዳናው ቤሴና። 38 ባ ማሰቃሊያ ቶኪዲ ታና ካሎና ኦኒካ ታባ ጊዳናው ቤሴና። 39 ባ ሽምፖዋ አሻናው ኮዬይ ቋይሳና፡ ሺን ባ ሽምፖዋ ታ ጊሾ አሌ ኢሜይ አሻና።

40 «ሂንቴና ሞኬይ ታና ሞኬሰ፡ ታና ሞኬይ ቃሲ ታና ከቲዳይሳ ሞኬሰ። 41 ናቢያ ናቤ ሱንላን ሞኬይ፡ ናቢያሉ ዋይቲታና፤ ቃሲ ያሉዋ ያሉ ሱንላን ሞኬይ፡ ያሉዋሉ ዋይቲታና። 42 ታ ሂንቴው ቱማ ኦዲይሰ፤ ሃ ታ ታማሬታፕ ጉዲያ ኢሱዋሰ ታና ካሊያ ጊሾ ሃሪ አቶሺን ጉላ ኢርፃ ሃሌ ኢሚኮ ኢያ ዋይቶይ ቋይና» ያገሰ።

11

ፃማቂያ ዮሃንሲ ከቲዳ አሳታ (ሉቃ 7:18-35)

1 ዬሱሲ ታማኔ ናምዑ ታማሬታ ከታ ኦንጊዳፕ ጉዬ ያፕ ዴንዲዲ ታማርሳናዉኔ ሳባካናው ጋሊላ ካታማታ ቢስ።

10:33 2፻ዎ 2:12 10:35 ሚክ 7:6 10:38 ማቶ 16:24፤ ማር 8:34፤ ሉቃ 9:23 10:39 ማቶ 16:25፤ ማር 8:35፤ ሉቃ 9:24፤ 17:33፤ ዮሃ 12:25
 10:40 ሉቃ 10:16፤ ዮሃ 13:20፤ ማር 9:37፤ ሉቃ 9:48

2 የሃሂሲ ቃሾ ከላን ዳዒሼ ኪሪሰቶሲ አሊያባታ ሲዒዲ፣ ባ ታማሪታፕ ኢያኮ ከቲዲ፣ 3 «ያና ጌቴቲዳይ ኔኔዬ? ዋይኮ ኑኒ ሃራ ናጊኖ?» ያጊዲ ኦይቲስ።

4 ዬሱሲ ኢንታኮ ዛሪዲ፣ «ቢዲ ሂንቴ ሲዒያባኔ ሂንቴ ቤዒያባ የሃሂሳሰ አዲቴ። 5 ቆቄቲ ፆሎሶና፣ ዋቤቲ ሃውቶሶና፣ ባር ሃርጋንቸቲ ፓዶሶና፣ ቱሌቲ ሲዶሶና፣ ሃይቄዳይሳቲ ሃይቆፕ ዴንዶሶና፤ ማንቆታሰ ዋንጌላይ ሳባኬቴስ። 6 ታናን ቆቤቶናይ ኣንጆቲዳይሳ» ያጊሰ።

7 የሃሂሳ ታማሪቲ ጉዬ ሰሚዲ ቢን፣ ዬሱሲ ዳሪያሰ የሃሂሳባ አዲሼ፣ «ሃ ባዙዋ አይ ቤዓናው ኬዪዴቲ? ጫርኮይ ቃሊያ ማቃ ቤዓናው ዪዴቲዬ? 8 ያቲን፣ አይ ቤዓናው ኬዪዴቲ? ከቲ ማዎ ማዒዳ አሴ ቤዓናሴዬ? ከቲ ማዎ ማዒዳይሳቲ ካዎታ ከላን ዴዶሶና። 9 ያቲን፣ አይ ቤዓናው ኬዪዴቲ? ናቤ ቤዓናሴዬ? ሄኮ፣ ሂንቴ ናቤፕካ ኣጼይሳ ቤዔታ።

10 «ኔ አጊያ ኔ ሲንላን ጊሲያ ታ ከታንቸዋ ኔፕ ሲንሴ ከታና» ጌቴቲዲ ፃፊቲዳይ ኢያሳ።

11 ታ ሂንቴው ቱማ አዳይሰ፤ ማጫሳፕ ዬሌቲዳይሳታ ጊዶፊ የሃሂሳፕ ኣጼይ ኦኒካ ባዋ፤ ሳሎ ካዎቲላን ኡባፊ ጉዳይ ኢ፣ ኢያፕ ኣቆና። 12 ፃማቄያ የሃሂሳ ዋዲያፕ ደሚዲ ሃቺ ጋካናው ሳሎ ካዎቲላይ ደር ናቄቴስ፣ ሚኒዳ ኣሳቲ ዋልቃን ያ ጌላና።

13 ናቤቲ ኡባይኔ ሙሴ ሂጌይ የሃሂሳ ዋዴ ጋካናው ሳሎ ካዎቲላባ ቲንቢቴ ኦዲዶሶና። 14 ሂዛ፣ ሂንቴ ኤንታ ኪታ ኣማናና ጊዲኮ፣ ያና ጌቴቲዳ ኤሊያሲ፣ ኢ የሃሂሳ። 15 ሂዛ፣ ሲዒያ ሃይሳ ዳዔይ ሲዎ።

16 «ሂዛ፣ ሃ ዋዲያ ዬሌቴላ ኣይቢራ ዳኒሶ? ጊያ ጊዶን ኡቲዲ ዋሊ ፀጊዲ፣

17 ሱ ሂንቴው ሱሱልዔ ፑኒን፤

ሂንቴ ዬፀኬታ።

ኑ ሳቢዲ ዜሌሊን፤

ሂንቴ ዬኬኬታ)

ያጊያ ናይታ ዳናሶና። 18 ፃማቄያ የሃሂሲ ዋናኔ ኡዮና ዪን፣ «ቱና ኣያኒ ዳዔስ» ያጊዴታ። 19 ኣሳ ናዓይ ሚሼኔ ኡዪሼ ዪን፣ «ያራምባኔ ኡሻንቸ፣ ቃራፃ ቃንፀሴይሳታኔ ናጋራንቸታ ዳቦ» ያጊዴታ። ሂዛ፣ ጨንጫቴላ ቱማቴላይ ኢያ ኦሱዋን ቆንጨሰ» ያጊሰ።

11:5 ኢሳ 35:5 11:10 ሚል 3:1 11:12 ሉቃ 16:16 11:14 ሚል 4:5፤ ማቶ 17:10

**አማኖና ኢዲዳ ካታማታ
(ሉቃ 10:13-15)**

20 ሄሳፌ ጉዬ፥ ዩሱሲ ዳሮ ማላታታ ኦሲዳ ካታማታን ዳዒያ አሳቲ ባንታ ናጋራፔ ሲሚዲ ማርታን ጌሎና ኢዲዳ ጊሾ ኤንታና፥
21 «አዬ ኮራዚኔ ካታማው፥ አዬ ቤቴሳይዳ ካታማው፥ አይስ ጊኮ፥ ሂንቴ ጊደን ኦሴቲዳ ማላታቲ ዲሮሳኒኔ ሲደናን ኦሴቲዳ ጊዲያኮ፥ ኤንቲ ቤኒ ቢደ ቲዬቲዲ፥ ካሌ ማዒዲ ባንታ ናጋራፔ ሲሚ አጋና። 22 ሺን ታ ሂንቴው ኦዳይስ፤ ፐርዳ ጋላስ ሂንቴፌ አሉዲ ዲሮሳሲኔ ሲደናስ ፐርዳይ ካዉያና። 23 ቃሲ፥ ቁፊርናሆሜ፥ ኔኒ ፑዴ ሳሎ ኬያናው ኮያይ? ሃኔና! ኔኒ ሲዶሌን ዩጌታና። አይስ ጊኮ፥ ኔ ጊደን ኦሴቲዳ ማላታቲ ሶዶሜን ኦሴቲዳ ባንታ ጊዲያኮ፥ ሶዶሜይ ሃቺ ጋካናው ዳዒናሺን። 24 ሺን ታ ኔው ኦዳይስ፤ ፐርዳ ጋላስ ኔፔ አሉዲ ሶዶሜስ ፐርዳይ ካዉያና» ያጊዲ ሃንቁቲስ።

**ኪሪሰቶሳን ዳዒያ ሸምፖ
(ሉቃ 10:21-22)**

25 ሄ ዎዴ ዩሱሲ፥ «አዎው፥ ሳሎዋኔ ሳዓ ጎዳው፥ ኔኒ ሃይሳ ኤራንቸታፔኔ ጨንጫታፔ ጌንጻዳ ናይታስ ቆንጨሲዳ ጊሾ ኔና ጋላታይስ። 26 ኤ፥ ታ አዎው፥ ሃይሲ ኔ ሎፖ ሸኒያዳ ሃኒስ።
27 «ኡባይ ታው ታ አዎፔ ኢሜቲስ። አዎፔ ሃሪ ናዓ ኤሬይ ባዎ፥ ናዓፔኔ ኢ ኤንታው ቆንጨሳናው ኮዬይሳታፔ ሃሪ አዎ ኤራናው ዳንዳዔይ ባዎ።
28 «ሂንቴኖ፥ ዳቡራንቸቶ፥ ቶሆይ ዳዒዳ ኡባይ ታኮ ሃ ዪቴ፤ ታኒ ሂንቴና ሸምፐሳና። 29 ታኒ ታ ዎዳናን አሸኬኔ አዳ ጊዲያ ጊሾ ታ ቃምባራን ጌሊቴ፥ ታፔ ታማሪቴ፤ ሂንቴ፥ ሂንቴ ሸምፐዋስ ሸምፖ ዳማና። 30 ታ ቃምባራይ ሊቆ፥ ቃሲ ታ ቶሆይካ ካዉሼ» ያጊስ።

12

**ሳምባታ ቦንቻናው ቤሲ?
(ማር 2:23-28፤ ሉቃ 6:1-5)**

11:21 እሳ 23:1-18፤ ሂዝ 26:1-28:26፤ ኢዩ 3:4-8፤ አዎ 1:9-10፤ ዛካ 9:2-4
11:23 እሳ 14:13 11:24 ማቶ 10:15፤ ሉቃ 10:12 11:27 ዮሃ 3:35፤
ዮሃ 1:18፤ 10:15 11:29 ኤር 6:16

1 ሃሳፌ ጉዬ፣ ሳምባታ ጋላስ፣ ዩሱሲ ጋዴ ጊደራ አዴሰ። ዩሱሳ ታማሬቲ ኮሻቲዳ ጊሾ ቲያ ባንጋ ሺሪኪዲ ሞሶና። 2 ሺን ፋሪሳዌቲ ሄሳ ቤዲዲ ዩሱሳኮ፣ «ሄኮ፣ ኔ ታማሬቲ ሳምባታ ጋላስ አላናው ቤሶናባ አላሶና» ያጊደሶና።

3 ዩሱሲ ኤንታኮ ዛሪዲ፣ «ዳዊቲይ ኮሻቲዳ ዋዴ ኢያራ ዴዔይሳታራ አይ አሊዳኮ ናባቢቤኬቲ? 4 ዳዊቲይ ያሳ ኬሊ ጌሊዲ ካሂኔታ ያላላፔ አቲን ኢኔ ኢያራ ዴዔይሳታሰ ቤሶና ጌሻ ዳቡዋ ሚሰ። 5 ዋይኮ ካሂኔቲ ሳምባታ ዋጋ ሻሪዲ ያሳ ኬላን ሳምባታ ጋላስ ኦሶ አሊኮ ኤንታው ባላ ጊደናይሳ ሙሴ ሂጊያን ናባቢቤኬቲ? 6 ሺን ሲዒቲ! ያሳ ኬላፌ አዴይ ሃይሳን ዴዔሰ። 7 ታኒ ሂንቴ ያርቩዋ ጊደናሺን ሂንቴ ሃራታ ማራና ሜላ ኮያይሰን ጊያ ቃላይ ዋይ ጉሱኮ ሂንቴ ኤሪዳኮ ያሎ አሳ ቦላ ፐርዴኬታ።

8 አሳ ናዓይ ሳምባታ ጎዳ» ያጊሰ።

9 ዩሱሲ ያፔ ቢዲ አይሁዳ ዋሳ ኬሊ ጌሊሰ። 10 ያን ኩሺይ ጉንዲዳ ኢሲ ኡራይ ዴዔሰ። ዩሱሳ ሞታናው ጋሶ ኮያ አሳቲ፣ «ሳምባታ ጋላስ ፓላናው ቤሲ ቤሴኔ?» ያጊዲ አይቺደሶና።

11 ኢ ኤንታኮ፣ «ሂንቴ ጊደፌ ኢሱዋሰ ደርሲ ሳምባታ ጋላስ አፎን ዉሊኮ፣ ጎቺዲ ኬሶናይ ኦኔ? 12 ያቲን አሲ ደርሳፌ ዋኒዲ ዳር አዴኔ? ሄሳ ጊሾ፣ ሳምባታ ጋላስ ሎዋባ ኦሶይ ቤሴሰን» ያጊሰ።

13 ሃሳፌ ጉዬ፣ ዩሱሲ አዲያኮ፣ «ኔ ኩሺያ ፒዲ ኦላ» ያጊን፣ ኡራይ ፒዲ ኦሊሰ። ኢያ ኩሺይ ፓዲዲ ሃንኮ ኩሺያዳ ሃኒሰ። 14 ሺን ፋሪሳዌቲ ያፔ ካሬ ኬዩዲ፣ ዩሱሳ ዋቲ ዋጳኔኮ ማቄቲደሶና።

ያሳይ ደሪዳ አይሊያ

15 ዩሱሲ ኤንታ ቆፋ ኤሪዲ ሄ ቤሳ አጊዲ ሃራ ሶ ቢሰ። ዳር አሳይ ኢያ ካሊዲ ቢደሶና፣ ሃርጋንቾታ ኡባ ፓሊሰ። 16 ዩሱሲ፣ «ታባ ሃራ ኦዴሰካ ኦደፐቲ» ያጊዲ ሚንላ ኦዲሰ። 17 ሄሲካ ናቢያ ኢሳያሲ፣

18 «ሄኮ ታ ደሪዳ አይሌይ፣
ታ ደሴይሲ፣ ታና ኡፋይሴይሲ፣
ታኒ ታ አያና፣ ኢያ ቦላ ሸምፕሳና፤

ኢ፣ አይሁዳ ጊደና ዴሪያሰ ሱሬ ፐርዳባ አዋጃና።

19 ኢ ፓላሜና ዋይኮ ካጬኖና፤

12:1 ዛሬ 23:25 12:3 1ሳሙ 21:1-6 12:4 ለዌ 24:9 12:5 ታይ 28:9-10 12:7 ማቶ 9:13፤ ሆሴ 6:6 12:11 ሉቃ 14:5 12:18 ኢሳ 42:1-4

- ባ ቃላካ ዳንባን ጮ ሲሴና።
- 20 ሱሬ ፐርዳን ያኖ ዳማና ጋካናው፥
ዲንጩቲዳ ማቃ ማንሴና፥
ጩዪያ ሙቃዳ ቶይሴና።
- 21 አይሁዳ ጊደና ዳሬይ ኡባይ ኢያን ኡፋይሲ ዋላና።
ያጊዲ ዓፊዲይሲ ፖሌታና ማላሳ።

ዬሱሳኔ በዔልዜቡላ
(ማር 3:20-30፤ ሉቃ 11:14-23)

22 ሄሳፌ ጉዬ፥ ቱና አያናን ኦይኬቲዳ ቆቄኔ ሙሜ አሴ ዳዔይሳ ኢያኮ ኤሂደሶና። ዬሱሲ ኡራ ፓሊን፥ ኡራይ በዔሲኔ ኦዴቲስ። 23 አሳ ኡባይ ማላላቲዲ፥ «ሃይሲ ዳቂቱ ናዓ ጊዳንዴሻ?» ያጊደሶና።

24 ሺን ፋሪሳዊቲ ሄሳ ሲዒዲ፥ «ሃ ኡራይ ቱና አያናታ ከሴይ ቱና አያናታ ሃላቃ በዔልዜቡላ ዋልቃና» ያጊደሶና።

25 ዬሱሲ እንታ ቆፋ ኤሪዲ፥ «ዋሊ ጊደን ሻኬቲያ ካዎቲላ ኡባይ ከንዳና፤ ቃሲ ዋሊ ጊደን ሻኬቲያ ካታማይ ዎይኮ ከላይ ማኒዲ ኤቄና። 26 ዓላሄይ ዓላሄ ከሲያባ ጊዲኮ ባ ጊደን ሻኬቲስ ጉሱ። ሄሳላ ሃኒያባ ጊዲኮ ኢያ ካዎቲላይ ዋኒዲ ማኒዲ ኤቃናው ዳንዳዒ? 27 ታኒ ቱና አያና ከሴይ በዔልዜቡላ ዋልቃን ጊዲኮ ሂንቴና ካሊያ አሳቲ ኦዴ ዋልቃን ከሳኔ? ሄሳ ጊሹ፥ ሂንቴና ካሊያ አሳቲ ሂንቴና ፐርዳና። 28 ሺን ታኒ ቱና አያናታ ከሴይ ያሳ አያናን ጊዲኮ፥ ያሳ ካዎቲላይ ሂንቴኮ ዪስ።

29 «ዎይኮ ኢሲ አሲ ዋልቃማ አሳ ሶ ጌሊዲ ኢያ ሻሉዋ ቦንቃናው ኮይኮ ኮይርቲዲ ሄ ኡራ ቃሾና ኢዲኮ ዋቲዲ ዳንዳዒ? ያቲኮ ኢያ ሻሉዋ ቦንቃናው ዳንዳዒስ።

30 «ታራ ጊደናይ ኦኒካ ታራ ኤቄቲስ፤ ቃሲ ታራ ኢሲፌ ሺሾና ኡባይ ላሌስ። 31 ሄሳ ጊሹ፥ ሲዒቲ፤ አሳይ ኦሊያ አይ ናጋሪኔ ጫሻ ቃሊ ኡባይ አቶ ጌቲታና፥ ሺን ጌሻ አያና ጫያ ኦዴስካ ኢያ ናጋራይ አቶ ጌቲቲና። 32 ኦኒካ አሳ ናዓ ቦላ ኢታባ ኦዴቲኮ ኢያው አቶ ጌቲታና፥ ሺን ጌሻ አያና ቦላ ኢታባ ኦዴቲያ ኦዴስካ ሃ ሳዓን ጊዲን ያና አላሚያን ኢያ ናጋራይ አቶ ጌቲቲና።

33 «ሎዎ ሚላይ ሎዎ አይፌ አይፌስ፤ ቃሲ ኢታ ሚላይ ኢታ አይፌስ። ሂዛ፥ ሚላይ ኤሬቲይ ባ አይፊያና። 34 ሂንቴና፥ ሾሻ ናይቶ፥ ሂንቴ ኢታ ጊዲሼ ዋኒዲ ሎዎባ ኦዴታናው ዳንዳዒቲ?

አሲ ባ ዋዛናን ኩሚዳባፔ ዶናን ኦዴቲስ። 35 ሎጾ አሲ ባ ዋዛናን ዋሊዳ ሎጾባፔ፣ ሎጾባ ኬሴስ፤ ኢታ አሲ ባ ዋዛናን ዋሊዳ ኢታባፔ፣ ኢታባ ኬሴስ። 36 ሺን ሲዒቴ፣ አሳይ ኦዴቲያ ጮ ኦዳ ኡባስ ፐርዳ ጋላስ ዛር ኢማና። 37 አይስ ጊኮ፣ ኔ ኦዴቲያ ኔ ቃላን ዓላና፤ ኔ ኦዴቲያ ኔ ቃላይ ኔ ቦላ ፐርዳና» ያጊሰ።

ማላታ ቤዓናው ሸቂዳ አይሻ
(ማር 8:11-12፤ ሉቃ 11:29-32)

38 ሄሳፌ ጉዬ፣ አሲ አሲ ፋሪሳዊቲኔ ሂጌ አስታማሬቲ ዬሱሳኮ፣ «አስታማሪያው፣ ኔጊ ማላታ ኦላዳ ኦና ቤሳ» ያጊዶሶና።

39 ሺን ዬሱሲ ዛሪዲ፣ «አማኔቶናኔ ኢታ ዬሌቴላይ ማላታ ኮዬስ። ሺን ናቢያ ዮናሳ ማላታፔ ሃራ ማላቲ ኢያው አሜቴና።

40 ዮናሲ ጊታ ሞሎ ኡሎን ሄሹ ጋላሲኔ ሄሹ ቃማ ጋምዒዳይሳ ማላ አሳ ናዓይ ሄሹ ጋላሲኔ ሄሹ ቃማ ቢታ ጋርሳን ጋምዓና።

41 ናናዌ አሳይ ፐርዳ ጋላስ ዳንዲዲ ሃ ዬሌቴላ ቦላ ፐርዳና፤ አይስ ጊኮ፣ ኤንቲ ዮናሳ ሲብካቲያ ሲዒዲ ባንታ ናጋራፔ ሲሚዶሶና። ሄኮ፣ ዮናሳፔ አጼይሲ ሃይሳን ዳዔስ። 42 ፐርዳ ጋላስ ዲጌሃ ካዊያ ዳንዲዳ ሃ ዬሌቴላ ቦላ ፐርዳና፤ አይስ ጊኮ፣ ኢያ ሶሎሞኔ ጨንጫቴላ ሲዓናው ቢታ ጋፃፔ ያሱ። ሄኮ፣ ሶሎሞኔፔ አጼይ ሃይሳን ዳዔስ።

43 «ቱና አያናይ አሳፔ ከዬዳፔ ጉዬ ባው ሸምፒያሶ ኮዬዲ ሃላ ባይና ማላ ቤሳን ዳቡሬስ፣ ሺን ባ ኮያ ሸምፑዋ ዳሜና።

44 ያኒን፣ ታ አጋ ከዬዳ ኬላ ሲማዳ ባና) ያጌስ። ኢ ሲሚያ ዋዳ ኬላይ ካይሲ ጊዳይሳኔ ፐቲቲዲ ጊጊ ኡቲዳይሳ ዳሜስ።

45 ሃዛ፣ ሲሚ ቢዲ፣ ባፔ ኢቲያ ሃራ ላፑን ኢታ አያናታ ኤኪዲ ዬሰ፤ ኤንቲካ ኡራ ጊዶ ጌሊዲ ዳጾሶና። ሃ ኡራሰ ካሴይሳፌ ጉዬይሲ ዳር አቲስ። ሃ ኢታ ዬሌቴላ ቦላ ሄሳ ማላ ሃናና» ያጊሰ።

ዬሱሳ አዪዉኔ ኢያ አሻታ
(ማር 3:31-35፤ ሉቃ 8:19-21)

46 ዬሱሲ ዳሪያሰ ኦዳ ቦላ ዳዒሺን ኢያ አያኔ ኢያ አሻቲ ኢያ ኦዲሳናው ኮዬዲ ካሬን ኤቂዶሶና። 47 አሲ አሲ ኢያኮ፣ «ኔ አያኔ ኔ አሻቲ ኔና ኦዲሳናው ኮዬዲ ካሬን ኤቂዶሶና» ያጊሰ።

12:34 ማቶ 3:7፤ 23:33፤ ሉቃ 3:7፤ ማቶ 15:18፤ ሉቃ 6:45 12:38 ማቶ 16:1፤ ማር 8:11፤ ሉቃ 11:16 12:39 ማቶ 16:4፤ ማር 8:12 12:40 ዮሃ 1:17 12:41 ዮሃ 3:5 12:42 1ካዋ 10:1-10፤ 2ታሪ 9:1-12

48 ዬሱሲ ዛሪዲ፡ «ታ ኣያ ኦኔ? ታ ኢሻቲካ ኦናንቲ?» ያጊሰ።
 49 ባ ኩሺያራ ታማሪታ ማሊሽ፡ «ቤዒቲ፡ ታ ኣያኔ ታ ኢሻቲ
 ሃይሳታ። 50 ሳሎን ዴዒያ ታ ኣዋ ሽኒያ ኦሊያ ኡባይ ታ ኢሻ፡ ታ
 ሚቶኔ ታ ኣዮ» ያጊሰ።

13

ዜሬሊ ዜሪያ ኡራ ለሚሶ
 (ማር 4:1-9፤ ሉቃ 8:4-8)

1 ሄ ጋላስ ዬሱሲ ሶፔ ከዩዲ ኣባ ጋፃን ኡቲሰ። 2 ዳር ዴሬይ
 ኢያ ዩሹዋን ሺቁን ኣሳ ኣባ ጋፃን ኣጋጊዲ ዋሳሎን ጌሊዲ
 ኡቲሰ። 3 ኣሳስ ዳርባ ለሚሶን ያጊዲ ኦዲሰ።

«ኢሲ ጎሻንቶይ ዜሬሊ ዜራናው ከዩሰ። 4 ኢ ዜሪያ ዋዴ
 ኢሲ ኢሲ ዜሬላቲ ኦጌ ጋፃን ዋዲዶሶና፤ ኤንታካ ካፎቲ ዩዲ
 ማዲ ሚዶሶና። 5 ኢሲ ኢሲ ዜሬላቲ ጋርሳን ሻሎይ ዴዒያ ቢታ
 ቦላ ዋዲዶሶና። ዳር ቢቲ ባይና ጊሾ ኤሌሲዲ ዶሊሰ። 6 ሺን
 ኣዋይ ከዩን ሹሊስ፤ ፃጶይ ባይና ጊሾ ማሊሰ። 7 ኢሲ ኢሲ
 ዜሬላይ ኣጉንጎላ ጊዶን ዋዲሰ፤ ኣጉንጎላይ ዲጪዲ ሄ ዶላ ጩሊሰ።
 8 ሃራቲ ቃሲ ኣራዲ ቢታ ቦላ ዋዲሰ፤ ዶሊዲ ኣይፌ ኣይፊሰ።
 ኢሶይ ያታ፡ ኢሶይ ኡሶፑን ታማ፡ ኢሶይ ቃሲ ሃስታማ ኣይፊሰ።
 9 ሲዒያ ሃይሊ ዴዒያ ኡራይ ሲያ» ያጊሰ።

10 ዬሱሳ ታማሪቲ ኢያኮ ሸቁዲ፡ «ኣይሰ ኔኒ ዴሪያስ ለሚሶን
 ኦዳይ?» ያጊዲ ኦይቲዶሶና።

11 ኢ ዛሪዲ፡ «ሂንቲው ሳሎ ካዋቲፋ ፀራ ኤራይ ኢማቲሰ፡
 ሺን ኤንታው ኢማቲቤና። 12 ዴዒያ ኡባስ ጉዜታና፡ ኢያው ዳራና፡
 ሺን ባይናይሳፌ ሃሪ ኣቶሺን ኢያው ዴዒያራካ ኤኬታና። 13 ሄሳ
 ጊሾ፡ ታኒ ኤንቲ፡ ያሊሽ ዴጦና ማላ፡ ሲዒሽ ሲያና ማላ ዋይኮ
 ኣኬኮና ማላ ኤንታው ለሚሶን ኦዳይሰ።

14 «ኢሳያሲ ባ ማፃፋን ኦዲዳይሲ ኤንታ ቦላ ፖሌቲሰ። ኢ
 ኦዲሽ፡

ሂንቲ ሲሳ ሲዒታ፡ ሺን ኣኬኬኬታ፤
 ሂንቲ ያሌታ፡ ሺን ቤዒኬታ።
 15 ኣይሰ ጊኮ፡ ሃ ኣሳ ዋዛናይ ዜልዑሚሰ፤
 ባንታ ሃይላ ኤሪሽ ቱሊሲዶሶና፡
 ባንታ ኣይፊያ ጎዚዶሶና።

ሄሲ ባይኔኮ ኤንቲ ባንታ ኣይፊያን ቤዒዲ፥
 ባንታ ሃይላን ሲዒዲ፥
 ባንታ ዋዛናን ኣኬኪዲ፥
 ታኮ ሲማና፥
 ታካ ኤንታ ፓላናሺን) ያጊሰ።

16 «ሺን ሂንቲ ኣይፊቲ ቤዒያ ጊሾኔ ሂንቲ ሃይላቲ ሲዒያ ጊሾ ሂንቲ ኣንጃቲዳይሳታ። 17 ታ ሂንቲው ቱማ ኦዳይሰ፤ ዳር ናቤቲኔ ጃሎ ኣሳቲ ሂንቲ ቤዒይሳ ቤዒናውኔ ሂንቲ ሲዒይሳ ሲዒናው ኣዋቲዳሶና፥ ሺን ኤንታው ሂኒቤና።

18 «ሂዛ፥ ሃ ዜሬላ ዜሬያ ኡራ ለሚሱዋ ሲዒቲ። 19 ኦጌ ጋፃን ዋዲዳ ዜሬላ ለሚሶይ ሃይሳ፥ ሳሎ ካዎቲላ ቃላ ሲዒዲ ኣኬኮና ኡራ ዋዛና፤ ፃላሃይ ዪዲ ኢያ ዋዛናን ዳዒያ ዜሬላ ማፂ ዲጌሰ።

20 ሻሎይ ጋርሳን ዳዒያ ቢታ ቦላ ዜሬቲዳይሲ ቃላ ሲዒዲ ኤሌሲዲ ኡፋይሳን ኤኬይሳታ። 21 ሺን ፃጰ ዬዳናው ዳንዳፃና ጊሾ ዳር ጋዎፃኮና። ቃላ ጋሶን ማቶይ ዋይኮ ጎዴቲሌ ያ ዎዴ ኤሌሲ ዱቤቶሶና። 22 ኣጉንላ ጋላን ዜሬቲዳይሲ ቃላ ሲዒሰ፥ ሺን ሃ ኣላሚያ ዲሳ ሂርጋይኔ ዲሬቲላ ቆፋይ ቃላ ጩሊያ ጊሾ ኣይፊ ኣይፎና ኣቲሰ። 23 ሺን ኣራዳ ቢታን ዜሬቲዳ ዜሬላይ ኣኬካን ቃላ ሲዒያ ኡራ። ኢ ኣይፊ ኣይፊሰ፤ ኢሶይ ፃታ፥ ኢሶይ ኡሱፑን ታማ ኢሶይ ቃሲ ሃሰታማ ኣይፊሰ» ያጊሰ።

ሌሹዋ ለሚሶ

24 ዬሱሲ ኤንታው ሃራ ለሚሶ ኦዲሰ፥ «ፃሳ ካዎቲላይ ባ ጎሻን ሎፃ ዜሬላ ዜሬዳ ኡራ ዳኔሰ። 25 ሺን ኣሲ ኡባይ ዲሰኪን ኢያ ሞርኬይ ዪዲ ጊሰቲያ ጊዶን ሌሾ ዜሬዲ ቢሰ። 26 ጊሰቲይ ዲጩዲ ኣይፊያ ዎዴ ሌሾይ ኢያ ጊዶን ቤንቲሰ።

27 «ጋዲያ ጎዳ ኣይሌቲ ጎዳኮ ቢዲ፥ ሳዳው፥ ኔ ጎሻን ኔ ሎፃ ዜሬላ ዜሬቢኪሾ? ያቲን፥ ሌሾይ ኣዉፔ ዪዳ?» ያጊዶሶና።

28 «ኢ ኤንታኮ፥ ሂሳ ሞርኬይ ኦሊሰ) ያጊሰ።
 «ኣይሌቲ ጎዳኮ፥ ሓ ቢዲ ሌሹዋ ሾዳና ሜላ ኮያይ?» ያጊዶሶና።

29 «ሺን ኢ፥ ሳቶ ቦቾፊቲ፤ ሂንቲ ሌሹዋ ሾዳይሰ ጊሺን ጊሰቲይ ሾዳታና። 30 ቦቾፊቲ፤ ጫካ ዎዴይ ጋካናው ኢሲፊ ዲጮ። ሄ ዎዴ ጫኪያ ኣሳታ ሌሹዋ ሲንላቲዲ ማፂዲ ታማን ፀጋናው ሚርቄን ሚርቄን ቃቸቲ። ሺን ጊሰቲያ ሺሺዲ ታ ሻሊያን ቆሊቲ) ያጋና» ያጊሰ።

13:16 ሉቃ 10:23-24

ጉላ ሚሴ ሌሚሶ

(ማር 4:30-32፤ ሉቃ 13:18-19)

31 ቃሲ ሃራ ሌሚሶ ያገደ ኦዲስ፤ «ሳሎ ካዎቴላይ ኢሲ ኣሲ ባ ጎሻን ባኪዳ ጉላ ሚሴ ኣይፌ ዳኔስ። 32 ሄ ሚሴ ኣይፌይ ሃራ ሚላ ኣይፌታፕ ጉላ፣ ሺን ኢያ ዶላ ዲጨዳ ሃራ ሚላታ ኡባፌ ኣቆ ገታታዉሱ። ኢ ታሺያን ካፎቲ ኬዲዲ ኡታና ጋካናው ዎልቃማ ሚሴ ገዳዉሱ» ያገሰ።

ኢርሾ ሌሚሶ

(ሉቃ 13:20-21)

33 ካሊዲካ፣ ዩሱሲ ሃራ ሌሚሶ ኦዲስ፤ «ሳሎ ካዎቴላይ ኢሲ ማጨሲ ሄቡ ጋባቲ ጳሌ ኤካ ሙኑቃዳ፣ ሙኑቃይ ዳንዳና ሚላ ኢያን ጉጂዳ ኢርሾ ዳኔስ» ያገሰ።

34 ዩሱሲ ዳሪያሰ ሄ ሌሚሱዎ ኡባ ኦዲስ። ሌሚሶይ ባይና ኢሲባካ ኦዲቤና። 35 ናቤይ ባ ማፃፋን፣

«ታኒ ታ ዶና፣ ሌሚሶን ዶያና፤

ሳሎይኔ ሳዓይ ሜጴቶሳፕ፣

ገሚዳይሳ ኦዲይስ»

ያገደ ኦዲዳይሲ ሄሳን ፖሌቲስ።

ሌሾ ሌሚሱዎ ቢርሼላ

36 ዩሱሲ ዳሪያ ዎይዚዲ ሶ ጌሊስ። ኢያ ታማሬቲ ኢያኮ ሺቂዲ፣ «ጎሻን ዳዒያ ሌሾዎ ቢርሼላ ኦስ ኦዲ» ያገደሶና።

37 ኢ ዛሪዲ፣ «ሎፖ ዜሬላ ዜሪዳይ ኣሳ ናዓ። 38 ጎሻይ ሃ ኣላሚያ። ሎፖ ዜሬላይ ሳሎ ካዎቴላ ናይታ። ሌሾይ ፃላሄ ናይታ።

39 ሌሾዎ ዜሪዳይ ዎርኪያ ፃላሄ። ጫካ ዎዳይ፣ ዎዲያ ወርሴላ። ጫኬይሳቲ ኪታንቸታ።

40 «ሌሾይ ማፃቲዲ ታማን ፀጌቲይሳ ሚላ ዎዲያ ወርሴላን ሄሳዳ ሃናና። 41 ኣሳ ናዓይ ባ ኪታንቸታ ኪታና። ኤንቲ ናጋራስ ጋሶ ገዳይሳታኔ ኢታ ኦሊያ ኡባ ማፃዲ ኢያ ካዎቴላፌ ኬሳና።

42 ማፃ ሺሺዲ ዩሆይኔ ኣቻ ጋርጨሴ ዳዒያ ቶፖና ታማን ዩጋና።

43 ሄ ዎዳ ጂሎቲ ባንታ ኣዎ ካዎቴላን ኣዎዳ ፖዓና። ሲዒያ ሃይሌ ዳዔይ ሲያ!

44 «ፆሳ ካዎቴላይ ጎሻን ዎጌቲዳ ሚሼ ዳኔስ። ኢሲ ኣሲ ሄ ሚሺያ ዳሚዲ ዛሪ ዎገሰ። ዳር ኡፋይቲዲ ቢዲ ባው ዳዒያባ ኡባ ባይዚዲ ሄ ጎሻ ጋዲያ ሻሚስ።

45 «ሃሳዳካ፣ ቃሲ ሳሎ ካዎቴላይ አንቆ ጊያ ኣልዎ ሹቻታ ኮያ ዘልዓንኹ ዳኔስ። 46 ዳር ኣልዎ አንቁዋ ዳሚዲ ቢዲ ባው ዳዒያባ ኡባ ባይዚዲ ኢያ ሻሚስ።

ሞሎ ኦይኪያ ጊቴ ለሚሶ

47 «ቃሲ ያሳ ካዎቴላይ ኣባን ዩጌቲዳ ዲማ ዲማ ቆሞ ሞሎ ኦይኪያ ጊቴያ ዳኔስ። 48 ሞሎ ኦይኪያ ኣሳቲ ሞሎይ ጊቴያን ኩሚን ኣባፌ ጋፃ ኬሲደሶና። ያን ኡቲዲ ሎዑዋ ቆሪ ቆሪ ዳቸን ዩጊደሶና፣ ሺን ኢታ ሞሎታ ዎራ ሆሊደሶና። 49 ዎዲያ ወርሴላን ሃሳሉ ሃናና። ኪታንቸቲ ዩዲ ናጋራንቸታ ዓሎታፕ ሻኪዲ። 50 ዩሆይኔ ኣቻ ጋርጩሉ ዳዒያ ቶያና ታማን ዩጋና።

51 «ሃ ኡባይ ሂንቴው ጌሊዴ?» ያጊዲ ኤንታ ኦይቹስ።

ኤንቲ ዛሪዲ፣ «ኤ» ያጊደሶና።

52 ዩሱሲ፣ «ሂዛ፣ ሳሎ ካዎቴላ ኤራ ኤኪዲ ሂጊያ ታማርሲያ ኡባይ፣ ባ ሚንጂዳ ሻሉዋፔ ኦራላኔ ጋልዓ ኬሲያ ኣሴ ዳኔስ» ያጊሰ።

**ዩሱሲ ናዚሬቴን ኢዳቲስ
(ማር 6:1-6፤ ሉቃ 4:16-30)**

53 ዩሱሲ ሃ ለሚሱዋ ኦዲ ወርሲዳፔ ጉዬ ያፔ ዳንዲዲ ቢስ። 54 ባ ዩሌቲዳ ቢታ ቢዲ ኣይሁዴ ዎሳ ኬላን ዴሪያ ታማርሲስ። ኤንቲ ማላሌቲዲ፣ «ሃ ኡራይ ሃ ጨንጫቴላኔ ሃ ማላታታ ኦሊያ ዎልቃ ኣወፔ ኤኪዴ? 55 ሃይሲ ኣናዒያ ናዓ ጊዴኔዬ? ኢያ ኣዬ ሱንሳይ ማይራሞ ጊዴኔ? ኢያ ኣሻቲ ያይቆባ፣ ዮሴፋ፣ ሲሞናኔ ዩሁዳ ጊደኮናዬ? 56 ኢያ ሚቹቲ ኦራ ዳዖሶና ጊደኮና? ያቲን፣ ሃ ኡራይ ሃ ኡባ ኣወፔ ኤኪዴ?» ያጊደሶና።

57 ሃሳ ጊሾ፣ ኢ ጊያባ ኤኮና ኢዳደሶና።

ሺን ዩሱሲ፣ «ናቤይ ባ ዩሌቲዳ ቢታኒኔ ባ ሶ ኣሳ ማታን ቦንቹቴና» ያጊሰ። 58 ኤንቲ ኣማኖና ኢዳደ ጊሾ ዳር ማላታታ ሄ ቤሳን ኦሊቤና።

14

**ፃማቂያ ዮሃኒሳ ሃይቁዋ
(ማር 6:14-29፤ ሉቃ 9:7-9)**

1 ሄ ዋዴ ጋሊላ ኣይሲያ ሄሮዲሲ * ዩሱሳባ ሲዒሲ። 2 ባ ኣይሌታኮ፡ «ሃይሲ ፃማቂያ ዮሃንሳ፤ ኢ ሃይቆፔ ዴንዲሲ። ያኒዳ ጊሾ ሃ ኡባ ማላታታ ኢ ኦፊስ» ያጊሲ።

3 ኢ ሄሳ ጊዳይ ሄሮዲሲ ባ ኢሻ ፊልጶሳ ማቹ ሄሮዲያዲ ጋሶን ዮሃንሳ ቃሾ ኮሌ ጌልሲዳ ጊሾሳ። 4 ዮሃንሲ ሄሮዲሳ፡ «ኔ ኢዮ ኤካናው ዋጋ ጊዳና» ያጊሲ። 5 ሄሮዲሲ ዮሃንሳ ዋጳናው ኮዩሲ፡ ሺን ዴሬይ ዮሃንሳ ናቤ ኦሊዲ ቤዒያ ጊሾ ያሹቲሰ።

6 ሄሮዲሲ ባ ዩሌቲዳ ጋላሳ ቦንቹያ ዋዴ ሄሮዲያዳ ናዒያ ኣሳ ሲንሳን ዩላን ዲራዳ ኢያ ኡፋይሳሱ። 7 ያቲን፡ ኢ፡ «ኢያ ኮያባ ኡባ ኢማና ጊዲ» ጫቂሰ። 8 ናዒያ ባ ኣዩ ዘሪያ ሲዒዳ ሄሮዲሳኮ፡ «ፃማቂያ ዮሃንሳ ሁዒያ ኬሬን ዋላዳ ታው ኢማ» ያጋሱ። 9 ኢያ ያጊን ካዋይ ቂርቲሰ፡ ሺን ባ ጫቂዋ ጊሾኔ ባራ ዴዒያ ኢማላታ ጊሾ ጊዲ ኢ ኦይሻይ ፖሌታና ማላ ከቲሰ። 10 ካዋይ ኣሴ ከቲዲ ዮሃንሲ ቃሾ ኮላን ዴዒሺን ኢያ ቆጂያ ጎይሪሲሰ። 11 ሁዒያ ኬሬን ዋላ ኤሂዲ ናዔሰ ኢሚዶሶና፤ ናዒያካ ኤካዳ ባ ኣዩሰ ኤፋሱ። 12 ዮሃንሳ ታማሬቲ ዩዲ ኢያ ኣሃ ኤፊዲ ሞጊዶሶና። ኢያፔ ጉዬ ሃኒዳባ ኡባ ቢዲ ዩሱሳሰ ኦዲዶሶና።

ዩሱሲ ኢቻሹ ሙኩሉ ኣሳ ሙዚሰ
(ማር 6:30-44፤ ሉቃ 9:10-17፤ ዮሃ 6:1-14)

13 ዩሱሲ ሃኒዳባ ሲዒዳ ዋዴ ዋጎሉዋን ጌሊዲ ሄ ቤሳፌ ኢሲ ጌሚያ ሶ ባርካ ቢሰ። ኣሳይ ሄሳ ሲዒዲ ካታማታፔ ዴንዲዲ ቶሆን ኢያ ካሊዶሶና። 14 ዩሱሲ ዋጎሉዋፔ ዋጂዲ ዳር ኣሳ ቤዒዲ ኤንታው ቃጴቲሰ። ኤንታ ጊዶን ዴዒያ ሃርጋንቾታ ፓላሰ።

15 ሳዒይ ኦማርሲሼ ቢያ ዋዴ ዩሱሳ ታማሬቲ ኢያኮ ሺቂዲ፡ «ሃ ቤሳይ ኣሲ ባይና ቤሲ፡ ሳዒይካ ቃሚሰ። ያኒያ ጊሾ፡ ሄራን ዴዒያ ጉታታ ቢዲ ባንታው ሻሚዲ ማና ማላ ዴሪያ ዩዳ» ያጊዶሶና።

16 ሺን ዩሱሲ ኤንታኮ፡ «ዴሬይ ሞና ባናው ኮሹና፤ ኤንቲ ማናባ ሂንቲ ኢሚቲ» ያጊሲ።

17 ኤንቲ ዘሪዲ፡ «ኦሰ ሃይሳን ኢቻሹ ኡይላፌኔ ናሞዑ ሞሎፔ ሃሪ ባዋ» ያጊዶሶና።

* 14:1 ሄሮዲሲ፡ ሃይሲ ካወዋ ሄሮዲሰ ኣንቲጳሳ። ኢ ዪሁዳኔ ፔሪያ ከሪሰቶሲ ዩሌታናፔ ሲንፌ 4-39 ሞ.ል. ጋካናው ሃሪሰ። ኢ ካወዋ ሄሮዲሳሰ ናዒ። 14:4 ሉቃ 3:19-20፤ ሉዌ 18:16፤ 20:21

18 ኢካ፡ «አኔ ኤንታ ሃ ኤሂቴ» ያገሰ። 19 ካሊዲካ፡ ዳሬይ ማታን ኡታና ማላ ኦዲሰ። ኢቻሹ ኡይላኔ ናምዑ ሞሎታ ኤኪዲ፡ ሳሎ ጻሊዲ ጋላቲ ሰሚዲ፡ ኡይላ ማንሊዲ ባ ታማሬታሰ ኢሚሰ፤ ኤንቲ ቃሲ ዳሬያሰ ኢሚደሶና። 20 ኡባይ ሚዲ ካሊደሶና። ዩሱሳ ታማሬቲ ሚሺን ኣቲዳይሳ ታማኔ ናምዑ ጋይታ ዳንሊደሶና። 21 ካላ ሚዳ ኣሳይ ማጫሳይኔ ናይቲ ኣቲን ኢቻሹ ሙኩሉ ገዴሰ።

ዩሱሲ ኣባ ቦላራ ሃሙቲሰ
(ማር 6:45-52፤ ዮሃ 6:15-21)

22 ዩሱሲ ባ ታማሬቲ ዋጎሉዋን ጌሊዲ ባፔ ሲንላቲዲ ኣባፊ ሄ ፊንሳ ፒናና ማላ ኪቲዲ ባው ዳሬያ ሞይዛናው ጉዩ ኣቲሰ። 23 ዳሬያ ሞይዚ ሰሚዲ ባርካ ዋሳናው ኢሲ ዳሬያ ቦላ ከዩሰ። ሳባይ ቃሚንካ ኢ ባርካ ያን ጋምዒሰ። 24 ሄ ዋዴ ዋጎሎይ ኣባ ቦላ ቢሺን ሲንላ ባጋራ ጫርኮይ ዳንዲን ሆቤይ ዋጎሉዋ ኡንዔሊሰ።

25 ዋንቲማላ ቦላ ዩሱሲ ኣባ ቦላ ሃሙቲሺ ባ ታማሬታኮ ዩሰ። 26 ኢያ ታማሬቲ፡ ኢ ኣባ ቦላ ሃሙቲሺ ባንታኮ ዩይሳ ቤዒዲ ያዩደሶና። ኤንቲካ፡ «ሃይሲ ሞይቲሌ» ገዲ ያዩዲ ዋሲደሶና።

27 ሺን ዩሱሲ ኤሌሲዲ፡ «ኣይኮይ ባዋ! ያዮፊቲ! ታናባይ» ያገሰ።

28 ጳዲሮሲ ኢያኮ፡ «ጎዳው፡ ኔና ገዲኮ፡ ታኒ ሃላ ቦላራ ሃሙታዳ ኔኮ ባና ማላ ታና ኪታ» ያገሰ።

29 ዩሱሲ ጳዲሮሳኮ፡ «ሃያ» ያገሰ።

ጳዲሮሲ ዋጎሉዋፔ ዋዲዲ ሃላ ቦላራ ሃሙቲሺ ዩሱሳኮ ቡሱ ኦይኪሰ። 30 ሺን ዋልቃማ ጫርኩዋ ቤዒዲ ያዩሰ። ሃላን ሚቲቴላ ኦይኪዳ ዋዴ «ጎዳው፡ ታና ኣሻርኪ» ያገዲ ዋሲሰ።

31 ዩሱሲ ኤሌሲዲ ባ ኩሺያ ዩዲ ኢያ ኦይኪዲ፡ «ኔና፡ ኣማናይ ፓጪደይሶ ኣይሰ ሲዳይ» ያገሰ።

32 ዩሱሳራኔ ጳዲሮሳራ ዋጎሉዋን ጌሊዳ ዋዴ ጫርኮይ ሲዒ ገሰ። 33 ዋጎሉዋ ገደን ዳዒያ ኢያ ታማሬቲ፡ «ኔኒ ቱማካ ያሳ ናባ» ገዲ ጎይኒደሶና።

34 ኤንቲ ኣባ ፒኒዲ ጌንሳሬጻ ቢታ ጋኪደሶና። 35 ሄ ቢታን ዳዒያ ኣሳይ ዩሱሳ ኤሪዳ ዋዴ ባንታ ሄራን ዳዒያ ጉታ ኡባ ኪታ ዩዲደሶና። ኣሳይ ሃርጋንቸታ ኡባ ኢያኮ ኤሂደሶና። 36 ሃርጋንቸቲ ኢያ ኣፊላ ማጫራ ፃላላ ቦቻና ማላ ዋሲደሶና። ቦቸዳ ኡባይካ ፓዲደሶና።

15

አዋታ ዎጋባ (ማር 7:1-13)

1 ሄሳፌ ጉዬ፣ ኢሲ ኢሲ ፋሪሳዊቲኔ ሂጌ አስታማሪቲ ዩሩሳሌም፣ ዩሱፊስ ዩዲ፣ 2 «ኔ ታማሪቲ አይስ ኑ አዋታ ዎጋ ማንፉና? ኤንቲ ካሊ ማናፎ ሲንፍ ባንታ ኩሺያ ሜጩቶኮና» ያገዱ ኦይቹደሶና።

3 ዩሱሲ ዛሪዲ፣ «ሂንቲ፣ ሂንቲ ዎጋ ጊሾ ያሳ ከታ ፖሌይሳ አይስ ኢጃቲ? 4 አይስ ጊኮ፣ ያሳይ፣ ሳኔ አዋኔ ኔ አዩው ቦንቻ። ኢ ባ አዋ ዎይኮ ባ አዩው ጩዬይሲ ሃይቆ ጊቤኔ?» ያገሰ።

5 ሺን ሂንቲ፣ ኢሲ አሲ ባ አዋ ዎይኮ ባ አዩው ማዳናባይ ዳዒሺን፣ «ሃይሳ ታ ያሳስ ያርሻስ ጊኮ፣ 6 ባ አዋ ዎይኮ ባ አዩው ቦንቻናው ቤሴና» ያገታ። ያቲዲ ሂንቲ፣ ሂንቲ ዎጋ ፖላናው ያሳ ቃላ ማንፉታ። 7 ሂንቲኖ፣ ጩቦቶ፣ ኢሳያሲ ሂንቲባ ሊኬ ኦዲስ፣

8 « ሃ አሳይ ታና ባንታ ዶናን ቦንቹስ፣ ሺን ኤንታ ዎዛናይ ታፎ ሃሆን ዳዔስ።

9 አሳይ ታና ጮ ጎይኖሶና፤ ኤንቲ አሲ ሜዲዳ ከታ ያሳ ሂጌ ዳኒሲዲ ታማርሶና» ገሰ።

አሴ ቱኒሲያባታ (ማር 7:14-23)

10 ዩሱሲ ዳር አሳ ባኮ ጭገዲ፣ «ሲዒቲ! አኮኪቲ! 11 አሴ ቱኒሲያባይ ዶናራ ጌሊያባ ጊዶናሺን ዶናፎ ኬያባ» ያገሰ።

12 ሄሳፌ ጉዬ፣ ዩሱሳ ታማሪቲ ኢያኮ ዩዲ፣ «ፋሪሳዊቲ ኔኒ ጊዳይሳ ሲዒዲ ቆቤቲዳይሳ አኮካይ?» ያገደሶና።

13 ሺን ዩሱሲ ኤንታው ዛሪዲ፣ «ሳሎዎን ዳዒያ ታ አዋይ ቶኪቦና ሚላይ ኡባይ ሾዳታና። 14 ኤንታባ ሂርጎፊቲ፤ ኤንቲ ቆቄ ካሊሊያ ቆቄታ። ቆቄይ ቆቄ ካሊሊኮ፣ ናምዳይካ ኦላን ኩንዳና» ያገሰ።

15 ጴዳርሲ ዛሪዲ፣ «ሃ ለሚሱዋ ቢርሼላ ኑስ ኦዳርኪ» ያገሰ።

16 ዩሱሲ ኤንታኮ፣ «ሂንቲዉካ ሃዒ ጋካናው ጌሊቤኔ?

17 ዶናራ ጌሊያባ ኡባይ ኡሎ ጌሊዲ ካሬ ኬዬይሳ ኤሬኬቲ?

18 ሺን ዶናራ ኬያባይ ዎዛናፎ ኬዬስ። አሴ ቱኒሲያባቲ ሂሳታ።

15:4 ኬሳ 20:12፤ ዛሬ 5:16፤ ኬሳ 21:17፤ ሉዌ 20:9 15:14 ሉቃ 6:39

19 ኤንቲካ አሳ ዋዛና ጊደፌ ኬያ ኢታ ቆፋ፣ ዋቋ፣ ላይማቴል፣ ኢታ ኦሶ፣ ካይሶ፣ ዋርዶ ማርካቴል፣ ጫሼ። 20 ሄሳ ዲኒያባቴ ኣሴ ቱኒሴሲፔ ኣቲን ሜጩቶና ኩሼራ ሜይሲ ቱኒሴና» ያገሰ።

ኢሲ ማጫሴ ኣማኑዋ
(ማር 7:24-30)

21 ሄሳፌ ጉዬ፣ ዩሱሲ ያፔ ኬዬዲ ዲሮሳኔ ሲደና ካታማቲ ዴዲያ ቢታ ቢሰ። 22 ኢሲ ካናኔ ቢታ ማጫሰ ዩሱሳኮ ያዳ፣ ባ ቃላ ቋቋ ኦሳዳ፣ «ጎዳው፣ ደዊቴ ናዓው፣ ታው ቃቋታርኪ፤ ታ ናዓው ቱና ኣያናይ ኦይኪዲ ኢታ ዋይሴሰ» ያገሰ።

23 ሺን ዩሱሲ ኢሲ ቃላካ ዛሮና ሲዒ ገሰ። ዩሱሳ ታማሬቲ ኢያኮ ዩዲ፣ «ሃ ማጫሲያ ኦ ጌዶ ካላ ካላዳ፣ ዋሳወሱ። ሄሳ ገሰ፣ ኔኒ ኢዮ ሞይዛርኪ» ያገዲ ዋሲደሶና።

24 ዩሱሲ ዛሪዲ፣ «ታኒ ዉዴፔ ቋዩዳ ደርሳዳ ኢሰራዔሌ ኬላፌ ቋዩዳ ኣሳታ ፃላላሰ ኪቴታሰ» ያገሰ።

25 ሺን ኢያ፣ ኢያ ሲንላን ኩንዳዳ፣ «ጎዳው፣ ታና ማደርኪ?» ያገሰ።

26 ኢ ዛሪዲ፣ «ናይታ ካሊ ኤኪዲ ካናታሰ ዩጌይሲ ሎዖ ገዴና» ያገሰ።

27 ማጫሲያካ፣ «ጎዳው፣ ሄሲ ቱማ፣ ሺን ሃሪ ኣቶሺን ካናቲ ባንታ ጎዳቲ ሚሺን፣ ጋይታፔ ዋቋያ ቲፊያ ሞሶና» ያገሰ።

28 ዩሱሲ ዛሪዲ፣ «ሃ ማጫሴቲ፣ ኔ ኣማኖይ ገታ፤ ኔ ኮዩዲይሳዳ ኔው ሃና» ያገሰ። ኢ ናዒያ ኢራካ ፓፃ ኣገሰ።

ዩሱሲ ዳሮ ሃርጋንቾታ ፓሊሰ

29 ዩሱሲ ያፔ ዴንዲዲ ጋለላ ኣባ ማቲ ቢሰ። ኢሲ ዴሬ ቦላ ኬዬዲ፣ ያን ኡቲሰ። 30 ዳሮ ኣሳይ ባንታራ፣ ዋቤታ፣ ቆቁታ፣ ኩናታ፣ ደና ሙሜታኔ፣ ሃራ ዳሮ ሃርጋንቾታ ኤኪዲ፣ ኢያኮ ኤሂዲ ኢያ ሲንላን ዋሊደሶና። ዩሱሲ ኤንታና ፓሊሰ። 31 ሄሳ ገሰ፣ ሙሜቲ ኦዴቲሺን፣ ኩናቲ ፒዲ ገሺን፣ ዋቤቲ ሃሙቲሺን፣ ቆቁቲ ያሊሺን ኣሳይ ቤዒዲ ማላሌቲዲ፣ ኢሰራዔሌ ያሳ ጋላቲደሶና።

ዩሱሲ ኦይዲ ሙኩሉ ኣሳ ሙዚሰ
(ማር 8:1-10)

32 ዩሱሲ ባ ታማሬታ ባኮ ፀገዲ፣ «ሃ ዳሮ ኣሳይ ታራ ሄቩ ጋላሰ ጋምዒዳ ገሸኔ ኤንታው ሃዒ ሚያባይ ባይና ገሸ ታኒ ኤንታው ቃቋታይሰ። ኤንቲ ኦጌን ዳቡሪዲ ኩንደና ሜላ ኣይኮ ሙዛና ኤንታ ሜላ ዩዳናው ኮዩኬ» ያገሰ።

33 ኢየ ታማራቲ ዛሪዲ፥ «ኩሂ ሃ ባዙዋን ሃይሳ ከና አሳሰ ጊዲያ ካሏ አዉፔ ዴማኔ?» ያጊደሶና።

34 ዬሱሲ ኤንታኮ፥ «ሂንቴው አፑን ኡይሌ ዴዒ?» ያጊዲ ኦይቺሰ።

ኤንቲ ዛሪዲ፥ «ላፑን ኡይሌኔ ላፋ ሞሎታፔ ጉሌ ዴዔስ» ያጊደሶና።

35 ዬሱሲ ዴሪያ ሳዓን ኡቲቲ ያጊዲ ከቲሰ። 36 ሄሳፌ ጉዬ፥ ሄ ላፑን ኡይላኔ ሞሉዋ ኤኪዲ ያሳ ጋላቲሰ። ሜንሌዲ ባ ታማራታሰ ኤሚሰ። ኢየ ታማራቲ አሳሰ ጊሺደሶና።

37 አሳይ ኡባይ ሚዲ ካሊደሶና። ኢየ ታማራቲ፥ ሚሺን አቲዳ ቲፊያ ላፑን ጌታ ጋይታ ኩሜሌ ዴንሌደሶና። 38 ሚዳ አሳይ ማጫሲኔ ናዓ ፓይደና ኣዴ ፃላሊ ኦይዲ ሙኩሉ። 39 ዬሱሲ ዴሪያ ዬዲዳፔ ጉዬ ዋሳሉዋን ጌሊዲ ማጌደና ጊያ ቢታ ቢሰ።

16

ሳሎፔ ማላ ቤዓናው ኦይቺዳ ኦይሻ
(ማር 8:11-13፤ ሉቃ 12:54-56)

1 ፋሪሳዌቲኔ ሳዲቃዌቲ ዬሱሳኮ ዪደሶና። ኢየ ፓጫናው ኮዪዲ፥ ባንታና ሳሎፔ ማላታ ቤሶ ጊዲ ኦይቺደሶና። 2 ሺን ኢ ኤንታኮ፥ «ሳዒ ኦማርሲያ ዋዴ ሳሎይ ዘዒዳ ጊሾ ዋንቶ ቦቃላና) ያጌታ። 3 ዋንቲያ ዋዴ፥ ሳሎይ ዘዒዲ ሻራቲዳ ጊሾ ኢራይ ቡካና) ያጌታ። ያቲን ሂንቴ ሳሎ ማላ ቤዒዲ ኤሬታ፥ ሺን ዋዲያ ማላ ኤራናው ዳንዳዒቤኬታ። 4 ኢታኔ አማኖና ዬሌቴላይ ማላታ ኮዬስ። ሺን ኢያው ዮናሳ ማላታፔ ሃራ ማላቲ ኤሜቴና» ያጊሰ። ሄሳፌ ጉዬ፥ ኤንታና ያን ኣጊዲ ሃራ ሶ ቢሰ።

ፋሪሳዌታኔ ሳዲቃዌታ ኢርሹዋ
(ማር 8:14-21)

5 ኤንቲ አባፌ ሄፊንሌ ፒኒዳ ዋዴ ዳቦ ኤኪዲ ያናይሳ ደጊደሶና። 6 ዬሱሲ ኤንታኮ፥ «ፋሪሳዌታፔኔ ሳዲቃዌታ ኢርሹዋፌ ናጌቲቲ» ያጊሰ። 7 ኤንቲካ ባንታ ጋርሳን፥ «ኢ ሄሳ ጊዳይ ኑ ዳቦ ኤኪዲ ዮና ጊሾሳ ጊዳና» ያጊደሶና። 8 ዬሱሰ ኤንታ ቆፋ ኤሪዲ፥ «ሂንቴኖ፥ አማኖይ ፓጫዳይሳቶ! ዳቦ ኤኮና ዪዳ ጊሾ ዋሊ ጊደን ኣይሰ ኦዴቲቲ? 9 ሃዒካ ሂንቴ ኣከኬቲ? ኢቻሹ ሙኩሉ አሳሰ ኢቻሹ ኡይላ ጊሺዳይሳኔ ኤንቲ

16:1 ማቶ 12:38፤ ሉቃ 11:16 16:4 ማቶ 12:39፤ ሉቃ 11:29 16:6 ሉቃ 12:1

ሚዲ ካለን ሂንቲ አቸን ጋይታ ኩሚሊ ዳንሊዳኮ ደገዴቲ?
 10 ሃሳዳካ፡ ላቸን ኡይላ ኦይዱ ሙኩሉ አሳሰ ገሺዲይሳኔ ኤንቲ ሚዲ ካለን፡ ሂንቲ አቸን ገታ ጋይታ ኩሚሊ ዳንሊዳኮ አከኬኬቲ? 11 ሂዛ፡ ታኒ ፋሪሳዊታኔ ሳዱቃዊታ ኢርሹዋሬ ናጌቲቲ ጋዳ ኦይይሲ ዳቦባ ገደናይሳ አከኬኬቲ?» ያገሰ።
 12 ያቲን፡ ኢያ ታማሬቲ ዬሱሲ ኦይይ ሙኦቃ ዳንላናው ዬጌቲያ ኢርሹባ ገደናሺን ፋሪሳዊታኔ ሳዱቃዊታ ቲሚርቲያሬ ናጌታናይሳ ገደይሳ አከኪደሶና።

ጳጳሮሲ ዬሱሳባ ኦዲሰ
 (ማር 8:27-30፤ ሉቃ 9:18-21)

13 ዬሱሲ ቁሳሪያ ፊልጶሳ ቢታ ጋኪዳ ዋዴ ባ ታማሬታኮ፡ «አሳይ፡ አሳ ናዓ ኦና ጎና?» ያገዲ ኦይቸሰ።

14 ኤንቲካ፡ «ኢሶቲ ኢሶቲ ፃማቂያ ዮሃንሳ፡ ሃራቲ ኤሊያሳ ቃሲ ሃንኮቲ ኤርሚያሳ ዋይኮ ናቤታፔ ኢሱዋ ጎሶና» ያገደሶና።

15 ዬሱሲ ዛሪዲ፡ «ያቲን፡ ሂንቲ ታና ኦና ጌቲ» ገዲ ኤንታ ኦይቸሰ።

16 ሲሞና ጳጳሮሲ ዛሪዲ፡ «ኔኒ ኪሪሰቶሳ፡ ዴዎ ያሳ ናዓ» ያገሰ።

17 ዬሱሲ ጳጳሮሳኮ፡ «ዮና ናዓ ሲሞና፡ ኔኒ አንጃቲዳይሳ! ሃይሳ ኔው ቆንጨሲዳይ ሳሉዋን ዴዒያ ታ አዋፔ አቲን አሴ ገዴና። 18 ታ ኔው ኦዲይሰ ጳጳሮሳ፡ ኔኒ ዛላ! ታኒ ሃ ዛላ ቦላ ታ ዋሳ ኬላ ከፃና። ሃይቆ ዋልቃቲካ ኢዮ ያኖኮና። 19 ሳሎ ካዋቲላ ቁልፔታ ታ ኔው ኢማና፡ ሳዓን ኔኒ ዲገያባይ ኡባይ ሳሎን ያሳ ማታን ዲጌቲዳባ ገዴና። ሳዓን ኔኒ ሃኖ ገያባይ ኡባይ ሳሎን ያሳ ማታን ሃኒዳባ ገዴና» ያገሰ።

20 ሃሳፊ ጉዬ፡ ኢ፡ ኪሪሰቶሳ ገዴይሳ ኦዴሰካ ኦደና ሜላ ባ ታማሬታ ሚንሊዲ ከቲሰ።

ዬሱሲ ባና ጋካና ዋያ ኦዲሰ

21 ሄ ዋዲያፔ ደሚዲ ዬሱሲ ባ ታማሬታሰ፡ «ታኒ ዬሩሳላሚ ባናው ቤሴሰ። ያን ዴሪያ ጨማታን፡ ካሂኔ ሃላቃታኔ ሂጌ አሰታማሬታ ኩሼን ዋዬ ኤካናው ቤሴሰ። ኤንቲ ታና ዋዳና፡ ሺን ታኒ ሄቫንሶ ጋላሰ ሃይቆፔ ዳንዳና» ያገዲ ቆንጨሲሰ።

16:9 ማቶ 14:17 16:10 ማቶ 15:34 16:14 ማቶ 14:1 16:16 ዮሃ 6:68 16:19 ማቶ 18:18፤ ዮሃ 20:23

22 ጳጳሮሲ ዬሱሳ ጋፃ ከሲዲ፡ «ጎዳው፡ ሄሲ ሃኔና! ሄሳ ማላባይ ኔና ኡባራካ ጋኮፎ!» ያጊዲ ሃንቁቲስ።

23 ዬሱሲ ጳጳሮሳኮ ጉዬ ሲሚዲ፡ «ሃ ፃላሂያው፡ ታፔ ሃካ! ኔኒ አሳ ቆፋ ቆፓሳፔ አቲን ፆሳ ቆፋ ቆፖና ጊሾ ታው ጳቤ ጊዳሳ» ያጊስ።

24 ሄሳፌ ጉዬ፡ ዬሱሲ ባ ታማሬታኮ፡ «ኦኒካ ታና ካላናው ኮያባ ጊዲኮ ባና ካዶ፡ ባ ማስቃሊያ ቶኪዲ ታና ካሎ። 25 ባ ዴዑቀ አሻናው ኮያ ኡባይ ቆይሴስ። ሺን ባ ዴዑቀ ታ ጊሾ ጊዲ አሊ ኢሜይሲ አሼስ። 26 አሲ አላሜ ኩሜላ ባባ ኦሊዲ፡ ጊዶሺን ባ ሼምፑቀ ቆይሲኮ ኢያ አይ ማዲ? ዋይኮ አሲ ባ ሼምፑቀ ላሜ አይ ኢማናው ዳንዳዲ? 27 አሳ ናዓይ ባ አቀ ቦንቹቀን ባ ኪታንቸታራ ያና። ሄ ዋዴ ኢሲ ኢሲ ኡራስ ኢያ ኦሱቀዳ ኢማና።

28 ታ ቱማ ኦዳይስ፤ አሳ ናዓይ ካቀ ጊዲዲ ሲሜይሳ ቤዓና ጋካናው ሃይሳን ኤቁዳ አሳፔ ሃይቆናይሳቲ ዴፆሶና» ያጊስ።

17

ዬሱሳ ማላይ ላሜቲስ (ማር 9:2-13፤ ሉቃ 9:28-36)

1 ኡሱፑን ጋላሳፔ ጉዬ ዬሱሲ፡ ጳጳሮሳ፡ ያይቆባኔ ኢያ አሻ የሃኒሳ ባራ ኤኪዲ ባንታርካ ጊዳናው ዴሪያ ቦላ ከዩስ። 2 ያን ኤንታ ሲንላን ዬሱሳ ማላይ ኩሜሊ ላሜቲስ፤ ኢያ ሶምፆይካ አቀዳ ያልቁስ። ኢያ ማፆይካ ዳሮ ቦዲስ። 3 ሄኮ፡ ሙሴይኔ ኤሊያሲ ኢያራ ኦዴቲሺን ቤዒዶሶና። 4 ጳጳሮሲ ዬሱሳኮ፡ «ኦኒ ሃይሳ ሃሹ ዩዳ፡ ኔ ኮይኮ ኢሲኖ ኔው፡ ኢሲኖ ሙሴስ፡ ኢሲኖ ኤሊያሳስ ሃይሳን ሄቹ ሻቃራ ሻቃራና» ያጊስ። 5 ጳጳሮሲ ሄሳ ቡሮ ኦዲሺን ቦላ ሻራይ ኤንታና ካሚስ። ሻራ ጊዶራ፡ «ታና ኡፋይሲያ፡ ታ ዶሲያ ናዓይ ሃይሳ፡ ኢያ ሲዒቲ!» ያጊያ ቃላይ ዩስ። 6 ዬሱሳ ታማሬቲ ሄሳ ሲዒዳ ዋዴ ዳጋሚዲ ባንታ ሶምዑቀራ ሳዓን ኩንዲዶሶና። 7 ሺን ዬሱሲ ኤንታኮ ሸቁዲ ኤንታ ቦቲዲ፡ «ዴንዲቲ፡ ያኖፊቲ!» ያጊስ። 8 ኤንቲ ጶቁ ጊዲ ቤዒያ ዋዴ ዬሱሳፔ ሃራ ኦናካ ቤዒቦኮና።

16:24 ማቶ 10:38፤ ሉቃ 14:27 16:25 ማቶ 10:39፤ ሉቃ 17:33፤ የሃ 12:25 16:27 ማቶ 25:31፤ ማዝ 62:12፤ ሮሜ 2:6 17:1 2ጴጌ 1:17-18
17:5 ሜጴ 22:2፤ ማዝ 2:7፤ ኢሳ 42:1፤ ማቶ 3:17፤ 12:18፤ ማር 1:11፤ ሉቃ 3:22፤ ዛሬ 18:15

9 ከንቲ ደሪያፔ ዋዲሽን ዩሱሲ ከንታኮ፡ «አሳ ናዓይ ሃይቆፔ ደንዳና ጋካናው ሃ ሂንቲ ቤዒዳባ ኦዲስካ ኦደፒቲ» ጊዲ ከቲሰ። 10 ዩሱሳ ታማሬቲ፡ «ያቲን፡ ሂጌ ኣስታማሬቲ ኤሊያሲ ከሪሰቶሳፕ ካሴቲዲ ያና ጊዳይ ኣይቢሴ?» ያጊዲ ኦይቺዶሶና።

11 ዩሱሲ ዛሪዲ፡ «ኤ! ኤሊያሲ ካሴቲ ዩዲ ኡባባ ጊጊሳና። 12 ሸን ታ ሂንቲው ቱማ ኦዲይሰ፤ ኤሊያሲ ካሴቲዲ ዩሰ። ከንቲካ ኢያ ቦላ ኮዩዳባ ኦሊዶሶናፕ ኣቲን ኢያ ሻኪ ኤሪሶኮና። ሄሳዳ አሳ ናዓይ ከንታ ኩሽን ዋዬታና» ያጊሰ።

13 ሄ ዋዬ ዩሱሲ ጊዳይ ፃማቂያ ዮሃንሳባ ጊዳይሳ ኣኬኪዶሶና።

ዩሱሲ ቱና ኣያናይ ኦይኪዳ ናዓ ፓሌሰ
(ማር 9:14-29፤ ሉቃ 9:37-43)

14 ከንቲ ደሪያፔ ኣሳኮ ሲሚያ ዋዬ ኢሲ ኣሲ ዩሱሳ ሲንጻን ጉልባቲዲ፡ 15 «ጎዳው፡ ሃያና ታ ናዓሰ ቃዴታርኪ፤ ኢያ ሾጪዲ ዩጊያ ሃርጌይ ዳሮ ኡንዔሲዲ ታማኒኔ ሃላን ዩጌሰ። 16 ኔ ታማሬታኮ ኤሃሰ፡ ሸን ከንቲ ፓላናው ዳንዳዒቦኮና» ያጊሰ።

17 ዩሱሲ ዛሪዲ፡ «ሂንቲኖ፡ ኣማኖና ጌላ ዩሌቴላው ኣዉዴ ጋካናው ታ ሂንቲራ ዳኔ? ኣዉዴ ጋካናው ታ ሂንቲና ዳንዳዓኔ? ኣኔ ናዓ ሃ ኤኪ ዩቲ» ያጊሰ። 18 ዩሱሲ ቱና ኣያና ሃንቁን፡ ቱና ኣያናይ ናዓፔ ኬዩሰ፤ ሄ ሳቲንካ ናዓይ ፓዒሰ። 19 ሄሳፌ ጉዩ፡ ዩሱሳ ታማሬቲ ባንታርካ ኢያኮ ሸቂዲ፡ «ኦኒ ቱና ኣያና ኬሳናው ዳንዳዒቦናይ ኣይቢሴ?» ያጊዲ ኦይቺዶሶና። 20 ኢ ከንታኮ፡ «ሂንቲው ኣማኖይ ላፊዳ ጊሾሳ። ታ ሂንቲው ቱማ ኦዲይሰ፤ ጋሼ ኣይፌ ሜላ ኣማኖይ ሂንቲው ደዒኮ «ሃ ደሪያ ሃይሳፌ ደንዳዳ ጌዴ ኣቆ» ጊኮ ሂንቲው ከቲታና። ሂንቲው ዳንዳዔቶናባይ ዳና። 21 [ሸን ሄሳ ሜላይ ዋሳፔኔ ያማፔ ኣቲን ሃራን ኬዩና]» ያጊሰ። *

ዩሱሲ ባ ሃይቁዋባ ዛሪ ኦዲሰ
(ማር 9:30-32፤ ሉቃ 9:43-45)

22 ዩሱሳ ታማሬቲ ጋሊላን ሸቂዲ ደዒሸን ዩሱሲ ከንታኮ፡ «አሳ ናዓይ ኣሳ ኩሽን ኣዲዲ ኣሜታና። 23 ከንቲ ኢያ ዋቆና፡ ሸን ኢ ሄቫንሶ ጋላሰ ሃይቆፔ ደንዳና» ያጊሰ።

17:10 ሚሊ 4:5 17:12 ማቶ 11:14 17:21 ማቶ 21:21፤ ማር 11:23፤ 1ቆር 13:2 * 17:21 ኢሲ ኢሲ ቤኒ ማፃፋታን ፓይዶ 21 ዳና።

ኢያ ታማራቲካ ዳር ቂርቲዶሶና።

ጾሳ ከላ ገራ

24 ዩሱሳራኔ ኢያ ታማራታራ ቂፊርናሆሜ ካታማ ጋኪዳ ዎዴ ጾሳ ከላ ገራ ቃንጻሴይሳቲ ጳዊርሳኮ ዩዲ፥ «ሂንቴ ኣስታማራይ ጾሳ ከላ ገራ ገሪ?» ያገዲ ኦይቺዶሶና።

25 ጳዊርሲ ዛሪዲ፥ «ገሪሰ» ያገሰ። ጳዊርሲ ሶ ጌሊያ ዎዴ ዩሱሲ ካሴቲዲ፥ «ጳዊርሳ፥ ኔው ኣይ ዳኒ? ሃ ሳዓ ካዎቲላቲ ቃራጻኔ ገራ ኣፔ ኤኮና? ጋዴ ኣሳፔዬ ዎይኮ ኣሳ ጋዴ ኣሳፔ?» † ያገዲ ኦይቺሰ።

26 ጳዊርሲ «ኣሳ ጋዴ ኣሳፔ» ገዲ ዛሪሰ።

ዩሱሲ ዛሪዲ፥ «ጋዴ ኣሳይ ገራ ገርኮና ጉሱ። 27 ሺን ኤንቲ ቋቤቶና ማላ ኣባ ባዳ ሞሉዎ ኣይኪያ ማንጻቆ ዬጋ። ኮይር ኔ ኦይኪያ ሞሉዎ ዶና ዶያዳ ገራሰ ገዲያ ሚሺያ ኔ ገሺኔ ታ ገሾ ኤፋዳ ገራ» ያገሰ።

18

ኡባፌ ኣዴይ ኦኔ?

(ማር 9:33-37፤ ሉቃ 9:46-48)

1 ሄ ዎዴ ዩሱሳ ታማራቲ ዩዲ፥ «ሳሎ ካዎቲላን ኡባፌ ኣዴይ ኦኔ?» ያገዲ ኦይቺዶሶና። 2 ዩሱሲ ኢሲ ጉላ ናዓ ጻገዲ ኤንታ ገደን ኤሲዲ ሃይሳዳ ያገሰ። 3 «ታኒ ሂንቲው ቱማ ኦዳይሰ፤ ሂንቴ ለሜቶናኔ ጉላ ናይታዳ ሃኖና ኢጻኮ ሳሎ ካዎቲላ ኡባራካ ጌላናው ዳንዳዔኬታ። 4 ሂዛ፥ ሃ ጉላ ናዓዳ ባና ካዉሺያ ኦኒካ ሳሎ ካዎቲላን ኡባፌ ኣዴይሳ ገዳና። 5 ሃይሳ ማላ ናዓ ታ ሱንሳን ሞኪያ ኦኒካ ታና ሞኬሰ።

6 «ሺን ታናን ኣማኒያ ሃ ጉላታፔ ኢሱዎ ናጋራ ኦላና ማላ ቋቤ ገዲያ ኦኒካ ገታ ጋቻ ዎፃ ባ ቆዴን ቃቺዲ ጨሞ ኣባን ሚቲቲኮ ኢያው ሎዎ። 7 ኣላሚን ኣሳይ ናጋራ ኦላና ማላ ኦሊያባቲ ዴዒያ ገሾ ኣላሚያ ኣዬ። ሄሳ ማላባቲ ዮና ኣቴና፥ ሺን ቋቤይ ኢያ ጋሶን ያ ኡራ ኣዬ።

8 «ኔ ኩሺይ ዎይኮ ኔ ቶሆይ ኔና ባሌሊኮ ኔፔ ቃንጻ ዬጋ። ኔኒ ናምዑ ኩሺራ ዎይኮ ናምዑ ቶሆራ ማሪና ታማን ዬጌታናይሳፌ

17:24 ከሳ 30:13 † 17:25 ጋዴ ኣሳፔዬ ዎይኮ ኣሳ ጋዴ ኣሳፔ? ሄ ዎዴ ካዎቲላቲ ባንታ ጋዴ ኣሳፔ ገራ ኤኮኮና። 18:1 ሉቃ 22:24 18:3 ማር 10:15፤ ሉቃ 18:17

ኩሼ ዋይኮ ቶሆ ዲፃ ጊዳዳ ሜሪና ዴፖ ዳሜይሲ ኔው ሎፖ።
9 ቃሲ ኔ አይፌይ ኔና ባሌሊኮ ኢዮ ዋጫ ኬሳዳ ዋራ ሆላ። ኔኒ ናምቡ አይፌራ ጋናሜ ታማን ዩጌቴይሳፌ ኢሲ አይፌራ ሜሪና ዴቦዋ ጌሌይሲ ኔው ሎፖ።

10 «ታ ሂንቴው ኦዳይሰ፤ ሳሎን ዳዒያ ኤንታ ናጊያ ኪታንኛቲ ኡባ ዋዴ ሳሎን ዳዒያ ታ ኣዋ ሲንላን ዳዒያ ጊሾ ሂንቴ ሃ ጉላታፔ ኢሱዋካ ካዶና ሜላ ናጌቲቴ። 11 ኣሳ ናዓይ ዳይዳይሳታ ኣሻናው ዩሰ» * ያገሰ።

ዳዩዳ ደርሳ ለሚሶ
(ሉቃ 15:3-7)

12 ቃሲ ዩሱሲ፣ «ሂንቴው ኣይ ዳኒ? ኢሲ ኡራሰ ፃቴ ደርሳቲ ዴዔይሳታፔ ኢሶይ ዳዩኮ ኡዱፋን ታማኔ ኡዱፋናታ ዳሪያ ቦላ ዩጌ ኣጊዲ ሄ ዳዩዳይሳ ኮያናው ቤኔ? 13 ታ ቱማ ኦዳይሰ፤ ኢ ዳሚዳ ዋዴ ኡዱፋን ታማኔ ኡዱፋናታፔ ኣሊዲ ዳዩዲ ቤንቲዳ ኢሲ ደርሳን ኡፋይቴሰ። 14 ሄሳዳካ፣ ሳሎን ዳዒያ ሂንቴ ኣዋይ ሃ ጉላታፔ ኢሶይ ዳያና ሜላ ኮዬና።

ቆሂዳ ኣሲ ዋታኔ?

15 «ኔ ኢሻይ ኔና ቆሂኮ ኔርካ ኢያኮ ባዳ ኢያ ባላ ኢያው ኦዳ። ኢ ኔና ሲዒኮ ኔ ኢሻ ኔው ኢሻ ኦላ። 16 ሺን ኢ ኔና ሲዖና ኢዒኮ፣ ናምቡ ዋይኮ ሄቹ ኣሳ ማርካን ሞቶይ ላሴቲያ ጊሾ ኢሲ ዋይኮ ናምቡ ኣሲ ኤካዳ ኢያኮ ባ። 17 ኢ ኤንታና ሲዖና ኢዒኮ፣ ዋሳ ኬላሰ ኦዳ። ዋሳ ኬሊ ጊያባ ሲዖና ኢዒኮ ኣማኖና ኣሳዳ ዋይኮ ቃራፃ ቃንዒሲያ ኣሳዳ ኢያ ገይዳ።

18 «ታ ሂንቴው ቱማ ኦዳይሰ፤ ሳዓን ሂንቴ ዲጊያባቲ ኡባይ ሳሎን ያሳ ማታን ዲጌቲዳባ ጊዳና። ሳዓን ሂንቴ ሃኖ ጊያባቲ ኡባይ ሳሎን ያሳ ማታን ሃኒዳባ ጊዳና።

19 «ቃሲካ ታ ሂንቴው ኦዳይሰ፤ ሳዓን ሂንቴፌ ናምዓይ ባንታ ዋሲያባሰ ኢሲ ዋዛናን ጊዲዲ ያሳ ዋሲያባ ጊዲኮ ሳሎን ዳዒያ ታ ኣዋይ ሂንቴው ኦላና። 20 ታና ካሌይሳታፔ ናምዓ ዋይኮ ሄቫ ጊዲዲ ሸቁያ ቤሳን ታኒ ኤንታ ጊደን ቤንታና» ያገሰ።

ኣቶ ጉሳባ

18:8 ማቶ 5:30 18:9 ማቶ 5:29 18:10 ሉቃ 19:10 * 18:11 ኣሳ ናዓይ ዳይዳይሳታ ኣሻናው ዩሰ፡ ኢሲ ኢሲ ቤኒ ማፃፋቲ ገይዶ 11 ጉጆሶና።
18:15 ሉቃ 17:3 18:16 ዛሬ 19:15 18:18 ማቶ 16:19፤ ዮሃ 20:23

21 ሄ ዎዴ ጳጳሮሲ ዩሱሳኮ ዩዲ፥ «ጎዳው፥ ታ ኢሻይ ታና ቆሂኮ ኣፑን ቶሆ ታኒ ኣቶ ጋናው ቤሲ? ላፑን ቶሆ ጋካናሴዬ?» ጊዲ ኦይቺሰ።

22 ዩሱሲ ዛሪዲ፥ «ጊዳና፥ ላፑን ታሙ ቶሆ ላፑናፔ ኣቲን ላፑን ቶሆ ጊዳና።

23 «ሄሳ ጊሾ፥ ፆሳ ካዎቴላይ ባ ኦሳንቸታራ ባ ሚሼይ ፓጠዳኮኔ ፓላሂዳኮ ቤዓናው ቆፒዳ ካወዎ ዳኔሰ። 24 ሄ ካዎይ ሚሼይ ፓጠዳኮኔ ፓላሂዳኮ ቤዒያ ዎዴ ዳሮ ጊንዲጊንዳ ኣጮይ ዳዒያ ኢሲ ኡራ ኢያኮ ኤሂዳሶና። 25 ሺን ሄ ኣይሌይ ኣጤዎ ቃንፃናው ፆኔቲን ኢያራ፥ ኢያ ማቼራ፥ ኢያ ናይቲኔ ኢያው ዳዒያባይ ኡባይ ባይዘቲዲ ኣጮይ ጠጌታና ሚላ ኢያ ጎዳይ ከቲሰ። 26 ፆቲን ኣይሌይ ባ ጎዳ ቶሁዎ ቦላ ጉልባቲዲ፥ ታ ጎዳው፥ ሃያና ጉላ ዎዴ ታካርኪ፥ ታ ኣጤዎ ኡባ ታ ጠጋና) ያጊዲ ዎሲሰ። 27 ካዎይ ኢያው ቃጴቲዲ፥ ዩዲ ኣጊሰ፤ ኢያ ኣጤዎ ማሪሰ።

28 «ሺን ሄ ኣይሌይ ከዩ ቢዲ ባ ላጌ ኦሳንቸታፔ ኢሶይ ባፔ ዳሮ ጉላ ሚሼ ታልዒዳይሳ፥ ሳ ቦላ ዳዒያ ታ ሚሺያ ታው ጠጋ) ጊዲ ቆጴ ኦይኪሰ።

29 «ሄ ኢያ ላጌ ኣይሌይ ኢያ ሲንላን ጉልባቲዲ፥ ሳያና ጉላ ዎዴ ታካርኪ ታኒ ታ ኣጤዎ ኡባ ጠጋና) ያጊዲ ዎሲሰ።

30 «ሺን ኢዲዲ ኤኪ ኤፊዲ ባ ላጌይ ኣጤዎ ቃንፃና ጋካናው ቃሾ ከላ ጌልሲሰ። 31 ሄሳ ጊሾ፥ ሃራ ላጌ ኦሳንቸቲ ሄሳ ቤዒዳ ዎዴ ዳሮ ዩሎቲዲ፥ ቢዲ ባንታ ጎዳሰ ኢ ኦላዳባ ኡባ ኦዲደሶና።

32 «ያቲን ካዎይ ሄ ኣይሊያ ፃጊሲዲ፥ ሳ ኢታ ኣይሊያው፥ ኔኒ ታና ዎሲዳ ጊሾ ታ ኔ ኣጤዎ ኡባ ኔው ማራሰ። 33 ፆቲን፥ ታኒ ኔ ኣጤዎ ማሪዳይሳዳ ኔኒ ኔ ላጌ ኣይሊያ ኣጤዎ ማራናው ኔው ቤሴኔ?) ያጊሰ። 34 ሄሳ ጊሾ፥ ካዎይ ዳሮ ዩሎቲዲ፥ ኢ ባ ኣጤዎ ኡባ ጠጋና ጋካናው ፓፃ ካዔታና ሚላ ቃሾ ከላን ዩጊሰ።

35 «ሄሳዳካ፥ ሂንቴ ኢሶይ ኢሶይ ሂንቴ ኢሻ ዎዛናፔ ማሮና ኢዲኮ ሳሎን ዳዒያ ታ ኣዎይ ሂንቴና ሄሳዳ ኦላና» ያጊሰ።

18:21 ሉቃ 17:3-4 18:22 ሜዴ 4:24

19

ኤኮ ጌሎባ (ማር 10:1-12)

1 ዩሱሲ ሃሳ ኦዲ ኦንጊዳፔ ጉዬ ጋለላፔ ዳንዲዲ ዮርዳኖሴ ሻፋፔ ሄሬንላን ዳዒያ ዩሁዳ ቢታ ቢሰ። 2 ዳር ኣሳይ ኢያ ካሊዲ ቢን ኤንታ ጊዶሬ ሃርጋንቸታ ፓሊሰ።

3 ፋሪሳዊቲ ኢያ ፓጫናው ኮዩዲ ኢያኮ ዩዲ፣ «ኢሲ ኣሲ ኣይ ጋሶንካ ባ ማቸው ዩዳናው ቤሲ?» ያጊዲ ኦይቸዶሶና።

4 ዩሱሲ ዛሪዲ፣ «ዖሳይ ኮይር ኣዴኔ ማጫሰ ኦሊ ሜጲዳይሳ ሂንቴ ናባቢቤኬቲ? 5 ሃሳ ጊሾ፣ ኢሲ ኣሲ ባ ኣዎኔ ባ ኣዩው ኣጊዲ ባ ማቸራ ኢሲኖ ጊዴሰ፣ ናምዓይካ ኢሲ ኣሾ ጊዶሶና።»

6 ሃሳ ጊሾ፣ ኤንቴ ኢሲ ኣሾ ጊዶሶናፔ ኣቲን ናምዓ ጊዶኮና። ሂዛ፣ ዖሲ ቃቸዳይሳ ኣሲ ሻኮፎ» ያጊሰ።

7 ፋሪሳዊቲ፣ «ያቲን፣ ሙሴይ ኢሲ ኣሲ ኣንጆ ዋርቃቴ ኢሚዲ ዩዳና ማላ ኣይሰ ከቲዳ?» ያጊዲ ኦይቸዶሶና።

8 ዩሱሲ ዛሪዲ፣ «ሂንቴ፣ ሂንቴ ማቸታ ዩዳና ማላ ሙሴይ ሂንቴና ከቲዳይ፣ ሂንቴ ዋዛና ሚኖቴላ ጊሾፔ ኣቲን ኮይርፔ ሃሳ ማላ ጊዴና። 9 ታ ሂንቴው ኦዳይሰ፤ ባ ማቸያ ላይማቶና ዳዒሺን ዩዲዲ ሃራ ኤሲያ ኣኒካ ሳሜሰ» ያጊሰ።

10 ኢያ ታማሬቲ ኢያኮ፣ «ኣዚናባይኔ ማቸባይ ሃሳ ማላ ጊዲኮ ኤኮ ጌሎይ ኣቲኮ ሎዖ» ያጊዶሶና።

11 ዩሱሲ ዛሪዲ፣ «ሃሳ ማላ ቲሚርቴይ ዖሳይ ዳንዳዓ ኢሚዳይሳታሳሬ ኣቲን ኣሳ ኡባሳ ጊዴና። 12 ሂዛ፣ ዩሌቲሼ ሹፋ ጊዲዲ ዩሌቲዳይሳቲ ዳዖሶና፣ ቃሲ ኣሲ ቃራቲዳይሳቲ ዳዖሶና፣ ቃሲ ሳሎ ካዎቴላ ጊሾ ጊዲ ባንታና ሹፋይዳይሳቲ ዳዖሶና። ሃሳ ጊሾ፣ ሃይሳ ኤካናው ዳንዳዒያ ኦኒካ ኤኮ» ያጊሰ።

ዩሱሲ ጉላ ናይታ ኣንጂሰ (ማር 10:13-16፤ ሉቃ 18:15-17)

13 ዩሱሲ ባ ኩሺያ ጉላ ናይታ ቦላ ዋሊዲ ኤንታው ዋሳና ማላ ኢሲ ኢሲ ኣሳይ ናይታ ኢያኮ ኤሂዶሶና። ሺን ኢያ ታማሬቲ ኣሳ ሃንቄቲዶሶና። 14 ሺን ዩሱሲ፣ «ዖሳ ካዎቴላይ ሃይሳታ ማላሳ ጊዲያ ጊሾ ጉላ ናይቲ ታኮ ዩይሳ ዲጎሬቲ፤ ዮ ጊቲ» ያጊሰ።

15 ባ ኩሺያ ኤንታ ቦላ ዋሊዳፔ ጉዬ ሄ ቤሳሬ ኣጊዲ ቢሰ።

19:4 ሜዴ 1:27፤ 5:1 19:5 ሜዴ 2:24 19:7 ሜዴ 24:1 19:9 ማቶ 5:32፤ 1፩ሮ 7:10

ናዓቴላ ዱሬ ኡራ
(ማር 10:17-31፤ ሉቃ 18:18-30)

16 ኢሲ ጋላስ ኢሲ ኡራይ ዩሱሳኮ ዩዲ፡ «አስታማሪያው፡ ታኒ ሜሪና ዴያ ዴማናው አይ ሎዖባ ኦቶ?» ያጊሰ። 17 ዩሱሲ ኢያኮ፡ «ሎዖባ ኔ ታና አይሰ ኦይቻይ? ኢሲ ያሳፌ አቲን ሃሪ ሎዖይ ባዎ። ሺን ኔኒ ሜሪና ዴዑዋ ኤካናው ኮይኮ ኪታታ ናጋ» ያጊሰ።

18 ኡራይ ዛሪዲ፡ «አዉሳ ኪታታ» ያጊዲ ኦይቹሰ። ዩሱሲ ዛሪዲ፡ «ዎዶፓ፡ ላይማቶፓ፡ ካይሶቶፓ፡ ዎርዶ ማርካቶፋ፡ 19 ኔ አዎኔ ኔ አዪው ቦንቻ፡ ኔ ሸሩዋ ኔ ሁዲያላ ደሳ» ያጊሰ።

20 ሄ ናዓቴላይ፡ «ታኒ ሃይሳታ ኡባ ናዓቴላፌ ደማዳ ናጋሰ። ያቲን፡ ሃሪ ታው ፓጩያባይ አይቤ?» ያጊዲ ኦይቹሰ።

21 ዩሱሲ ዛሪዲ፡ «ኔኒ ፖሎ ጊዳናው ኮይኮ ባዳ ኔው ዴዲያባ ባይዛዳ ማንቆታሰ አማ፤ ኔኒ ሳሎን ዱሬታና። ያታ ሲማ ያዳ ታና ካላ» ያጊሰ።

22 ሺን ሄ ናቴላ ኡራይ ዳር ዱሬ ጊዲያ ጊሾ ሄሳ ሲዲዳ ዎዴ አዛኒሼ አጊዲ ቢሰ። 23 ሄሳፌ ጉዬ፡ ዩሱሲ ባ ታማሬታ፡ «ታኒ ሂንቲው ቱማ ኦዳይሰ፤ ዱሬይ ሳሎ ካዎቲሌ ጌላናይሲ ዳር ሜቶ። 24 ዱሬ አሲ ያሳ ካዎቲላ ጌላናይሳፌ ጊማሌይ ማርፔ ለሆራ አዴይሲ ካዉዬሰ» ያጊሰ።

25 ዩሱሳ ታማሬቲ ሄሳ ሲዲዲ ማላሌቲዲ፡ «ያቲን፡ ኦኒ አታናው ዳንዳዲ?» ያጊዲ ኦይቹዶሶና።

26 ዩሱሲ ኤንታ ጫዲ ያሊዲ፡ «ሃይሲ አሳሰ ዳንዳዌቴና፡ ሺን ያሳሰ ኡባይ ዳንዳዌቴሰ» ያጊሰ።

27 ጳዒርሲ ዛሪዲ፡ «ኦኒ ኡባባ አጊዲ ኔና ካሊዳ። ያቲን፡ ኦኒ አይ ዴማኔ?» ያጊሰ። 28 ዩሱሲ ኤንታኮ ሃይሳዳ ያጊሰ፡ «ታኒ ሂንቲው ቱማ ኦዳይሰ፤ አሳ ናዓይ ያና አላሚያን ባ ቦንቻ አራታን ኡቲያ ዎዴ ሂንቲ ታማኔ ናዎዓቲ፡ ታና ካሊዳይሳቲ፡ ታማኔ ናዎዑ አራታን ኡቲዲ ታማኔ ናዎዑ ኢሰራዌሌ ዜሬላታ ቦላ ፒርዳና። 29 ታ ሱንላ ጊሾ ከሌ ዎይኮ አሻታ ዎይኮ ሚቹታ ዎይኮ አዎ ዎይኮ አዪው ዎይኮ ናይታ ዎይኮ ጋዲያ አጊዳይ ኦኒካ ያቱ ኩሼ ኤካና። ቃሲ ሜሪና ዴዑዋካ ኤካና። 30 ሺን

19:18 ኬሳ 20:13-16፤ ዛሬ 5:17-20 19:19 ኬሳ 20:12፤ ዛሬ 5:16፤ ሉዌ 19:18 19:28 ማቶ 25:31፤ ሉቃ 22:30

ደርቲ ሃዲ ዳላን ሲንሐ ገዲዳይሳቲ ጉዬ ገደና፣ ቃሲ ጉዬ ገዲዳይሳቲ ሲንሐ ገደና» ያገሰ።

20

ዎይኒያ ገደን ኦሊያ ኦሳንቸታ ለሚሶ

1 «ጾሳ ካዎቲላይ ባ ዎይኒያ ገደን ኦሳንቸታ ከራ ኦሲሳናው ዎንታ ጉራ ከዩዳ ከላዎ ዳኔሰ። 2 ኢ ሄ ኦሳንቸታሰ ሃቺ ሃቺ ኢሲ ዲናሬ * ቃንፃናው ኤንታራ ገገዲ፣ ኤንታ ባ ዎይኒያ ገደ ዩዲሰ።

3 «ቃሲ ዎንታሬ ሄሹ ሳቲ ገዲሺን ከዩዲ ኦሶ ጳዩዲ ገያ ቦላ ኤቁዳ ሃራ ኦሳታ ዳሚሰ። 4 ኢ ኤንታኮ፣ ሂንቲካ ታ ዎይኒያ ገደ ቢዲ ኦሊቴ፣ ታኒ ሂንቲው ቤሲያ ጋቲያ ቃንፃና) ያገሰ። 5 ኤንቲካ ቢደሶና። ቃሲካ ኢ ኡሱቸን ሳቲኒኔ ኡዱፋን ሳቲን ከዩዲ ሄሳዳ ኦሊሰ። 6 ታማኔ ኢሲ ሳቲ ገዲሺን ኢ ከያ ዎዴ ሃራቲ ያን ኤቁዳይሳታ ዳሚዲ፣ ሂንቲ ኦሶ ኦሶና ጋላሰ ኩሜላ ሃይሳን ኣይሰ ኤቁዲ ፔዒዳቲ?» ያገሰ።

7 «ኤንቲ ዛሪዲ፣ ሉና ከራ ኦሲሲያ ኣሲ ጳዩዳ ገሾሳ) ያገደሶና።

«ኢካ፣ ሂንቲካ ታ ዎይኒያ ገደ ቢዲ ኦሊቴ» ያገሰ።

8 «ሳዒ ኦማርሲን፣ ዎይኒያ ጎዳይ ኦሳንቸታ ሃላቃኮ፣ ሉሳንቸታ ፃፃዳ ወርሴላን ኦሶ ጌሊዳይሳታፔ ደማዳ ኮይሮ ጌሊዳይሳታ ጋካናው ኤንታ ጋቲያ ቃንፃ) ያገሰ። 9 ታማኔ ኢሲ ሳቲን ኦሶ ኦይኪዳይሳቲ ዩዲ፣ ሁዒን ሁዒን ኢሲ ኢሲ ዲናሬ ኤኪደሶና።

10 ኮይሮ ኦሶ ኦይኪዳይሳቲ ዩዲ፣ ባንታው ዳሮ ኢሜታና ገዲ ቆፒደሶና። ሺን ኤንቲካ ሁዒን ሁዒን ኢሲ ኢሲ ዲናሬ ኤኪደሶና።

11 ባንታ ሚሺያ ኤኪ ሰሚዲ ከላዎ ቦላ ዙዙሚደሶና።

12 ሃይሳቲ ጉዬፔ ዩዲ ኢሲ ሳቲ ፃላላ ኦሊደሶና። ሺን ጋላሰ ኩሜላ ኣዎ ሱላን ደቡሪዲ ፔዒዳ ኑራ ኤንቲ ዋኒዲ ኢሲና ገደና) ያገደሶና።

13 «ዎይኒያ ከላዎይ ኦሳንቸታፔ ኢሱዎኮ፣ ሓ ኢሻው፣ ታኒ ኔና ቆሃቢኬ፤ ኔ ታራ ገገዳይ ኢሲ ዲናሬሳ ገዴኔ? 14 ኔ ሚሺያ ኤካዳ ኔ ሶ ባ። ታ ኦማርሲ ዩዳይሳሰካ ኔይሳ ሜላ ኢማናው ኮያይሰ። 15 ታኒ ታ ሚሺያን ኮዩዳባ ኦሳናው ታው ማቲ ባዌ? ዎይኮ ታኒ ከሃ ገዲዳ ገሾ ኔኒ ቃናታይ?» ያገሰ።

19:30 ማቶ 20:16፤ ሉቃ 13:30 * 20:2 ኢሲ ዲናሬ፣ ኢሲ ኣሲ ኢሲ ጋላሰ ኦሊ ፔዒዲ ኤኪያ ሚሺ። 20:8 ለዌ 19:13፤ ዛሬ 24:15

16 «ሄሳዳ ሃዒ ዳላን ጉዬ ገዲዲይሳቲ ሲንላታና፥ ሲንላቲዲይሳቲ ቃሲ ጉዬታና» ያገለገሉ።

ዩሱሲ ባ ሃይቁዋባ ሄሻንሶ ኦዲሰ
(ማር 10:32-34፤ ሉቃ 18:31-34)

17 ዩሱሲ ዩሩሳሌም ቢሼ፥ ታማኔ ናምዑ ታማሪታ ዲማ ጋፃ ከሲዲ ኤንታኮ ያገለገሉ። 18 «ሄኮ፥ ኑኒ ሃዒ ዩሩሳሌም ቡሳ ቦላ ዳዖስ። ያን ኣሳ ናዓይ ካሂኔ ሃላቃታሲኔ ሂጌ ኣስታማሪታሰ ኣጲ ኢማታና። ኤንቲካ ኢያ ቦላ ሃይቆ ፐርዳ ፐርዳና። 19 ኢያ ኣይሁዴ ገደና ዳሪያሰ ኣሉ ኢማና። ኤንቲ ኢያ ካዉሻና፥ ጋራፋና፥ ያቲዲ ኢያ ማሰቃሊያ ቦላ ካቃና። ሺን ኢ ሄሻንሶ ጋላሰ ሃይቆፔ ዴንዳና» ያገለገሉ።

ዛብዲዮሳ ናይታ ኣዬ ዋሳ
(ማር 10:35-45)

20 ሄ ዋዴ ዛብዲዮሳ ማቺያ ባ ናምዑ ኣዴ ናይታራ ዩሱሳኮ ያዳ፥ ኢያ ሲንላን ጉልባታዳ ኢሲባ ኢያ ዋሳሱ።

21 ዩሱሲ ኢኮ፥ «ኔ ኣይ ኮያይ?» ያገለገሉ።

ኢያ ዛራዳ፥ «ኔ ካዋቲላን ሃ ታ ናምዑ ናይቲ ኢሶይ ኔ ኡሻቻን ኢሶይ ኔ ሃዲርሳን ኡቶ ጋርኪ!» ያጋሱ።

22 ሺን ዩሱሲ ናይታኮ ዛሪዲ፥ «ሂንቲ ኣይ ዋሲያኮ ኤሬኬታ፤ ታኒ ኡያናው ዳዒያ ዋዬ ፀዓ ኡያናው ዳንዳዔቲ?» ያገለገሉ።

ኤንቲካ፥ «ኤ ዳንዳዖሰ» ያገለገሉ።

23 ዩሱሲ፥ «ቱማካ ታኒ ኡያናው ዳዒያ ፀዓፔ ሂንቲ ኡያና። ሺን ታ ኡሻቻኒኔ ሃዲርሳን ኡታናይሳታ ዶሬይ ታና ገዲኬ። ሄ ቤሳይ ኢማቲይ፥ ታ ኣዋይ ኢማናው ገሊሲዳ ኣሳታሳ» ያገለገሉ።

24 ኣቲዳ ታሙ ኢያ ታማሪቲ ሄሳ ሲዒዳ ዋዴ ናምዑ ኢሻታ ቦላ ሃንቁቲደሶና። 25 ሺን ዩሱሲ ኤንታ ኡባ ፃገዲ ሃይሳዳ ያገለገሉ። «ኣይሁዴ ገደና ኣሳ ሃሪይሳቲ ባንታ ኣሳ ቦላ ጎዳቲይሳኔ ኤንታ ካሌፊይሳቲ ዋልቃን ሃሪይሳ ሂንቲ ኤሬታ። 26 ሺን ሂንቲ ገደን ሄሳዳ ገደፖ። ሂንቲፌ ገታታናው ኮያ ኦኒካ ሂንቲው ኣይሌ ገደ። 27 ሂንቲ ገደን ኡባፌ ቦላ ገደናው ኮያ ኦኒካ ሂንቲው ኣይሌ ገደናው ቤሴሰ። 28 ሄሳዳካ፥ ኣሳ ናዓይ ኣሴ ሃጋዛናው ዳር ኣሳ ዋዛናው ባ ሼምፑዋ ኢማናው ዩሲፔ ኣቲን ኣሳን ሃጋዜታናው ዩቤና» ያገለገሉ።

20:16 ማቶ 19:30፤ ማር 10:31፤ ሉቃ 13:30 20:26 ማቶ 23:11፤ ማር 9:35፤ ሉቃ 22:26

ዩሱሲ ናምዑ ቆቂታ ፓሊስ
(ማር 10:46-52፤ ሉቃ 18:35-43)

29 ሄሳፌ ጉዩ፣ ዩሱሲ ባ ታማሬታራ ኢያርኮፌ ከዩዲ ቢሺን፣ ዳር አሳይ ኤንታና ካሊደሶና። 30 ኦጌ ጋፃን ኡቲዳ ናምዑ ቆቂቲ ዩሱሲ ያራ አጭይሳ ሰዒዲ፣ «ጎዳው፣ ዳዊቲ ናዓው፣ ኑስ ቃጭታርኪ» ያገዲ ዋሲደሶና። 31 ዳር አሳይ ኤንታና፣ «ሃይዚቲ» ያገዲ ካጪደሶና። ሺን ኤንቲ፣ «ጎዳው፣ ዳዊቲ ናዓው፣ ኑስ ቃጭታርኪ» ገዲ ጉጂ ዋሲደሶና።

32 ዩሱሲ ኤቂዲ፣ ኤንታ ፃገዲ፣ «ታ ሂንቲው አይ ኦላና ማላ ኮዩቲ?» ያገዲ ኦይቸሰ።

33 ኤንቲካ፣ «ጎዳው፣ ኑ አይፌይ ፃላና ማላ ኮዮስ» ያገደሶና። 34 ዩሱሲ ኤንታው ቃጭቲዲ፣ ኤንታ አይፌያ ቦቸሰ። ኤሌሲዲ ኤንታ አይፌይ ፃሊስ፤ ኤንቲ ኢያ ካሊዲ ቢደሶና።

21

ዩሱሲ ገታ ቦንቸን ዩሩሳላሜ ጌሊስ
(ማር 11:1-11፤ ሉቃ 19:28-40፤ ዮሃ 12:12-19)

1 ዩሱሳራኔ ኢያ ታማሬታራ ዩሩሳላሜ ማቲዲ፣ ሻማሆ ዳሪያ ቦላ ዳዒያ ቤቴፋን ገያ ጉታ ጋኪሼ፣ ዩሱሲ ባ ታማሬታፔ ናምዓታ ባፔ ሲንሌ ያገዲ ከቲስ። 2 «ሂንቲፌ ሲንላን ዳዒያ ጉታ ቤቲ። ያን ኢሲ ሃሪይ ቃሾን ዳዒያር ኢ ማራራ ሂንቲ ሶሁዋራ ዳማና። ኤንታ ቢሊዲ ሃ ኤኪ ዩቲ። 3 ኦኒካ ሂንቲና ኦይቸኮ፣ ሳዳይ ኤንታና ኮዩስ» ያገቲ። ኢ ኤንታና ኢራካ ዩዲ አጋና» ያገሰ።

4 ሄሲካ ናቤይ፣

5 «ጸዮኔ ካታማስ፣

ሂኮ፣ ኔ ካዎይ አሽኬ ገዲዲ፣ ሃሪ ቦላኔ

ሃሪ ማራ ቦላ ኡቲዲ፣ ኔኮ ዩስ» ያገቲ።

ያገዲ ፃፊደይሲ ፖሌታና ማላ ሄሲ ሃኒስ።

6 ኢያ ታማሬቲ ቢዲ ዩሱሲ ኤንታ ከቲዳይሳዳ ኦሊደሶና።

7 ሃሪዉኔ ሃሪ ማራ ኤሂዲ ቦላራ ማዒዳ ባንታ ማዑዋ ኤንታ ዞኮን ዩገደሶና። ዩሱሲ ማፆታ ቦላ ኡቲስ። 8 ዳር አሳይ ባንታ ማዑዋ ኦጊያን ሂዲደሶና። ሃራቲ ቦንጮ ታሺዲ ኦጊያ ቦላ ዩገደሶና።

9 ዩሱሳላፔ ሲንላራ ሃሙቴይሳቲኔ ኢያፔ ጉዩራ ካሊያ ዳር አሳይ።

«ሆሳና! * ዳዊቴ ናዓይ ጋላቴቶ!
 ጎዳ ሱንጻን ዬይሲ ኣንጃቲዳይሳ!
 ቦንቸይ ኡባፌ ጶቃ ሳሉዋን ያሳሰ ጊዶ!»
 ያጊዲ ዋሲዶሶና።

10 ዬሱሲ ዬሩሳሌም ካታማ ጌሊዳ ዎዴ ሄ ካታማን ዳዒያ ኣሳ ኡባይ፡ «ሃይሲ ኦኔ?» ያጊዲ ያርኪዶሶና።

11 ኣሳይ፡ «ሃይሲ ጋሊላን ዳዒያ ናዚሬቴ ካታማፔ ዪዳ ናቢያ ዬሱሳ» ያጊዶሶና።

ዮሱሲ ያሳ ኬሌ ጌሊሰ
 (ማር 11:15-19፤ ሉቃ 19:45-48፤ ዮሃ 2:13-22)

12 ዮሱሲ ያሳ ኬሌ ጌሊዲ፡ ያን ባይዜይሳታኔ ሻሜይሳታ ኡባ ካሬ ጎዲሰ። ሚሼ ላሜይሳታ ፃርጴዛታኔ ሆሌታ ባይዚያ ኦይዴታ ሺሪ ዬጊሰ። 13 ኢካ ኤንታኮ፡ «ያሳ ቃላን፡ ታ ኬላይ ያሳ ዋሲያ ኬሌ ጌቴታና፡ ጌቴቴ ፃፊቴሰ። ሺን ሂንቴ ፓንጋቴ ቆሴቴያ ጎንጎሎ ኦሊዴታ» ያጊሰ።

14 ዮሱሲ ያሳ ኬላን ዳዒሺን ቆቄቴኔ ጉንዳቲ ኢያኮ ዩን ኤንታ ፓሊሰ። 15 ሺን ካሂኔ ሃላቃቴኔ ሂጌ ኣሰታማሬቴ ዮሱሲ ኦሊዲ ማላሊሲያባታ ቤዒዳይሳሲኔ ጉላ ናይቴ ያሳ ኬላን፡ «ዳዊቴ ናዓይ፡ ጋላቴቶ» ያጊዲ ዋሲይሳ ሲዒዲ ሃንቄቴዶሶና። 16 ኤንቴ ዮሱሳኮ፡ «ሃይሳቲ ጌይሳ ኔ ሰዓይ?» ያጊዶሶና።

ዮሱሲ፡ «ኤ ሰዓይሰ፡ ያሳ ቃላን፡ ሰጉላ ናይታ ደናኒኔ ቆሚያ ናይታ ደናን ጋላታ ዎላዳሳ፡ ጌቴቴዲ ፃፊቴዳይሳ ሂንቴ ናባቢቤኬቴ?» ያጊሰ። 17 ኤንታና ያን ኣጊዲ ቢታኒያ ካታማ ቢዲ ኣቁሰ።

ጎዳይ ባዲዳ ባላሴ ሚሊው
 (ማር 11:12-14፤ 20-24)

18 ዮሱሲ ዎንታ ጉራ ካታማ ሲሚዲ ዩሼ ኮሻቲሰ። 19 ኦጌ ጋፃን ኢሲ ባላሴ ሚሊ ቤዒዲ ኢኮ ቢሰ። ሺን ሃይላፌ ኣቲን ሃራ ኣይኮካ ዳሚቤና። ሄሳ ጊሾ፡ ኢዮ፡ «ሂዛፔ ናምዓንጾ ኣይፊ ኣይፎፓ!» ያጊሰ። ሄ ባላሴ ሚሊያ ኤሌሳዳ ማላ ኣጋሰ።

20 ኢያ ታማሬቴ ሄሳ ቤዒዲ፡ «ሃ ባላሲያ ዋናዳ ኤሌሳ ማላዴ?» ያጊዲ ማላሌቴዶሶና።

* 21:9 ሆሳና፡ ኢብራይስጵ ደናን ሆሳና ጉሳይ «ኑና ኣሻ ጉሱ። ቃሲ ኣሳይ ያሳ ጋላታናው ጎዒቲያ ቃላ። 21:9 ማዝ 118:25 21:13 ኣሳ 56:7፤ ኤር 7:11

21 ዬሱሲ ዛሪዲ፡ «ታኒ ሂንቴው ቱማ ኦዲይሰ፤ ሂንቴው አማኖይ ዳዒኮ፡ ቃሲ ሂንቴ ሲጾና ኢዲኮ ባላሴ ቦላ ታኒ ኦሊዲይሳ ሜላ ፃላላ ኦሌኬታ፡ ሺን ሂን ሜሪያ ሾዴታዳ አባን ዎቆ» ያገኘ ሃናና። 22 አማኒዲ ሂንቴ ዎሲያባ አይቢባ ገዲኮካ ሂንቴ ኤካና» ያገሰ።

ዬሱሳ ማታይ ኦይሼቲሰ
(ማር 11:27-33፤ ሉቃ 20:1-8)

23 ዬሱሲ ያሳ ኬላ ጌሊዲ ታማርሲሺን፡ ካሂኔ ሃላቃቲኔ አይሁዳ ጨማቲ ኢያኮ ዩዲ፡ «ኔኒ ሃይሳ ኦላና ሜላ ኔው አይ ማቲ ዳዒ? ኔው ሃ ማታ አሚዳይ ኦኔ?» ያገዲ ኦይቺዶሶና።

24 ዬሱሲ ኤንታኮ፡ «ታኒካ ሂንቴና ኢሲባ ኦይቻይሰ፤ ሂንቴ ታው ሄሳ ዛሪኮ፡ ታኒ አይ ማታን ኦሊያኮ ሂንቴው ኦዳና። 25 ዮሃኒሲ ፃማቃና ሜላ ማታይ አጩ ኢሜቲዴ? ያሳፊዬ አሳፔ?» ያገሰ።

ኤንቴ ባንታ ገደን ዘሬቲዲ፡ «ኦኒ፡ (ያሳፊ) ገኮ፡ ኢ ኦና፡ (ያቲን አይሰ አማኒቤኬቲ?)» ያገና። 26 ኦኒ፡ (አሳፔ) ገኮ፡ አሳ ኡባይ ዮሃኒሳ ናቤ ኦሊ ያሊያ ገሾ አሳ ያዮሰ» ያገደሶና። 27 ሄሳ ገሾ፡ «ኦኒ ኤርኮ» ያገዲ ዛሪዶሶና።

አካ፡ «ሂዛ፡ ታኒካ ሃይሳ አይ ማታን ኦሊያኮ ሂንቴው ኦዲኬ» ያገሰ።

ናምዑ ናይታ ለሚሶ

28 «ዬሱሲ ካሊዲካ ሃይሳዳ ያገሰ፡ ናምዑ አዴ ናይቲ ዳዒያ ኢሲ ኡሪይ ዳዒሰ። ሄ ኡሪይ ባይራ ናዒኮ ቢዲ፡ (ታ ናዒው፡ ሃቺ ዎይኒያ ገደ ባዳ ኦላ) ያገሰ። 29 ናዒይ ዛሪዲ፡ (አቶ ቢኬ) ያገሰ። ሺን ጉዬፔ ባ ዎዛናን ቆፒ ኤኪዲ ኦላናው ቢሰ። 30 አዎይ ባ ካሎ ናዒኮ ቢዲ፡ ባ ባይራ ናዒኮ ገዲይሳዳ ከቲሰ። አካ፡ (ኤር፡ ታ አዎው) ያገሰ። ሺን ቢቤንና። 31 ሃ ናምዑ ናይታፔ ባ አዎሰ ከቲቲዳይሲ አጩ?» ያገሰ።

ኤንቴካ፡ «ባይራ» ያገደሶና።

ዬሱሲ ኤንታኮ፡ «ታ ሂንቴው ቱማ ኦዲይሰ፤ ቃሪፃ ቃንዲሴይሳቲኔ ላይማቴይሳቲ ሂንቴፊ ሲንላቲዲ ያሳ ካዎቴላ ጌላና። 32 ፃማቂያ ዮሃኒሲ ሱሬ ኦጊያ ታማርሲሺ ዩን ኢ ጌይሳ አማኒቤኬታ። ሺን ቃሪፃ ቃንዲሴይሳቲኔ ላይማቴይሳቲ አማኒደሶና። ሂንቴ ሃሪ አቶሺን፡ ኤንታ ቤዒዲካ ሂንቴ ናጋራፔ ሲሚዲ አማኒቤኬታ» ያገሰ።

ዎይኒያ ጊደን ኦሊያ ጎሻንቸታ ሌሚሶ
(ማር 12:1-12፤ ሉቃ 20:9-19)

33 ቃሲካ ዩሱሲ ሃይሳዳ ያገሰ፤ «ሃራ ሌሚሶ ሲዲቴ፣ ዎይኔ ቶኪዳ ኢሲ ኡራይ ዴዔሰ። ሄ ዎይኒያ ዩቩዎ ዲሪሰ። ዎይኒያ ጉምዒያ ኦላካ ቦኪሰ። ዎይኒያ ናጋናው ሻኮካ ሻኪሰ። ሄሳፌ ጉዬ፣ ጋዲያ ኮሌ ኢሚዲ ሃራ ቢታ ቢሰ። 34 ዎይኔ ኣይፊያ ማዲያ ዎዴይ ጋኪን ባና ጋኪያ ባጋ ኤኪዲ ያና ማላ ባ ኣይሌታ ኤንታኮ ዩዲሰ። 35 ኮሌ ኣዎቲ ኢያ ኣይሌታ ኦይኪዲ ኢሱዎ ዎዲደሶና፣ ሃንኩዎ ዎዲደሶና ቃሲ ኣተዳይሳ ሹቻን ጫዲደሶና። 36 ዎይኔ ኣታኪልቲያ ጎዳይ ካሴይሳታፔ ዳሪያ ሃራ ኣይሌታ ከቲሰ። ኮሌ ኣዎቲ ኤንታ ቦላካ ሃንኮይሳታ ቦላ ኦሊዳይሳዳ ኦሊደሶና። 37 ወርሴላን ኢ፣ «ታ ናዓ ኤንቲ ቦንቻና!» ያገዲ ባ ናዓ ኤንታኮ ከቲሰ።

38 «ሺን ኮሌ ኣዎቲ ናዓ ቤዒዲ ባንታ ጊደን (ጋዲያ ላታናይሲ ሃይሳ፣ ኢያ ዎዲዲ ጋዲያ ኮኒ ላቶሰ!) ያገደሶና። 39 ናዓ ኦይኪዲ ዎይኒያ ጊደፌ ጋፃ ኪሲዲ ዎዲደሶና።

40 «ሂዛ፣ ዎይኔ ኣታኪልቲያ ጎዳይ ያ ዎዴ ሄ ኮሌ ኣዎታ ዎታኔ?» ያገዲ ኦይቺሰ።

41 ኤንቲ ዛሪዲ፣ «ኢ ሄ ኢታ ኣሳታ ኢታ ዎዲ ዎዲዲ፣ ዎይኔይ ኣይፊያ ዎዴ ኢያ ጋኪያ ባጋ ዎዴን ዎዴን ኢሚያ ሃራ ኮሌ ኣዎታሰ ኢማና» ያገደሶና።

42 ዩሱሲ ዛሪዲ ኤንታኮ፣ ያሳ ቃላን፣
« ለገምቤይሳቲ ቦሪዲ ኢዲዳ ሹቻይ፣
ጎዳ ፃጶዎ ሚንሉያ፣ ኡባፌ ኣዲያ ሹቻ ጊዲሰ።
ሃይሲ ጎዳይ ኦሊዳባ፤
ኑ ኣይፊያሰ ማላሊሲያባ)
ጌቴቲዲ ፃፊቲዳይሳ ናባቢቤኬቲ?»

43 «ሄሳ ገሹ፣ ታኒ ሂንቴው ኦዳይሰ፤ ያሳ ካዎቴሳይ ሂንቴፌ ኤኬቲዲ ሎዎ ኣይፌ ኣይፊያ ኣሳታሰ ኢሚታና። 44 [ሃ ሹቻ ቦላ ኩንዲያ ኡባይ ማቄሬታና። ቃሲ ሄ ሹቻይ ኢያ ቦላ ዎዲያ ኡራይካ ጋጩታና] † ያገሰ።

45 ካሂኔ ሃላቃቲኔ ፋሪሳዌቲ ዩሱሲ ኦዲዳ ሌሚሱዎን ባንታና ኦዲዳይሳ ኤሪደሶና። 46 ኤንቲ ዩሱሳ ኦይካናው ኮዩደሶና፣ ሺን ኣሳይ ዩሱሳ ናቤ ኦሊዲ ፃሊያ ገሹ ኣሳሰ ያዩደሶና።

21:33 ኢሳ 5:1-2 21:42 ማዝ 118:22 † 21:44 ኢሲ ኢሲ ቤኒ ማፃፋቲ ፓይዶ 44 ጉጅሶና (ሉቃ 20:18 ጻሊቴ)።

22

ያጋኖ ያሳ ለሚሶ
(ሉቃ 14:15-24)

1 ዩሱሲ አሳስ ዛሪዲ ሃይሳዳ ያጊዲ ለሚሶ ኦዲስ። 2 «የሳ ካዎቴላይ ባ ናሳስ ያጋኖ ገገሲዳ ካወዋ ዳኔስ። 3 ሄ ካዎይ ያጋኖ ያና ሜላ ኦዲ ዋሊዳ አሳታ ያጋናው ባ አይሌታ ከቲስ። ሽን አሳቲ ያናው ኮዩቦኮና። 4 ቃሲ ሃራ አይሌታ ያጊዲ፣ ያጊቲዳ አሳታኮ ቢዲ፣ ታኒ ታ ሳንጋታኔ ዋዲዳ ጋታርሜንሶታ ሹካስ፤ ኡባባይ ገገሰ። ታ ያጋኑዋ ሃ ዩቲ ያጊቲ» ያጊዲ ከቲስ። 5 ሽን ያጊቲዳይሳቲ ያሳ ኢዲዲ፣ ባንታ ኦሶስ ኦሶስ ቢደሶና። ኢሶይ ባ ጎሻስ፣ ሃንኮይ ባ ዛልዲያስ ቢስ። 6 ሃራቲ ቃሲ ካወዋ አይሌታ ኦይኪዲ፣ ካወሺ ዋዲዲ ዋዲደሶና።

7 «ካዎይ ዳር ዩሎቲዲ፣ ባ ዎታዳሬታ ዩዲዲ ሽዎፖፖ ዎዲዳይሳታ ዎዲሲስ፣ ኤንታ ካታማካ ፀገሲ። 8 ሄሳፌ ጉዬ፣ ባ አይሌታኮ፣ «ያጋናይ ገገሰ፣ ሽን ያጊቲዳይሳቲ ያጋኑዋስ ቤሲያ አሲ ገደኮና። 9 ሄሳ ገሸ፣ ዎጋ ኦኒታ ቢዲ፣ ዳሚዳ አሲ ኡባ ያጋኑዋ ያና ሜላ ያጊቲ» ያጊስ። 10 አይሌቲ ኦኒያ ቦላ ቢዲ ባንታ ዳሚዳ አሲ ኡባ ሎዎታኔ ኢታታ ኤሂዲ ያጋኖ ሻቃራ ጌልሲዲ ኩንሳደሶና።

11 «ሽን ካዎይ ካላ ማናው ኡቲዳ አሳ ቤዓናው ጌሊዳ ዎዴ ያጋኖ ማዎ ማዲቦና ኢሲ አሲ ዳሚስ። 12 ኢያኮ፣ «ላ፣ ኔ ያጋኖ ማዎ ማዎና ዋናዳ ሃይሳ ጌላዲ?» ያጊስ። ሽን ኡራይ ሲዲ ገሰ።

13 «ካዎይ ባ አይሌታኮ፣ «ሃ ኡራ ኩሺያኔ ቶሁዋ ቃቺዲ፣ ካሬ ቋማ ኬሲ ዩገቲ። ያን ኢያው ዩሆኔ አቻ ጋርጩላ ገዳና» ያጊስ።

14 «ሄሳዳካ፣ የሳ ካዎቴላስ ያጊቲዳይሳቲ ዳር ሽን ደሬቲዳይሳቲ ጉላ» ያጊስ።

ገራባ
(ማር 12:13-17፤ ሉቃ 20:20-26)

15 ሄሳፌ ጉዬ፣ ፋሪሳዌቲ ቢዲ፣ ዩሱሳ ዋቲ ኦዳን አይካኔኮ ዘሬቲደሶና። 16 ባንታ ታማሬታኔ ሄርዲሳ ባጋታፔ ኢሶታ ኢሶታ ከቲደሶና። ኤንቲካ፣ «አስታማሪያው፣ ኔ ቱማ ኦዳይሳ ኑ ኤርስ። ኔኒ አሳፔ አሴ ሻካካ፣ አሳ ዎይጋንዴስ ጋዳ አይኮካ ኦላካ፣ የሳ ኦኒያ ቱማቴላን ታማርሳሳ። 17 አኔ ኑስ ኦዳ፣ ኔኒ ሮሜ ካወዋስ ገራ ገራናው ቤሲ ቤሴኔ?» ያጊደሶና።

22:13 ማቶ 8:12፤ 25:30፤ ሉቃ 13:28

18 ሺን ዩሱሲ ከንታ ኢታ ቆፋ ኤሪዲ፣ «ሃ ጨቦቶ፣ ታና አይስ ፓጩት? 19 ገራ ገሪያ ሚሺያ ታና ቤሲቴ» ያገለገሉ። ከንቲካ ኢያው ሳንቲሜ ኤሂደሶና። 20 ኢ፣ «ሃ ሱንሳይኔ ማላይ ኦዴባዬ?» ያገለገሉ።

21 ከንቲ፣ «ሮሜ ካወቀይሳ» ያገለገሉ።

ያቲን ዩሱሲ ከንታኮ፣ «ሂዛ፣ ካወቀሰ ቤሴይሳ ካወቀሰ፣ ያሳሰ ቤሴይሳ ያሳሰ አሚቲ» ያገለገሉ።

22 ከንቲ ሄሳ ሲዲዳ ዋዴ ማላሌቲዲ ኢያ ማታፔ አገዲ ቢደሶና።

ሃይቆፔ ዴንደባ

(ማር 12:18-27፤ ሉቃ 20:27-40)

23 ሄ ጋላስ ሃይቆፔ ዴንደይ ባዋ ያገሪያ ሳዲቃዌቲ ዩሱሳኮ ዩዲ፣ ያገሪዲ ኢያ ኦይቸደሶና። 24 «አስታማሪያው፣ ሙሴይ፣ ኢሲ አሲ ናዓ ዩሎና ሃይቁኮ፣ ሄ ሃይቁዳይሳ አሻይ ኢያ ማቸው ኤኪዲ፣ ባ አሻሰ ናዓ ዩሎ» ያገሪዲ ከቲሰ። 25 ኦ ኤሪያ ላፑን አሻቲ ዴዎሶና። ባይራይ ማቸ ኤኪዲ ናዓ ዩሎና ሃይቁሰ። ኢያ ማቸው ኢያ ካሎ አሻይ ኤኪሰ። 26 ሄሳዳካ፣ ሄ ማጫሲው ኤኪዲ ናምዓንሳይካ፣ ሄሻንሳይካ፣ ቢዲ ላፑናቲ ዉራና ጋካናው ኡባይ ሃይቁደሶና። 27 ኡባፌ ጉዬ ሄ ማጫሲያ ሃይቃሱ። 28 ያቲን፣ ላፑናቲ ኡባይ ኢዮ ኤኪዲ ገሾ ሃይቆፔ ዴንዲያ ጋላሰ፣ ሄ ማጫሲያ ላፑናታፔ አዉሳሰ ማቸ ገዳኔ?» ያገሪደሶና።

29 ዩሱሲ ዛሪዲ፣ «ሂንቲ ያሳ ቃላይ ታማርሲያባ ዋይኮ ኢያ ዋልቃ ኤሮና ገሾ ባሌታ። 30 አሳይ ሃይቆፔ ዴንዲያ ዋዴ ሳሎን ዴዲያ ከታንቸታ ሜላ ገዳናፔ አቲን ኤኮኮና ጌሎኮና። 31 ቃሲ ሃይቁዳ አሳቲ ሃይቆፔ ዴንዳናባ ያሳይ ሂንቲው ኦዲዳይሳ ናባቢቤኬት? 32 ያሳይ፣ ሓኒ አብራሃሜ ያሳ፣ ዩሳቃ ያሳ፣ ያይቆባ ያሳ» ያገለገሉ። ሄሳ ገሾ፣ ያሳይ ፓዓ ዴዴይሳታ ያሳፌ አቲን ሃይቁዳይሳታ ያሳ ገዳና» * ያገለገሉ።

33 ዳሮ አሳይ ሄሳ ሲዲዲ፣ ኢያ ቲሚርቲያን ማላሌቲደሶና።

ኡባፌ ባይራቲያ ከታ

(ማር 12:28-34፤ ሉቃ 10:25-28)

22:23 ሃ.አ 23:8 22:24 ዛሬ 25:5 * 22:32 ያሳይ ፓዓ ዴዴይሳታ ያሳፌ አቲን ሃይቁዳይሳታ ያሳ ገዳና፣ ዩሱሲ ሃ ቤሳን ኦዴይ ያሳይ ሃ ሃይቁዳ ሂሻታሰ ያሴ ገዲኮ ከንቲ ዴዎን ዴዎሶና ያጌይሳ። 22:32 ኬሳ 3:6

34 ዩሱሲ ሳዱቃዊታስ ጋናባ ዳይሲዳይሳ ፋሪሳዊቲ ሲዲዳ ዋዴ ኢሲፌ ሸቂዶሶና። 35 ኤንታ ጊዶፌ ኢሲ ሂጌ ኣስታማሪይ ዩሱሳ ፓጩ ኦይሾ ኦይቺስ። 36 «ኣስታማሪያው፣ ሂጌ ኡባፌ ኣጼይሲ ኣውሴ?» ያጊዲ ኦይቺስ።

37 ዩሱሲ ዛሪዲ፣ « ሳኔ ጎዳ፣ ኔ ፆሳ፣ ኔ ኩሜላ ዋዛና፤ ኔ ኩሜላ ሸምፑዋፌ፣ ኔ ኩሜላ ቆፋፔ ዶሳ። 38 ኡባፌ ኣጼይሲኔ ባይራ ኪታይ ሃይሳ። 39 ናምዓንሉ ኡባፌ ኣጼያ ኪታይ፣ ኣሴ ኡባ ኔ ሁዲያ ኔ ዶሴይሳዳ ዶሳ ያጌይሳ። 40 ሙሴ ሂጌይኔ ናቤታ ቲሚርቲይ ኡባይ ሃ ኪታታ ቦላ ካቶሶና» ያጊስ።

ኪሪሰቶሳባ ኦይቺዳ ኦይሻ
(ማር 12:35-37፤ ሉቃ 20:41-44)

41 ፋሪሳዊቲ ኢሲ ቦላ ሸቂዲ ዴዲሺን፣ ዩሱሲ ኤንታና፣
42 «ኪሪሰቶሳባ ሂንቲ ዋይጌቲ? ኢ ኦዴ ናዔ?» ያጊዲ ኦይቺስ።

ኢንቲ፣ «ኢ ካዉዋ ዳዊቲ ናዓ» ያጊዲ ዛሪዶሶና።

43 ዩሱሲ ኤንታኮ፣ «ያቲን፣ ዳዊቲይ ጌሻ ኣያናን ጊዲዲ ዋቲዲ ኪሪሰቶሳ፣ ሳዳ) ጊዲ ጃጊ? ዳዊቲይ ጊሹ፣

44 ሳዳ ፆሳይ፣ ታ ጎዳኮ፣ †

ኔ ሞርኬታ ኔ ቶሆይ ዩጲያሶ ኦላና ጋካናው፣

ሃይሳን ታፔ ኡሻቻ ባጋን ‡ ኡታ) ጊስ።

45 ሂዛ፣ ዳዊቲይ ኪሪሰቶሳ ጎዳ ጊዲ ጃጊኮ፣ ዋኒዲ ኪሪሰቶሲ ዳዊቲ ናዓ ጊዲ?»

ያጊስ።

46 ዩሱሳስ ኢሲ ቃላ ዛራናው ዳንዳዲዳ ኣሲ ኦኒካ ባዋ። ቃሲ ሄ ጋላሳፔ ዶሚዲ ሃራ ኦይሻ ኦይቻናው ኦኒካ ዳንዳዲቤና።

23

ሂጌ ኣስታማሪታኔ ፋሪሳዊታ ኢታቲላ
(ማር 12:38-39፤ ሉቃ 11:43-46፤ 20:45-46)

1 ሄሳፌ ጉዬ፣ ዩሱሲ ሸቂዳ ኣሳሲኔ ባ ታማሪታስ ሃይሳዳ ያጊስ። 2 «ሂጌ ኣስታማሪቲኔ ፋሪሳዊቲ ሙሴ ሂጊያ ቢላናው ማታራ ዴዶሶና። 3 ሄሳ ጊሾ፣ ኤንቲ ሂንቲና ኪቲያ ኡባ ኦሴቴኔ

22:37 ዛሬ 6:5 22:39 ሉዌ 19:18 22:40 ሉቃ 10:25-28 † 22:44 ታ ጎዳኮ፣ ሃ ቤሳን ዳዊቲይ ታ ጎዳ ጊዲ ጃጌይ ኪሪሰቶሳ። 22:44 ማዝ 110:1 ‡ 22:44 ኡሻቻ ባጋን፣ ማታኔ ቦንቾ ቤሲ። 22:44 ማዝ 110:1

ናገሩ። ሺን ኤንቲ ኦሴይሳዳ አሰፊ። አይስ ገኩ፣ ኤንቲ ኦሴይሳዳ አሰኮና። 4 ኤንቲ ተካናው ዳንዳዔቶና ቶሆ ቃቸዲ አሳ ቶሶሶና። ሺን ባንታው ሃሪ አቶሺን፣ ሄ ቶሆ አሳይ ቶኪያ ዋዴ ቢራጴ ዪራን ቦቻናው ኮኮኮና።

5 «ሺን ኤንቲ ባንታ ኦሶ ኡባ አሲ ቤዓና ማላ አሰሶና። ባንታ ሶምዖኒኔ ቄሴን ቃቸያ ማፃፋ ያቄሴይ ዳዒያ ኪታፌ ዳልገሶሶና፣ ባንታ ማዑዋ ማጫራካ አዲሶሶና። * 6 ሞኬቲያ ቤሳን ቦንቾ ቤሴኔ አይሁዴ ዋሳ ኬላታን ዳር ሎዒያ ኦይዴ ደሶሶና። 7 አሳይ ጊያን ኤንታና ቦንቾን ሳርላናይሳኔ «አስታማሪያው» ጊዲ ዪጋናይሳ ኮኮሶና።

8 «ሺን ሂንቲ አስታማሪይ ኢሱዋ ፃላላ ጊዲዳ ገሾኔ ሂንቲ ኡባይ አሻታ ጊዲዳ ገሾ «አስታማሪያው» ጌቲቲዲ ያጌቶፊቴ። 9 ሂንቲው ሳሎን ኢሲ አዋ ፃላላ ዳዒያ ገሾ ሃ ሳዓን ኦናካ «አዋው» ጊዲ ያገገገ። 10 ሂንቲው ኢሲ ጎዳይ ኪሪሰቶሳ ፃላላ ዳዒያ ገሾ ሳዳው» ጌቲቲ ያጌቶፊቴ። 11 ሂንቲ ጊዲን ባይራቲይ ሂንቲ አይሌ ጊዲ። 12 ባና ጊታያ ኦኒካ ካወያና፣ ባና ካወሺያ ኦኒካ ጊታታና።

ሂን አስታማሪቲኔ ፋሪሳዌቲ ቦሬቲዶሶና
(ማር 12:40፣ ሉቃ 11:39-42፣ 44፣ 52፣ 20:47)

13 «ሂንቲና፣ ጩቦቶ፣ ሂን አስታማሪቶኔ ፋሪሳዌቶ፣ አሳ ሲንላን ሳሎ ካዋቲላ ገርዳይሳቶ ሂንቲና አዬ። ሂንቲ፣ ሂንቲ ሁዔን ጌሌኬታ ቃሲ ሃራታካ ጌልሴኬታ።

14 [«ሂንቲና ጩቦቶ፣ ሂን አስታማሪቶኔ፣ ፋሪሳዌቶ፣ አምዔታ ኬላ ሂንቲ ቦንቁሺ፣ አሲ ቤያ ጊዲ ዋሳ አዲሴታ። ሄሳ ገሾ፣ ሂንቲና አዬ። ኡባፌ አጲያ ፒርዳይ ሂንቲና ናጌስ።] †

15 «ሂንቲና፣ ጩቦቶ፣ ሂን አስታማሪቶኔ ፋሪሳዌቶ፣ ሂንቲ ኢሲ ኡራ አማንላናው አባራኔ ሳዓራ ዩዬታ። ሺን ሂንቲ ኢያ አማንላዳ ዋዴ ሄ ኡራ ሂንቲፌ አሊዲ ጋናሜስ ገጌቲዳይሳ ኦሴያ ገሾ ሂንቲና አዬ።

16 «ኦኒካ ያሳ ኬላን ጫቁኮ አይኮይካ ባዋ። ሺን ያሳ ኬላን ዳዒያ ዋርቃን ጫቁኮ፣ ሄ ጫቆይ ኢያ ጎማና ጊያ ቆቆቶ፣ ሂንቲው ቆቆዲ ሃራታ ካሌሴይሳቶ፣ ሂንቲና አዬ። 17 ሂንቲና፣ ኤያቶ፣

* 23:5 ሶምዖኒኔ ቄሴን ቃቸያ ማፃፋ... ማዑዋ ማጫራ አዲሶሶና፣ ሄሳ ኤንቲ ኦሴይ ያሳስ ታ ኢማታስ ጊያ ማላ ቤሳናሳ (ዛሬ 15:37-41)። 23:5 ማቶ 6:1፣ ዛሬ 6:8፣ ታይ 15:38 23:11 ማቶ 20:26 23:12 ሉቃ 14:11፣ 18:14 † 23:14 ኢሲ ኢሲ ቤኒ ማፃፋቲ ፓይዶ 14 ጉጃሶና።

ቆቄቶ፡ ዎርቃይ አዲዬ? ዎርቄያ ያሳሰ ደማያ ያሳ ኬላይ አዲ?
 18 ቃሲ ሐኒካ ያርሾ ያርሺያ ቤሳን ጫቁኮ፡ አይኮይካ ባዎ። ሺን
 ኦኒካ ኢያ ቦላ ዳዒያ ያርሹዎን ጫቁኮ፡ ሄ ጫቆይ ኢያ ጎማና
 ያገዲ ታማርሴታ። 19 ሂንቴኖ፡ ቆቄቶ፡ ያርሾይ አዲዬ? ያርሹዎ
 ያሳሰ ደማያ ቤሳይ አዲ? 20 ሄሳ ጊሾ፡ ያርሾ ቤሳን ጫቄያ
 ኡራይ፡ ሄ ያርሾ ቤሳኒኔ ኢያ ቦላ ዳዒያ ኡባባን ጫቁሰ። 21 ያሳ
 ኬላን ጫቄያ ኡራይ፡ ሄ ያሳ ኬላኒኔ ኢያን ዳዒያ ያሳን ጫቁሰ።
 22 ሳሎን ጫቄያ ኡራይ ያሳ አራታኒኔ ሄ አራታ ቦላ ኡቲያ ያሳን
 ጫቁሰ።

23 «ሂንቴኖ፡ ጨቦቶ፡ ሂን አሰታማሬቶኔ ፋሪሳዌቶ፡ ሂንቴና
 አዬ። ሂንቴ ካሬላ ሳዎፔ፡ ናቲሮፔኔ ኦካሼፔ አሰራታ ኬሴታ።
 ሺን ሂጊያን ዳዒያ አዲ ኮሼይሳታ አገዳታ። ሄሲካ ሱሬ ፐርዳ፡
 ቃዴቴላኔ ኡባባን አማኔቴላ። ሂራታካ አጎናሺን ሃይሳታ ሂንቴ
 ኦላናው ቤሴሰ። 24 ሂንቴው ቆቄዲ ሃራ አሲ ካሌሌይሳቶ፡
 ሂንቴ ኡሻፌ ኡዲንፄ ኬሲዲ ገማሌ ሚቴታ።

25 «ሂንቴኖ፡ ጨቦቶ፡ ሂን አሰታማሬቶኔ ፋሪሳዌቶ፡ ሂንቴና
 አዬ። ሂንቴ ሻቲያሲኔ ኬሪያሰ ቦላ ባጋ ጌሼታ። ሺን ኤንታው
 ጋርሳን ቦንቄይኔ ኡዜቴላ ኩሚ ኡቲሰ። 26 ኔኖ ቆቄ ፋሪሳዊያው፡
 ሻቲያሲኔ ኬሪያሰ ጋርሳ ካሴታዳ ጌሻ። ሄሳፌ ጉዬ፡ ቦላ ባጋይካ
 ጌሺ ጊዳና።

27 «ሂንቴኖ፡ ጨቦቶ፡ ሂን አሰታማሬቶኔ ፋሪሳዌቶ፡ ሂንቴና
 አዬ። ካሬ ባጋራ ቃላማ ቲዬቲዲ ሎዒዲ፡ ጊዶን ሜቄላኔ
 ዎቄዳባይ ኩሚዳ ዲፎታ ዳኔታ። 28 ሄሳዳካ፡ ቦላ ባጋራ አሳሰ
 ሎዎ ዳኔታ። ሺን ሂንቴ ጋርሳን ጨቦቴላኔ ኢታቴላ ኩሚሰ።

29 «ሂንቴኖ፡ ጨቦቶ፡ ሂን አሰታማሬቶኔ ፋሪሳዌቶ፡ ሂንቴና
 አዬ። ሂንቴ ናቤታሰ ዲፎ ኬፂታ፡ ቃሲ ዲሎታ ዲፋዎካ ሎይሌታ።
 30 ቃሲ ሂንቴ፡ ሐኒኒ ቤኒ ኑ አዎታ ዎዴ ዳዒዳባ ጊዲያኮ፡ ኤንታራ
 ኢሲፌ ናቤታ ሱላ ጉሶኮሺን) ያጌታ። 31 ሄሳ ጊሾ፡ ሂንቴ ናቤታ
 ዎዴዳ አሳ ናይታ ጊዴይሳ ሂንቴ ሂንቴ ሁዔን ማርካቴታ። 32 ሂዛ፡
 ሂንቴ አዎቲ ደሚዳይሳ ሂንቴ ፖሊቴ።

33 «ሃ ሸሻቶ፡ ሸሻ ናይቶ፡ ሂንቴ ጋናሜ ፐርዳፌ ዎኒዲ
 አታኔ? 34 ሄሳ ጊሾ፡ ታ ኡዴይሳ ሲዒቴ፤ ታኒ ናቤታ፡ ጨንጫ
 አሳታኔ አሰታማሬታ ሂንቴኮ ኪታና። ኤንታፌ ኢሶታ ኢሶታ ሂንቴ
 ዎዳናኔ ማሰቃሊያ ቦላ ካቃና። ባጋታ አይሁዴ ዎሳ ኬላታን ሊሶን

23:22 ኢሳ 66:1፤ ማቶ 5:34 23:23 ሉዌ 27:30 23:27 ሃ.ኦ 23:3
 23:33 ማቶ 3:7፤ 12:34፤ ሉቃ 3:7

ጋራፋናኔ ካታማፔ ካታማ ጎዳና። 35 ሄሳ ጊሾ፣ ዲሎዎ አቤላ ዎዲዳ ዎዲያፔ ደሚዲ፣ ያሳ ከላሲኔ ያርሾ ቤሳፌ ጊደን ሂንቴ ዎዲዳ ባራኪያ ናዓ ዛካሪያሳ ዎዴ ጋካናው ሃይቂዳ ዲሎ አሳ ኡባ ጊሾ ሂንቴ ሴሬታና። 36 ታኒ ሂንቴው ቱማ ኦዲይሰ፤ ሂንቴኔ ሂንቴ አዎቲ ኦሊዳ ባላስ ሃ ፒርዳ ኡባይ ሃ ዩሌቴሳ ቦላ ጋካና።

ዩሱሲ ዩሩሳላሜስ ዩኪስ
(ሉቃ 13:34-35)

37 «ዩሩሳላሜ፣ ዩሩሳላሜ፣ ናቤታ ዎዲያሬ! ያሳይ ኔኮ ከቲዳይሳታ ሹቻን ጫዲያሬ! ኩቶይ ባ ናይታ ባ ቁፊን ሃጾይሳዳ ታኒ ኔ አሳ ታ ቁሲያን ጌቻናው አፑን ቶሆ ኮያዲና! ሸን ታና ዲጋዳሳ። 38 ሂዛ፣ ሂንቴ ያሳ ከላይ ካይሲ ጊዳና። 39 ታኒ ሂንቴው ኦዲይሰ፤ ሳዳ ሱንላን ዩይሲ አንጃቲዳይሳ) ሂንቴ ጋና ጋካናው ናምዓንሎ ታና ቤዔኬታ» ያጊሰ።

24

ዩሱሲ ያሳ ከላይ ላሌታናይሳ ካሴቲዲ ኦዲስ
(ማር 13:1-2፤ ሉቃ 21:5-6)

1 ዩሱሲ ያሳ ከላፌ ከዩዲ ቢሸን፣ ኢያ ታማሬቲ ኢያኮ ዩዲ፣ ማላሌቲዲ ያሳ ከላ ገምቢያ ቤሲደሶና። 2 ዩሱሲ ኤንታኮ ዛሪዲ፣ «ኤ! ሃይሳ ኡባ ቤዔቲ? ታኒ ሂንቴው ቱማ ኦዲይሰ፤ ሹቹ ሹቻ ቦላ ገምቤቲዳ ሜላ ላሌቶና አቴና» ያጊሰ።

ሲንላፌ ሃናናባታ
(ማር 13:3-13፤ ሉቃ 21:7-19)

3 ዩሱሲ ሻማሆ ዳሪያ ቦላ ኡቲዳሸን፣ ኢያ ታማሬቲ ባንታርካ ኢያኮ ዩዲ፣ «ሂሲ አዉዴ ሃናኔኮ ኑስ ኦዲ። ቃሲ ኔ ዩሳሲኔ ዎዲያ ወርሴላስ ማላታይ አይቤ?» ያጊዲ አይቹደሶና። 4 ዩሱሲ ዛሪዲ፣ «ሂንቴና ኦኒካ ባሌላና ሜላ ናጌቲቲ! 5 አይስ ገኮ፣ ዳሮ አሳቲ ታ ሱንላን፣ ሳታኒ ኪሪሰቶሳ፣ ያሳይ አሳ አሻናው ከቲዳይሳ) ያጊሸ ዩዲ ዳሮ አሳ ባሌላና። 6 ማታን ዴዲያ ኦላ ገርሳ፣ ሃሆን ዴዲያ ኦላ ዎሬ ሲዓናው ዴዲያ። ሄሳ ሜላባይ ሃናናው ቤሲያ ጊሾ ሂርጎሬቴ። ሸን ወርሴላይ ቡርና። 7 ዳሬይ ዳሪያራ፣ ኢሲ ካዎቴላይ ሃራ ካዎቴላራ ኦሌታና። ኮሻይኔ

ቢታ ቃይይ ኡባ ቤሳን ሃናና። 8 ሄሲ ኡባይ ዬሎ ኢቁሳሰ ዘኬ ማላ።

9 «ሄ ዎዴ አሳይ ሂንቴና ዎዬሰ አሊ ኢማና፣ ቃቻናኔ ዎቆና። ታ ሱንላ ጊሾ አሳ ኡባይ ሂንቴና ኢፃና። 10 ሄ ዎዴ ዳርቲ አማኖ አጋና። ባንታ ጊዶን ኢሶይ ኢሱዎ አሊዲ ኢማና፣ ኢሶይ ኢሱዎ ኢፃና። 11 ቃሲ ዳሮ ዎርዶ ናቤቲ ዴንዲዲ ዳርታ ባሌላና። 12 ንላቴሊ ዳሪያ ጊሾ ዳሮ አሳ ሲቆይ ኢርፃና። 13 ሺን ዉርሴሊ ጋካናው ገንጨያ ኡራይ አታና። 14 አሳ ኡባሰ ማርካ ጊዳና ማላ ያሳ ካዎቴላ ዎንጌላይ ቢታ ኡባን ኦዴታና። ሄሳፌ ጉዬ፣ ዉርሴላይ ያና።

ቱና ባሻ
(ማር 13:14-23፤ ሉቃ 21:20-24)

15 «ሄሳ ጊሾ፣ ናቢያ ዳኔሊ ኦዲዳ ባሻ ቱናቴላይ ጌሻ ቤሳን ኤቁዳይሳ ሂንቴ ቤዓና። (አኬኪሶ፡ ሄሲ ዎይ ጉሴኮ ናባቤይሲ አኬኮ!) 16 ሄ ዎዴ ዪሁዳ ቢታን ዴዔይሳቲ ዴሪያኮ ባቃቶ። 17 ኬላ ሁዔን ዴዔያ ኡራይ ባ ሶን ዴዔያባ ኤካናው ሶ ጌሎና ባቃቶ። 18 ጋዴን ዴዔይሲ ባ ማዑዎ ኤካናው ጉዬ ሲሞፎ። 19 ሄ ዎዴ ቃንላ ማጨሳታሲኔ ቆንሊያ ማጨሳታሰ ዳሮ ኡንዓ ጊዳና። 20 ባልሳን ዎይኮ ሳምባታን ሂንቴ ባቃቶይ ጊዶና ማላ ያሳ ዎሲቴ። 21 አይሰ ጊኮ፣ ሳዒ ሜዴቶሳፔ ሃቺ ጋካናው ሃናናባይ፣ ቃሲ ሲንላፊካ ኡባራካ ሃናና ዎዬይ ሄ ዎዴ ሃናና። 22 ያሳይ ሄ ጋላሳታ ታይቡዎ ጉላናኮ አሴ ጊዲዳ ኦኒካ አቴና። ሺን ኢ ባ ዳሪዳ አሳታ ጊሾ ሄ ጋላሳታ ታይቡዎ ጉላና።

23 «ሄ ዎዴ ኦኒካ ሂንቴና፣ ሂኮ፣ ኪሪሰቶሲ ሃይሳን) ዎይኮ (ሂኒን ዴዔሰ) ያጊኮ አማኖፒቴ። 24 አይሰ ጊኮ፣ ዎርዶ ኪሪሰቶሳቲኔ ዎርዶ ናቤቲ ዴንዳና። ኢንታው ዳንዳዔቲኮ፣ ሃሪ አቶሺን ያሳይ ዳሪዳይሳታካ ባሌላናው ጊታ ማላታታኔ ማላሊሲያባታ ኦላና። 25 አኬኪቴ፣ ታኒ ሂንቴው ሃይሳ ካሴታዳ ኦዳሰ።

26 «ሄሳ ጊሾ፣ አሳይ ሂንቴኮ፣ ሂኮ፣ ኪሪሰቶሲ ባዘን ዴዔሰ) ጊኮ፣ ያ ቦፒቴ። ዎይኮ ሂንቴኮ፣ ሂኮ፣ ቆልዓን ዴዔሰ) ጊኮ፣ ኢንታባ አማኖፒቴ። 27 አይሰ ጊኮ፣ ዎልዓንላ ሳሎን ዎልዓሚዲ፣ ዶሎሃፔ ዉሎሃ ጋካናው ቤንቴይሳዳ፣ አሳ ናዓ ዩሳይ ሄሳዳ ሃናና።

28 «ባዉቲ ዴዔይሶን አንኮቲ ሺቃና።

24:9 ማቶ 10:22 24:13 ማቶ 10:22 24:15 ዛሬ 9:27፤ 11:31፤
12:11 24:17 ሉቃ 17:31 24:21 ሜዴ. 12:1፤ ዮ.ቆ 7:14 24:26
ሉቃ 17:23-24 24:28 ሉቃ 17:37

ኪሪስቶስ ርምዳንሉ ያና
(ማር 13:24-27፤ ሉቃ 21:25-28)

29 «ሄ ዎዴ ሄ ዎዬ ጋላሳታፔ ጉዬ፥
ሶሁዎራ ኣዎይ ቋማና፥
ኣጌናይ ባ ፖዑዎ ዲጋና።

ፆለንቶቲ ሳሎፔ ዎቆና፥

ቃሲ ሳሎን ዳዒያ ዎልቃቲ ቡቄታና።

30 ሄ ዎዴ ኣሳ ናዓ ዩሳ ማላይ ሳሎዎ ቦላ ቤንታና። ሳዓን ዳዒያ
ኣሲ ኡባይ ዩካና። ቃሲ ኣሳ ናዓይ፥ ዎልቃራኔ ጌታ ቦንቹዎራ
ሳሎዎ ሻራ ጌዶራ ዩሺን ኤንቲ ቤዓና። 31 ኢ ባ ኪታንቸታ ጌታ
ፑኒያ ሞይዜራ ኪታና። ኤንቲ ሳዓ ኣይዱ ባጋ ቢዲ፥ ሃ ጋፆፔ ያ
ጋፆ ጋካናው ዳዒያ ኢያው ዶሬቲዳይሳታ ሺሻና።

ጎዳይ ያና ጋላሳ ማላታ
(ማር 13:28-31፤ ሉቃ 21:29-33)

32 «ባላሴ ሚላፌ ታማሪቲ። ኢ ኣጪዲ ሃይዒያ ዎዴ ቶርቹይ
ማታቲዳይሳ ሂንቲ ኤሬታ። 33 ሄሳዳካ፥ ሂንቲ ሃ ኡባባ ቤዒያ
ዎዴ ዩሱስ ማቲዲ ፔንጌን ዳዒይሳ ኤሬቲ። 34 ታኒ ሂንቲው
ቲማ ኦዳይስ፤ ሃ ኡባባይ ፖሌታና ጋካናው፥ ሃ ዩሌቲሳይ ኣዴና።
35 ሳሎይኔ ሳዓይ ኣቆና፥ ሺን ታ ቃላይ ኡባካ ኣዴና።

ጎዳይ ያና ጋላሳ ኦኒካ ኤሬና
(ማር 13:32-37፤ ሉቃ 17:26-30፥ 34-36)

36 «ሄ ጋላሳኔ ሄ ሳቲያ ሳሎን ዳዒያ ታ ኣዎፔ ኣቲን ሃሪ ሳሎ
ኪታንቸታ ጌዲን ዎይኮ ናዓ ጌዲን ኦኒካ ኤሬና። 37 ኣሳ ናዓ
ዩሳይ፥ ኖሄ ዎዴ ሃኒዳይሳ ማላ ጌዳና። 38 ሄ ዎዴ ቆዮ ሃላይ
ያናፔ ሰንሐ ኖሄይ ማርካቢያን ጌሊዳ ጋላሳ ጋካናው፥ ኣሳይ
ሚሼኔ ኡዩሼ፥ ኤኪሼኔ ጌሊሼ ጋምዒስ። 39 ባሻ ሃላይ ዩዲ፥
ኤንታ ኡባ ቆይሳና ጋካናው ኣኬኪቦኮና። ኣሳ ናዓ ዩሳይካ ሄሳዳ
ሃናና።

40 «ሄ ዎዴ ናምዑ ኣሳቲ ጋዴን ኦላና። ኤንታፌ ኢሶይ ኤኬታና፥
ሃንኪይ ኣታና። 41 ናምዑ ማጫሳቲ ኢሲፌ ጋጫና። ኤንታፌ
ኢሲያ ኤኬታና ሃንኪያ ኣታና።

42 «ሂዛ፥ ሂንቲ ጎዳይ ኣይ ጋላስ ያኔኮ ሂንቲ ኤርና ጌሾ
ሚኒዲ ናጌቲ። 43 ሺን ካይሶይ ቃማፌ ኣይ ሳቲን ያኔኮ ኬላዎይ

ኤሪያኮ፣ ባ ከላይ ቦኬቶና ሜላ ባርኪዲ ናጋናሺን። 44 ሄሳዳካ፣ አሳ ናዓይ ሂንቲ ቆፖና ሳቴን ያና ጊሾ ሂንቲካ ገጊዲ ዴዒቴ።

ኢታኔ ሎዎ አይሌታ ሌሚሶ (ሉቃ 12:41-48)

45 «ያቲን፣ ባ ሶ አሳሰ ካላ ኮሺያ ዎዲያን ኢማና ሜላ ኢያ ጎዳይ ዶሪዳ አማንሎይሲኔ ዎዛናማ አይሌይ ኦኔ? 46 ኢ ባ ጎዳይ ከቲዳይሳ ኦላሺን ኢያ ጎዳይ ዩዲ ዴሚያ አይሌይ አንጃቲዳይሳ። 47 ታኒ ሂንቲው ቱማ ኦዳይሰ፤ ጎዳይ ሄ አይሌያ ባባ ኡባ ቦላ ሹማና። 48 ሺን ሄ አይሌይ ኢታ ገዲኮ፣ ሩታ ጎዳይ ጋምዒዲ ያና) ያገዲ ባ ዎዛናን ቆፒዲ፣ 49 ባ ላጌ ኦሳንቸታ ዎጶ ዶሚኮ፣ ማላቲይሳታራ ሚኮኔ ኡዩኮ፣ 50 ሄ አይሌያ ጎዳይ ኢ ቆፖና ጋላሲኔ ኢ ኤርና ሳቴን፣ 51 ዩዲ ኢያ ቃንፃሬላና። ኢያ ቃዳ ጩቦታራ ኦላና። ሄ ቤሳን ኢያው ዩሆኔ አቼ ጋርጩላ ገዳና።

25

ታሙ ጌላዎታ ሌሚሶ

1 «ሄ ዎዴ ሳሎ ካዎቲላይ ባንታ ኩራዚያ ኦይኪዲ፣ ማቸ ኤሃናው ቢዳ አዲያ ሞካናው ከዩዳ ታሙ ጌላዎታ ዳኔሰ። 2 ኤንታፊ ኢቻሻቲ ኤያ፣ ቃሲ ኢቻሻቲ ጨንጫ። 3 ኤያቲ ኩራዜ ኦይኪዳሶና፣ ሺን ሃራ ላምባ ኦይኪቦኮና። 4 ሺን ጨንጫቲ ባንታ ኩራዚያኔ ሃራ ጉዣ ላምባ ኦይኪዳሶና። 5 ማቸው ኤኬይሲ ጋምዒን፣ ሄ ጌላዎቲ ባንታና ጳሰኮይ ኦይኪን ጳሰኪዳሶና። 6 «ገዲ ቢላሄ ገዲያ ዎዴ ሳኮ፣ ማቸው ኤሄይሲ ጋኪሰ፣ ኢያ ሞካናው ከዩቲ) ያገያ ገታ ጫቦይ ሲዔቲሰ። 7 «ሄ ዎዴ ሄ ጌላዎቲ ኡባይ ባርኪዲ፣ ባንታ ኩራዚያ ገገሲዳሶና። 8 ኤያቲ ጨንጫታኮ፣ ሱ ኩራዜይ ቶዓና ሃኒያ ጊሾ ሂንቲ ላምባፊ ኦሰ ኢሜርኬቲ) ያገዳሶና። 9 «ሺን ጨንጫቲ ኤንታኮ ዛሪዲ፣ ሳካይ፣ ኦሲኔ ሂንቲሰ ገዲያ ላምቢ ባዎ። ሄሳ ጊሾ፣ ሂንቲው ቢዲ ሻሚዲ ኤኪቲ) ያገዳሶና። 10 ኤያ ጌላዎቲ ላምባ ሻማናው ቢን፣ ማቸው ኤኬይሲ ፑቲ ገሰ። ገጌቲ ኡቲዳ ኢቻሹ ጌላዎቲ ኢያራ ኢሲፊ ያጋኖ ኮላ ጌሊዳሶና፤ ካሪይካ ጎርዳቲ ኣገሰ። 11 «ጉዩፔ ሃንኮ ጌላዎቲ ዩዲ፣ ሳዳው፣ ጎዳው፣ ኦሰ ዶያርኪ) ያገዳሶና።

24:43 ሉቃ 12:39-40 25:1 ሉቃ 12:35

12 «ሺን ኢ ኤንታኮ ዛሪዲ፣ ታኒ ሂንቴው ቱማ ኦዲይሰ፤ ታ ሂንቴና ኤሪኬ!»

13 «ሂዛ፣ እሳ ናዓይ ያና ጋላሳ ዋይኮ ሳቲያ ሂንቴ ኤሮና ጊሾ ባርኪዲ ናጊቴ።

ሃቡ-አሳንቸታ ለሚሶ
(ሉቃ 19:11-27)

14 «ጾሳ ካዎቴላይ ባ አሳንቸታ ጭጊዲ ባው ዳዒያባ ኤንታው ሹዲዲ ኦጌ ባናው ኬዩዳ ኡራ ዳኔሰ። 15 ኤንታው ሁዔን ሁዔን ኤንታ ዎልቃ ሜላ ኢሱዋሰ ኢቻሹ ካርዒቴ ቢራ፣ ኢሱዋሰ ናምዑ ካርዒቴ ቢራ ቃሲ ኢሱዋሰ ኢሲ ካርዒቴ ቢራ ኢሚዲ ባ ኦጊያ ቢሰ። 16 ኢቻሹ ካርዒቴ ቢራ ኤኪዳ ኣይሌይ ሶሁዋራ ቢዲ ዛልዒዲ፣ ሃራ ኢቻሹ ካርዒቴ ቢራ ዎዲሲሰ። 17 ሃሳዳካ፣ ቃሲ ናምዑ ካርዒቴ ቢራ ኤኪዳ ኣይሌይ ሃራ ናምዑ ካርዒቴ ቢራ ዎዲሲሰ። 18 ሺን ኢሲ ካርዒቴ ቢራ ኤኪዳይሲ ቢዲ፣ ኦላ ቦኪዲ፣ ባ ጎዳ ሚሺያ ሞጊሰ።

19 «ዳር ዎዴፔ ጉዬ ሄ ኣይሌታ ጎዳይ ዩዲ፣ ባ ሚሺያ ኤንታራ ሳላዒሰ። 20 ኢቻሹ ካርዒቴ ቢራ ኤኪዳ ኣይሌይ ዩዲ፣ ሃራ ኢቻሹ ካርዒቴ ቢራ ኤሂዲ፣ ታ ጎዳው፣ ኔኒ ታው ኢቻሹ ካርዒቴ ቢራ ኢማዳሳ። ሺን ታኒ ሃራ ኢቻሹ ካርዒቴ ቢራ ዎዲሳሰ) ያጊሰ። 21 ኢያ ጎዳይ፣ «ዛምቦይ! ኔኒ ሎዎኔ ኣማንሉያ ኣይሌ፤ ኔኒ ጉላባን ኣማኔታዳሳ። ታኒ ኔና ዳርባ ቦላ ሹማና፤ ሃ ጌላዳ ኔ ጎዳራ ኡፋይታ) ያጊሰ።

22 «ቃሲ ናምዑ ካርዒቴ ቢራ ኤኪዳይሲ ዩዲ፣ ታ ጎዳው፣ ኔኒ ታው ናምዑ ካርዒቴ ቢራ ኢማዳሳ። ሺን ታኒ ሃራ ናምዑ ካርዒቴ ቢራ ዎዲሳሰ) ያጊሰ። 23 ኢያ ጎዳይ፣ «ዛምቦይ! ኔኒ ሎዎኔ ኣማንሉያ ኣይሌ፤ ኔኒ ጉላባን ኣማኔታዳሳ። ታኒ ኔና ዳርባ ቦላ ሹማና፤ ሃ ጌላዳ ኔ ጎዳራ ኡፋይታ) ያጊሰ።

24 «ቃሲ ኢሲ ካርዒቴ ቢራ ኤኪዳይሲ ዩዲ፣ ታ ጎዳው፣ ኔኒ ዜሮና ቤሳፌ ጫኬይሳኔ ቆርጮና ቤሳፌ ማዒያ ኢታ ኣሲ ጊዳይሳ ታኒ ኡራይሰ። 25 ሃሳ ጊሾ፣ ያያዳ ኔ ቢራ ቢታን ሞጋሰ። ኔ ሚሹይ ሃይሲሽ) ያጊሰ።

26 «ኢያ ጎዳይ ዛሪዲ፣ «ሃ ኢታ ኣዛላ ኣይሊያው፣ ታኒ ዜሮና ቤሳፌ ጫኬይሳኔ ቆርጮና ቤሳፌ ማዒያ ኣሲ ጊዳይሳ ኡራዳሳ። 27 ያቲን፣ ኔኒ ታ ሚሺያ ባንኬን ዎሉዳባ ጊዲያኮ፣ ታኒ ሲሚያ ዎዴ ታ ሚሺያ ዎዴራ ኤካናይሳ ዲጋዳሳ። 28 ሃሳ ጊሾ፣

ሚሺያ ኢያፔ ኤኪዲ፣ ታሙ ካርዲቲ ቢሪ ዴዔይሳስ ኢሚቲ።
29 አይስ ጊኮ፣ ዴዔያ ኡባስ ጉዡታናኔ ዳራና። ሺን ባይናይሳፊ ሃሪ አቶሺን፣ ሄ ኢያው ዴዔያ ጉሊያካ ኤኬታና። 30 ሃ ማዶና አይሊያ ካሪ ቆማ ኬሲ ዩጊቲ። ያን ኢያው ዩሆኔ አቼ ጋርጩል ጊዳና) ያገሰ።

ዎዲያ ወርሴላን ሃናና ፒርዳ

31 «አሳ ናዔይ፣ ኪታንቸ ኡባታራ፣ ባ ቦንቹዎራ ያ ዎዴ ኢ ባ ቦንቸ ካዎታ አራታ ቦላ ኡታና። 32 ቢታን ዴዔያ አሲ ኡባይ ኢያ ሲንጤ ሺቃና። ሄንላንቸይ ዶርሳታ ዴሻታፔ ሻኬይሳዳ ኢ ሄ አሳ ናሞዓን ሻካና። 33 ቃሲ ዶርሳታ ኡሻቻ ባጋራ ዴሻታ ሃዲርሳ ባጋራ ኤሳና።

34 «ሄሳፊ ጉዬ፣ ካዎይ ኡሻቻ ባጋራ ዴዔይሳታኮ ሃይሳዳ ያጋና፣ ታ አዎይ አንጂዳይሳቶ፣ ሃ ዩዲ ሳዔይ ሜዴቲያ ዎዴ ሂንቲው ጊጊዳ ካዎቲላ ላቲቲ። 35 አይስ ጊኮ፣ ታኒ ኮሻቲን ሙዚዴታ፣ ሳሞቲን ኡሺዴታ፣ ኤሬቶና ኢማላ አሲ ጊዳዳ ቢን ሞኪዴታ፣ 36 ካሎቲን ማይዚዴታ፣ ሃርጌቲን ሃርጊሲዴታ፣ ቃሺቲን ታና ኦይቸዴታ) ያጋና።

37 «ሄሳፊ ጉዬ፣ ዲሎቲ ዛሪዲ፣ ሳዳው፣ ኔኒ ኮሻቲን አወዴ ቤዒዲ ሙዚዴ? ዎይኮ ኔኒ ሳሞቲን አወዴ ቤዒዲ ኡሺዴ? 38 ኔኒ ኢማጤ ጊዳዳ ዩን አወዴ ቤዒዲ ሞኪዴ? ዎይኮ ኔኒ ካሎቲን አወዴ ማይዚዴ? 39 ኔኒ ሃርጊን ዎይኮ ቃሺቲን ኔኮ ቢዲ ኔና አወዴ ኦይቸዴ?) ያጋና። 40 ካዎይ ዛሪዲ፣ (ታኒ ሂንቲው ቱማ ኦዳይሰ፤ ሂንቲ ታና ካሊያ ሃ ኡባፊ ጉዴይሳስ ኦሊዳይሳ ታው ኦሊዴታ) ያጋና።

41 «ሄ ዎዴ ሃዲርሳ ባጋራ ዴዔይሳታኮ፣ ሳ ቃንጌቲዳይሳቶ፣ ታ ማታፔ ሃኪቲ። ፃላህሲኔ ኢያ ኪታንቸታሰ ጊጊዳ ሜሪና ታማን ቢቲ። 42 አይስ ጊኮ፣ ኮሻቲን ታና ሙዚቤኬታ፤ ሳሞቲን ኡሺቤኬታ። 43 ታኒ ኢማጤ ጊዳዳ ቢን ታና ሞኪቤኬታ፣ ካሎቲን ማይዚቤኬታ፣ ሃርጊኔ ቃሺቲን ታና ኦይቸቤኬታ) ያጋና።

44 «ሄ ዎዴ ኤንቲ፣ ሳዳው፣ ኔኒ ኮሻቲን ዎይኮ ሳሞቲን ዎይኮ ኢማጤ ጊዳዳ ቢን ዎይኮ ካሎቲን ዎይኮ ሃርጊን ዎይኮ ቃሺቲን ቤዒዲ ኔና አወዴ ማዶና ኢዲዴ?) ያገዲ ዛራና።

25:29 ማቶ 13:12፤ ማር 4:25፤ ሉቃ 8:18 25:30 ማቶ 8:12፤ 22:13፤ ሉቃ 13:28 25:31 ማቶ 16:27፤ ማቶ 19:28

45 «ሄ ዎዴ ካዎይ ዛሪዲ ኤንታኮ፣ ሳቲ ሂንቴው ቱማ ኦዲይስ፤ ሂንቴ ታና ካሊያ ሃ ኡባፌ ጉዳይሳ ማዶና ኢዲዲይሲ፣ ታና ማዶና ኢዲዲይሳ» ያጋና። 46 ሄሳ ገሸ፣ ሄ ኣሳቲ ሜሪና ፐርዳስ ቃሲ ዲሎቲ ሜሪና ዴቡዋስ ባና» ያገሰ።

26

ዩሱሳ ቦላ ማቄቲዶሶና

(ማር 14:1-2፤ ሉቃ 22:1-2፤ ዮሃ 11:45-53)

1 ዩሱሲ ሃ ቲሚርቲያ ኡባ ዉርሲዳ ዎዴ ባ ታማሪታኮ፣
2 «ናምቡ ጋላሳፔ ጉዬ፣ ፓሲካ ባሌ ቦንቺያ ጋላስ ገዴይሳ ኤሬታ። ሄ ጋላስ ኣሳ ናዓይ ማስቃሊያ ቦላ ካቄታናው ኣሳ ኩሼን ኣቋ ኢሜታና» ያገሰ።

3 ሄ ዎዴ ካሂኔ ሃላቃቲኔ ጨማቲ፣ ቃያፋ ገያ ካሂኔ ሃላቃ ኬፋን ሸቄዲ፣ 4 ኣሲ ኤሮና ዩሱሳ ኦይኪዲ፣ ዎቋናው ማቄቲዶሶና።

5 ሺን ኤንቲ፣ «ኣሳይ ኦሺ ኬሶና ሜላ ገዲ፣ ፓሲካ ቦንቺያ ጋላስ ሄሳ ኦሎኮ» ያገደሶና።

ኢሲ ማጫሲያ ዩሱሳ ሺቶ ቲያሱ

(ማር 14:3-9፤ ዮሃ 12:1-8)

6 ዩሱሲ ቢታኒያ ካታማን ባር ሃርጊዳ ሲሞና ሶን ዴዔስ።
7 ዩሱሲ ኢማቱዋ ቦላ ዴዒሺን ኢሲ ማጫሲያ ኣልባስዲርሴ ጲልቃዳ ኩሜላ ዳር ኣልዎ ሺቶ ኤካ ያዳ ዩሱሳ ሁዔን ቲጋሱ።

8 ሺን ዩሱሳ ታማሪቲ ሄሳ ቤዒዲ ሃንቄቲዲ፣ «ሃ ሺቶይ ጮ ኢቲይ ኣይቢሴ? 9 ሃ ሺቶይ ኣልዎ ጋቲን ባይዘቲዲ፣ ሚሺይ ማንቆታስ ኢሜታናው ዳንዳዔቲስ» ያገደሶና።

10 ዩሱሲ ኤንቲ ጌይሳ ኤሪዲ፣ ኤንታኮ፣ «ሃ ማጫሲው ኣይስ ዋይሴቲ? ኢያ ታው ሎዎባ ኦላሱ። 11 ማንቆቲ ኡባ ዎዴ ሂንቴራ ዳና። ሺን ታኒ ሂንቴራ ኡባ ዎዴ ዴዒኬ። 12 ኢያ ሃ ሺቱዋ ታ ቦላ ቲጊዲይሲ ታና ሞጋናው ገገሳናሳ። 13 ታኒ ሂንቴው ቱማ ኦዲይስ፤ ቢታ ኡባን ሃ ዎንጌላይ ሳባኬቲያ ቤሳን ኣዉንካ፣ ኣሳይ ኢዮ ሃሳያና ሜላ ኢያ ኦሊዲይሲ ኦዴታና» ያገሰ።

ዩሁዲ ዩሱሳ ኣሊዲ ኢማናው ገቤቲስ

(ማር 14:10-11፤ ሉቃ 22:3-6)

14 ሄ ዎዴ ታማኔ ናምቡ ዩሱሳ ታማሪታፔ ኢሶይ፣ ኣስቆርታ ዩሁዲ ጌቲቲይሲ ካሂኔ ሃላቃታኮ፣ 15 ቢዲ፣ «ታኒ ሂንቴው ዩሱሳ

25:46 ዳኔ 12:2 26:2 ኬሳ 12:1 26:7 ሉቃ 7:37 26:11 ዛሬ 15:11

አላ ኢሚኮ፣ ሂንቲ ታው አይ ኢማኔ?» ያጊዲ ኤንታ ኦይቸሰ። ኤንቲ ዘራቴዲ ሃስታሙ ቢራ ሳንቲሜ *† ኢሚደሶና። 16 ሄሳፌ ጉዬ፣ ዪሁዲ ዬሱሳ አሊዲ ኢማናው ኢንጂቲያ ዋዴ ዋቸሰ።

ዬሱሲ ፓሲካ ካሁዋ ባ ሃዋሬታራ ሚሰ (ማር 14:12-21፤ ሉቃ 22:7-14፤ 21-23፤ ዮሃ 13:21-30)

17 ኡይላ ባሌ ቦንቺያ ኮይሮ ጋላሰ፣ ዬሱሳ ታማሬቲ ኢያኮ ዪዲ፣ «ፓሲካ ቦንቺያ ጋላሰ ኔኒ ማና ካሊ ኔኒ አዉን ጊሲሲና?» ያጊደሶና።

18 ዬሱሲ ኤንታኮ፣ «ካታማን ዳዒያ አዲያኮ ቢዲ፣ ላስታማሬይ፣ ታው ዋዴይ ጋኪዳ ጊሾ ታ ታማሬታራ ፓሲካ ቦንቺያ ጋላሳ ኔ ሶን አላና ያጌሰን ያጊቲ» ያጊሰ።

19 ኢያ ታማሬቲ ዬሱሲ ባንታና ከቲዳይሳዳ ኦሊዲ፣ ፓሲካ ባሌ ጋላሰ ማና ካላ ጊሲሲደሶና።

20 ሳዓይ ኦማርሲያ ዋዴ ዬሱሲ ታማኔ ናምቡ ሃዋሬታራ ካሊ ማናው ኡቲሰ። 21 ኤንቲ ሚሺን፣ ዬሱሲ ኤንታኮ፣ «ታኒ ሂንቲው ቱማ ኦዳይሰ፤ ሂንቲፌ ኢሲ ኡራይ ታና አሊዲ ኢማና» ያጊሰ።

22 ኤንቲ ዳሮ ዳጋሚዲ፣ ሁዔን ሁዔን፣ «ጎዳው፣ ቱማ ታኔሻ?» ጊዲ ኢያ ኦይቺደሶና።

23 ዬሱሲ ዛሪዲ፣ «ባ ኩሺያ ታራ ኢሲፌ ሻቲያን ዬዴይሲ ኢ ታና አሊዲ ኢማና። 24 አሳ ናዓይ፣ ያሳ ቃላን ኢያው ፃፌቲዳይሳዳ ሃይቃና። ሺን አሳ ናዓ አሊዲ ኢሚያ ኡራ አዬ፤ ሄ ኡራይ ዬሌቶና አቲዳኮ ኢያው ሎያሺን» ያጊሰ።

25 ኢያ አሊ ኢማናው ዳዒያ ዪሁዲ ዛሪዲ፣ «አስታማሪያው፣ ኔኒ ጌይ ታኔዬ?» ያጊሰ።

ዬሱሲ ዛሪዲ፣ «ኔኒ ኔ ሁዔን ጋዳሳ» ያጊሰ።

ጎዳ ካሁዋ (ማር 14:22-26፤ ሉቃ 22:15-20፤ 1ቆር 11:23-25)

26 ኤንቲ ሚሺን፣ ዬሱሲ ኡይላ ኤኪዲ ያሳ ጋላቲሰ። ሄ ኡይላ ማንሊዲ ባ ታማሬታሰ ኢሚዲ፣ «ሄዒቲ፣ ሚቲ፣ ሃይሲ ታ አሹዋ» ያጊሰ።

27 ፀዓ ኤኪዲ፣ ያሳ ጋላቲሰ። ኤንታው ኢሚዲ፣ «ኡባይ ሃይሳፌ ኡዪቲ። 28 ሃይሲ ዳሮ አሳ ናጋራይ አቶ ጌቲታና ሜላ

26:15 ዛካ 11:12 * 26:15 ቢራ ሳንቲሜ፣ ላይኮይካ ጉዡቲሶና ገሻ ቢራ ጉሱ። † 26:15 ሃስታሙ ቢራ ሳንቲሜ፣ ሃስታሙ ቢራ ሳንቲሜይ ኢሰራዔል ቢታን ላይሌይ ሻሜቲያኔ ባይዚቲያ ጋቲ። 26:23 ማዝ 41:9

ጉዲያ ታ ሱላ። ሃ ሱላይ ያሳይ ሂንቴራ ጌሊያ ጫቁዋ ሚንጤይሳ።
29 ሺን ታኒ ሂንቴው ኦዲይሰ፤ ታኒ ታ ኣዋ ካዎቴላን ኦራላ ዋይኔ ኡሻ ሂንቴራ ኡያና ጋላሳ ጋካናው ናምዓንላ ሃ ዋይኔ ኡሻ ኡዩኬ» ያገሰ።

30 ጋላታ ማዝሙራ ዩዲይሳፊ ጉዩ ሻማሆ ዴሪያ ቢዶሶና።

ዩሱሲ ጳዊርሲ ካዳናይሳ ኮይርተዲ ኦዲሰ
(ማር 14:27-31፤ ሉቃ 22:31-34፤ ዮሃ 13:36-38)

31 ሄ ዋዴ ዩሱሲ ኤንታኮ፣

« (ያሳይ ሂንላንቹዋ ሾጫና
ደርሳቲካ ላሌታና)

ጌቴተዲ ያሳ ቃላን ፃፊተዲይሳ ሜላ ሃቹ ቃማ ሂንቴ ኡባይ ታና ኣገዲ ባቃታና። 32 ሺን ታኒ ሃይቆፔ ዴንዲዳፔ ጉዩ ሂንቴፊ ሲንላታዳ ጋሊላ ባና» ያገሰ።

33 ጳዊርሲ ዛሪዲ፣ «ኤንቴ ኡባይ ኔና ኣገዲ ባቃቲኮካ፣ ታኒ ኔና ኣገኬ» ያገሰ።

34 ዩሱሲ ጳዊርሳኮ፣ «ታኒ ኔው ቱማ ኦዲይሰ፤ ሃቹ ቃማ ኩቶይ ዋሳናፔ ሲንጤ ኔኒ ታና ሃቹ ቶሆ ካዳና» ያገሰ።

35 ጳዊርሲ ዛሪዲ፣ «ታኒ ኔራ ኢሲፊ ሃይቆፔ ኣቲን ኔና ኡባካ ካዲኬ» ያገሰ።

ሃንኮ ኢያ ታማሬቲ ኡባይካ ሄሳዳ ገደሶና።

ዩሱሲ ጌቴሴማኔን ዋሲሰ
(ማር 14:32-42፤ ሉቃ 22:39-46)

36 ያቲዲ፣ ዩሱሲ ባ ታማሬታራ ጌቴሴማኔ ገያ ቤሳ ቢዲ፣ ኤንታኮ፣ «ታኒ ሂኒ ባዳ ያሳ ዋሳሻና፣ ሂንቴ ሃይሳን ኡቲቲ» ያገሰ። 37 ጳዊርሳኔ ዛብዲዮሳ ናይታ ናምዓታ ባራ ኤኪ ቢዲ ዳር ኣዛኖኔ ኡንዔቴላ ደሚሰ። 38 ቃሲካ ኤንታኮ፣ «ታኒ ሃይቆሰ ጋሊያ ኡንዓ ኡንዔታሰ። ሃይሳን ታራ ጋምዒቴኔ ሚኒዲ ናገቴ» ያገሰ።

39 ጉላ ሲንጤ ቢዲ ቢታን ጉፋኒዲ፣ «ታ ኣዋው፣ ዳንዳዔቲያባ ገዲኮ ሃ ዋዩ ፀዓ ታፔ ዲጋ። ሺን ኔ ሺኔይ ሃኖፔ ኣቲን ታ ሺኔይ ሃኖፖ» ያገዲ ያሳ ዋሲሰ።

40 ዩሱሲ ባ ታማሬታኮ ሲሚ ዩዲ ኤንቴ ጲሰኪዳሺን ዴሚሰ። ጳዊርሳኮ፣ «ሂንቴ ኢሲ ሳቲኮኔ ጲሰኮና ታራ ሚናናው ዳንዳዒቤኬቲ?» 41 ፓጩን ሂንቴ ጌሎና ሜላ ባርኪዲ ናገቴኔ

የሳ ዋሲቴ። ሂንቴው ሎጾ ኣሞይ ዳዔስ፡ ሺን ሂንቴ ዳቡራንቸ ኣሲ» ያገሰ።

42 ዩሱሲ ቃሲ ናሞዓንሉ ቢዲ፡ «ታ ኣሞው፡ ታኒ ሃ ዋዬ ፀዓፕ ኡዮና ዳዒሼ ኣቆናው ዳንዳዔቶናባ ገዲኮ ኔ ሼኔይ ሃና» ያገዲ ያሳ ዋሲስ። 43 ቃሲካ ሲሚ ያ ዋዬ ኢያ ታማሬታ ኣይፊያ ቋሰኮይ ጎዘን፡ ዘንዒዳሺን ዳሚስ።

44 ቃሲካ ኤንታ ኣጊ ቢዲ፡ ካሴ ቃላ ዛሬ ሄቫንሉ ዋሲስ። 45 ሃሳፌ ጉዬ፡ ባ ታማሬታኮ ዩዲ፡ «ሃዒ ጋካናው ቋሰኮቴኔ ሸሞፕቴ? ሄኮ፡ ኣሳ ናዓይ፡ ናጋራንቸታ ኩሼን ኣቋ ኢሜቲያ ሳቲይ ጋከስ። 46 ዳንዲዲ ዩቋቴ፡ ታና ኣሉዲ ኢሜይሲ ሃይሲሸ ጋከስ» ያገሰ።

ዩሱሲ ባ ሞርኬታን ኦይኬቲስ
(ማር 14:43-50፤ ሉቃ 22:47-53፤ ዮሃ 18:3-12)

47 ዩሱሲ ቡር ሄሳ ሃሳዩሺን፡ ታማኔ ናሞው ታማሬታፕ ኢሶይ፡ ዩሁዲ ጋከ ዋቋስ። ካሂኔ ሃላቃቴኔ ዳሪያ ጨማቲ ከቲዳ ዳር ኣሳቲ ማሼኔ ፃሞዓ ኦይኪዲ ኢያራ ኢሲፌ ዩደሶና። 48 ዩሱሳ ኣሉ ኢሚያ ዩሁዲ ሄ ዳር ኣሳኮ፡ «ታኒ ዩሬይሲ ሂንቴ ኮዩይሲ ኢያ፡ ኢያ ኦይኪቴ» ያገዲ ማላ ኢሚ ዋሊስ።

49 ኢራካ ዩሱሳኮ ሸቁዲ፡ «ኣስታማሪያው፡ ሳር ዳዓይ» ያገዲ ኢያ ዩሪስ።

50 ዩሱሲ ኢያኮ፡ «ታ ላጊያው፡ ኔኒ ኦላናባ ኦላ ኣጋ» † ያገሰ። ሃሳፌ ጉዬ፡ ሸቁዲ፡ ዩሱሳ ኦይኪደሶና። 51 ዩሱሳራ ዳዔይሳታፕ ኢሶይ ባ ማሻ ሾዲዲ ካሂኔ ሃላቃ ኣይሊያ ሸጨዲ፡ ኢያ ሃይላ ቃንፃዲ ዩገስ። 52 ሺን ዩሱሲ፡ «ኔ ማሻ ጉዬ ሾሁዋን ዛራ። ኣይሰ ገኮ፡ ማሻ ሾዲያ ኡባይ ማሻን ሃይቃና። 53 ታ፡ ታ ኣሞ ዋሲያኮ ዳር ሙኩሉን ታይቤቲያ ከታንቸታ ዩዳናው ዳንዳዮናባ ኔው ዳኒ? 54 ያቲን፡ ያሳ ቃላን ሄሳዳ ሃናናው ቤሴስ ጌቲቲዳይሲ ዋኒዲ ፖሌታኔ?» ያገሰ።

55 ሄ ሳቲያን፡ ዩሱሲ ሄ ሸቁዳ ዳር ኣሳኮ፡ «ታና ፓንጋ ኦሉዲ ኦይካናው ማሼኔ ፃሞዓ ኦይኪዲ ዩዳቲ? ታኒ ያሳ ኬላን ጋላስ ጋላስ ታማርሳሼ ሂንቴራ ዳዒያ ዋዳ ታና ኦይኪቤኮታ።

56 ሺን ሃይሲ ኡባይ ሃኒዳይሲ ናቤቲ ያሳ ቃላን ፃፊዳይሲ ፖሌታና ሜላሳ» ያገሰ።

‡ ዩ ዋዳ ኢያ ታማሬቲ ኡባይ ኢያ ኣጊዲ ባቃቲደሶና።

† 26:50 ታ ላጊያው፡ ኔኒ ኦላናባ ኦላ ኣጋ፡ ዋይኮ ሃራ ቢርሼላይ ታ ላጊያው፡ ኔ ሃይሳን ኣይ ኦላይ? 26:55 ሉቃ 19:47፤ 21:37

ዮሴፊ ፐርዳ ሻንጎ ሲንፌ ሸቂሰ

(ማር 14:53-65፤ ሉቃ 22:54-55፤ 63-71፤ ዮሃ 18:13-14፤ 19-24)

57 ዮሴፊ ኦይኪዳይሳቲ ካሂኔ ሃላቃ ቃያፋኮ ኢያ ኤፊደሶና። ያን ሂጌ ኣስታማሬቲኔ ቢታ ጨማቲ ሸቂዲ ደዎሶና። 58 ሸን ጳዳርሲ ካሂኔ ሃላቃ ዛባ ጋካናው ሃሆን ኢያ ካሊሰ። ኢያ ዉርሴላይ ሻኬታና ጋካናው ዛባ ጌሊዲ ናጌይሳታራ ኡቲሰ።

59 ካሂኔ ሃላቃቲኔ ሸቂዳ ኣሳ ኡባይ ዮሴፊ ዎቆናው ኢያ ቦላ ዎርዶ ማርካ ኮዩደሶና። 60 ዳርቲ ዩዲ ኢያ ቦላ ዎርዶ ማርካ ማርካቲደሶና፤ ሸን ኣይኮካ ዳሚቦኮና። ጉዬፔ ናሞዑ ኣሳቲ ዩዲ፤ 61 «ሃ ኡራይ፤ ታኒ ያሳ ኬላ ላላዳ ሄዙ ጋላሳን ዛራ ኬፃናው ዳንዳባይሰ» ያጊሰ» ያጊደሶና።

62 ካሂኔታ ሃላቃይ ዳንዲ ኤቁዲ ዮሴፊኮ፡ «ሃይሳቲ ኔና ሞቲያ ሞቶዎስ ኔኒ ዛሪያባይ ባዌ?» ያጊሰ። 63 ሸን ዮሴፊ ሲዒ ጊሰ። ቃሲካ ካሂኔ ሃላቃይ፡ «ታኒ ኔና ዳዎ ያሳ ሱንፋን ኦይካይሰ፤ ኔኒ ያሳ ናዓ ኪሪሰቶሳ ጊዲኮ ኑሰ ኦዳ» ያጊሰ።

64 ዮሴፊ ዛሪዲ፡ «ኔኒ ኔ ሁዔንካ ጋዳሳ። ሸን ታኒ ሂንቴው ኦዳይሰ፤ ሂዛፔ ጉዬ፡ ኣሳ ናዓይ ዎልቃማ ያሳ ኡሻቻ ባጋን ኡቲዳሸን፤ ቃሲ ሳሎ ሻራራ ዩሸን ሂንቴ ቤዓና» ያጊሰ።

65 ሄ ዎዴ ካሂኔ ሃላቃይ ዳር ዩሎቲዲ ባ ማዑዎ ፔጲዲ፡ «ሃይሳ ቤዒቲ ያሳ ጫዩሰ! ኑና ሃራ ማርካ ኣይ ኮሸ? ኢ ሃዒ ጫዩዳይሳ ሂንቴ ሲዒይታ። 66 ሂንቴ ቆፋይ ኣይቤ?» ያጊሰ።

ኤንቲካ፡ «ኢያው ሃይቆ ቤሴሰ» ያጊዲ ዛሪደሶና።

67 ያቲን፡ ኤንቲ ኢያ ሶሞዎን ጩቲዲ ዳቸደሶና። ሃራቲ ኢያ ባቂዲ፤ 68 «ኪሪሰቶሳ! ኔና ዳቸዳይ ኦኔ? ኣኔ ኑሰ ኦዳ» ያጊደሶና።

ጳዳርሲ ዮሴፊ ካዲሰ

(ማር 14:66-72፤ ሉቃ 22:56-62፤ ዮሃ 18:15-18፤ 25-27)

69 ጳዳርሲ ዛባን ኡቲዳሸን፡ ኢሲ ኣይሊያ ኢያኮ ያዳ፡ «ኔኒካ ጋሊላ ዮሴፊራ ኢሲፌ ዳዓሳ» ያጋሱ።

70 ሸን ኢ ኤንታ ኡባ ሲንፋን ሄ ኣይሌኮ፡ «ኔኒ ጊያባይ ኣይቤኮ ታኒ ኤሪኬ» ያጊዲ ካዲሰ።

71 ቃሲ ቢዲ ዲርሳ ፔንጌኮ ጋኪሸን ሃራ ኣይሊያ ኢያ ቤዓዳ፡ ያን ዳዒያ ኣሳኮ፡ «ሃ ኡራይ ናዚሬቲ ዮሴፊራ ዳዒሰ» ያጋሱ።

72 ጳጳሮሲ ናምዓን፤ ጳጳሮሲ ጳጳሮሲ፤ «ታኒ ሄ ኡራ ኤሪኮ!» ያገለገለ።
 73 ጉሉ ጋምራሽ፤ ያን ኤቁዳ ኣሳቲ ጳጳሮሲ ጳጳሮሲ፤ «ኔካ ቱማ ኤንታራ ኢሲፊ ዳዓሳ፤ ኔኒ ኔ ሃሳያን ኤሪታሳ» ያገለገለ።
 74 ሄሳፊ ጉዬ፤ ጳጳሮሲ፤ «ታኒ ሄ ኡራ ኤሪኮ!» ያገለገለ፤ ባና ቃንጌሊኔ ጳጳሮሲ፤ ደሚሰ።
 ሄ ዎዴ ኢራካ ኩቶይ ዋሲ ኣገሰ። 75 ዬሱሲ ኢያኮ፤ «ኔኒ ኩቶይ ዋሳና፤ ሲንጼ ታና ሄቩ ቶሆ ካዳና» ገዳይሳ ጳጳሮሲ ኣኩሲዳ፤ ካሪ ከዬዳ ኢታ ዬሆ ዬኪሰ።

27

ዬሆዳ ባና ሱሊሰ

(ማር 15:1፤ ሉቃ 23:1-3፤ ዮሃ 18:28-32)

1 ዎንታ ጉራ ካሂኔ ሃላቃቲኔ ቢታ ጨማቲ ኡባይ ዬሱሳ ዎጲሳናው ማቁቲዶሶና። 2 ኤንቲ ዬሱሳ ቃቺ ኤፊዳ ዳሪያ ሃሪያ ጲላዖሳስ ኣሉዳ ኢሚዶሶና።
 3 ሄ ዎዴ ዬሱሳ ኦይሉዳ ዬሆዳ፤ ጲላዖሲ ዬሱሳ ቦላ ፒርዲዳይሳ ቤዒዳ፤ ቁርቲዳ፤ ሄ ሃሰታው ቢራ ሳንቲሚያ ካሂኔ ሃላቃታሲኔ ዳሪያ ጨማታሰ ጉዬ ዛሪሰ። 4 «ታኒ ዓሎ ኣሲ ሃይቆስ ኣላ ኢማዳ ናገራ ኦላሰ» ያገለገለ።
 ሸን ኤንቲ፤ «ሄሲ ኦ ሜቶ ገዳና ኔ ሜቶ» ያገለገለ።
 5 ዬሆዳ ሚሽያ ዖሳ ከላን ዬጊ ኣገዳ ኤንታ ማታፔ ቢዳ፤ ሱሊቲ ሃይቆስ።
 6 ካሂኔ ሃላቃቲ ሚሽያ ኤኪዳ፤ «ሃ ሚሽይ ሱላ ሚሽ ገዳና ገሽ ኦኒ ዖሳ ከላ ሚሽያራ ጋሌይሲ ዎጋ ገዳና» ያገለገለ።
 7 ሄሳፊ ጉዬ፤ ኢሲፊ ዘራቲዳ፤ ቤቲ ኣሲ ዋጋናው ማና ቢታ ሻሚዶሶና። 8 ሄሳ ገሽ፤ ሄ ጋዳይ ሃቺ ጋካናው ሱላ ቢታ ጌቲቲ ዩጌቲሰ።
 9 ናቢያ ኤርሚያሲ፤ «ኢሰራዔል ኣሳይ ኢያው ቃንፃናው ጋማቲዳ ሃሰታው ቢራ ሳንቲሚያ ኤኪዳሶና። 10 ጎዳይ ታና ኪቲዳይሳዳ ማና ቢታ ሻማናው ኢሚዶሶና» ገዳይሲ ሄ ዎዴ ፖሊቲሰ።

ዬሱሲ ጲላዖሳ ሲንጼ

(ማር 15:2-5፤ ሉቃ 23:3-5፤ ዮሃ 18:33-38)

11 ዬሱሲ ዳሪያ ሃሪያ ጲላዖሳ ሲንጼ ሸቁን፤ ጲላዖሲ ኢያኮ፤ «ኔኒ ኣይሁዴ ካዎ?» ያገለገለ ኦይቺሰ።

ዬሱሲ ዛሪዲ፣ «ኔ ጋዳሳ» ያገሰ።

12 ካሂኔ ሃላቃቲኔ ቢታ ጨማቲ ኢያ ሞቲያ ዎዴ ኤንታው ኣይቢ ዛሮካ ኢሚቤና።

13 ሄ ዎዴ ጲላያሲ ዬሱሳኮ፣ «ሃይሳቲ ኔና ሞቲያ ሞቱዎ ኡባ ሲዲኪ?» ያገሰ።

14 ዬሱሲ ሃሪ ኣቶሺን፣ ኢሲ ቃላካ ዛሮና ኢዲን፣ ዳሪያ ሃሪይሲ ዳሮ ማላሌቲስ።

ዬሱሳ ቦላ ሃይቆ ፒርዳቲስ

(ማር 15:6-15፤ ሉቃ 23:13-25፤ ዮሃ 18:39-40፤ 19:1-16)

15 ዳሪያ ሃሪይሲ ላይላን ላይላን ፓሲካ ባሌ ቦንቺያ ጋላሳን፣ ኣሳይ ኮያ ኢሲ ኣሲ ቃሾፕ ቢርሺያ ዎጊ ዳዴስ። 16 ሄ ዎዴ ኢሲ ባርባና ዬሱሳ ጊያ ዳሮ ኤሬቲዳ ኢታ ኣሲ ቃሾ ኬላን ዳዴስ።

17 ሄሳ ጊሾ፣ ዳሮ ኣሳይ ሸቁዲ ዳዲሺን ጲላያሲ፣ «ታኒ ሂንቴው ባርባና ዬሱሳ ቢርሾዬ፣ ዎይኮ ዬሱሳ ጊያ ኪሪስቶሳ ቢርሾ?» ያገዲ ኣሳ ኦይቺስ። 18 ኢ ሄሳ ጊዳይ ኤንቲ ቃናቲዲ ዬሱሳ ኦይሲይሳ ኤሪያ ጊሾሳ።

19 ጲላያሲ ፒርዳ ኬላን ኡቲዳሺን፣ ኢያ ማቺያ፣ «ታኒ ሃቺ ቃማ ኣሙሆን ኢያባ ዳሮ ዎይታሼ ኣቁዳ ጊሾ ሄ ዲሎ ኡራ ቦላ ኣይቢባካ ኦሶፋ» ያጋዳ ኪታሱ።

20 ሸን ካሂኔ ሃላቃቲኔ ዳሪያ ጨማቲ ጲላያሲ ባርባና ቢርሺዲ፣ ዬሱሳ ዎቆና ሜላ፣ ኣሳይ ኢያ ዎሳና ሜላ፣ ኣሳ ጨሚደሶና።

21 ጲላያሲ ዛሪዲ ኤንታኮ፣ «ታኒ ኤንታ ናምዓፌ ሂንቴው ኦና ቢላና ሜላ ኮይቲ?» ያገዲ ኦይቺስ።

ኤንቲ፣ «ባርባና ቢላና ሜላ ኮዮስ» ያገደሶና።

22 ጲላያሲ፣ «ያቲን፣ ዬሱሳ ጊያ ኪሪስቶሳ ዎቶ?» ያገዲ ኤንታ ኦይቺስ።

ኡባይ ዛሪዲ፣ «ማስቃሊያ ቦላ ኢያ ካቃ» ያገደሶና።

23 ጲላያሲ ኣሳኮ፣ «ኣይስ? ኢ ኣይ ኢታባ ኦሲዴ?» ያገዲ ኦይቺስ።

ሸን ኣሳይ ካሴይሳፌ ኣሲዲ፣ «ማስቃሊያ ቦላ ኢያ ካቃ» ጊዲ ዎሲደሶና።

24 ኦሺ ዴንጮሎ ሃራ አይቢባካ ኦላናው ዳንዳዔቶናይሳ ጲላጾሲ ቤዒዲ፣ ሃሌ ኤኪዲ፣ «ሃ ኡራ ሃይቁዋን ታኒ ዴኒኬ። ሄሳ ኦሌይ ሂንቴና» ያጊዲ አሳ ሲንላን ባ ኩሺያ ሜጩቴሰ።

25 አሳ ኡባይ ዛሪዲ፣ «ኢያ ሱላ ጎሜይ ኦናኔ ኦ ናይታ ጋኮ» ያጊደሶና።

26 ያቴን፣ ጲላጾሲ ባርባና ኤንታው ቢሊዲ፣ ዬሱሳ ሊሶን ጋራፊዲ፣ ማሰቃሊያ ቦላ ካቁቴዲ ሃይቃና ማላ ኤንታው አሊዲ ኢሚሰ።

ዎታዳሬቴ ዬሱሳ ቁልቂሲደሶና
(ማር 15:16-20፤ ዮሃ 19:2-3)

27 ሄሳፊ ጉዬ፣ ጲላጾሳ ዎታዳሬቴ ዬሱሳ ዴሪያ ሃሪይሳ ሶ ኤኪ ኤፊን፣ ዎታዳሬቴ ኡባይ ኢያ ዩሹዋን ኤቁደሶና። 28 ኢያ አፊላ ቃሪ ኤኪዲ ዘዎ አፊላ * ማይዚደሶና። 29 ቃሲ አጉንላ ካላቻ ገጊሲዲ፣ ኢያ ሁዔን ዎሊደሶና። ኢያ ኡሻቻ ኩሺያን ማይሬ ፃሞዓ ኦይሊዲ፣ ኢያ ሲንላን ጉልባቴዲ፣ «አይሁዴ ካዎው፣ ሙኩሉ ላይሊ ካዎታ!» ያጊዲ፣ ኢያ ቦላ ቁልቂሲደሶና። 30 ኢያ ቦላ ጩቴደሶና። ሄ ማይሬ ፃሞዓ ኤኪዲ፣ ኢያ ሁዔን ሸጪደሶና። 31 ኤንቴ ኢያ ቦላ ቁልቂሲደይሳፊ ጉዬ ዘዎ አፊላ ኢያፔ ቃሪ ኤኪዲ፣ ኢያ አፊላ ኢያ ማይዚደሶና። ማሰቃሊያ ቦላ ኢያ ካቃናው ኤኪ ኤፊደሶና።

ዬሱሳ ካቁቴላ
(ማር 15:21-32፤ ሉቃ 23:25-43፤ ዮሃ 19:17-27)

32 ኤንቴ ካሬ ኮዬዲ፣ ኢሲ ሲሞና ጊያ ቁሬና ቢታ አሲ ዴሚዲ፣ ዬሱሳ ማሰቃሊያ ዎልቃን ቶሲደሶና። 33 ጎልጎታ ጊያ ቤሲ ጋኪደሶና። «ጎልጎታ» ጉሳይ «ጉጌ ቤሲ» ጉሱ። 34 ሄሳን ኤንቴ ጩዬ ዎላኬቴዳ ዎይኔ ኡሻ ኡዮ ጊዲ ኢያው ኢሚደሶና። ሺን ኢ ሄሳ ጋንዲ ኤኪዲ፣ ኡዮና ኢዲሰ።

35 ኤንቴ ማሰቃሊያ ቦላ ኢያ ካቁደይሳፊ ጉዬ ኢያ አፊላ ሻኪዲ፣ ሳማ ዬጊዲ ኤኪደሶና። 36 ሄሳፊ ጉዬ፣ ያን ኡቴዲ ኢያ ናጊደሶና። 37 ቃሲ፣ «ሃይሲ አይሁዴ ካጫዎ ዬሱሳ» ያጊያ ሞቶ ፀፊያ ኢያ ሁዔ ሶን ዎሊደሶና። 38 ዬሱሳራ ሄ ዎዴ ናሞው ፓንጋታ ኢሱዎ ኢያፔ ኡሻቻ ባጋን፣ ሃንኩዎ ኢያፔ ሃዲርሳ ባጋራ፣ ማሰቃሊያ ቦላ ካቁደሶና።

27:24 ዛሬ 21:6 * 27:28 ዘዎ አፊላ፣ ቤኒ ዎዴ ካዎቴ ቦላራ ማዒያ አፊላ።
27:34 ማዝ 69:21 27:35 ማዝ 22:18

39 ኦጊደራ አዲያ አሳይ ዬሱሳ ጦራዲ፣ ኢያ ቦላ ጨቲሹ፣
40 «የሳ ከላ ላላዳ ሃቡ ጋላሳ ጊደን ከጸይሶ፣ ኔና አሻ። ኔኒ ያሳ
ናሳ ጊደኩ፣ እኔ ማስቃሊያ ቦላፊ ዎቆ» ያጊደሶና።

41 ሄሳዳካ፣ ካሂኔ ሃላቃቲ፣ ሂጌ አስታማሬቲኔ ቢታ ጨማቲ
ኢሲፊ ዬሱሳ ቦላ ቁልቁሲደሶና። ሃይሳዳ ያጊደሶና። 42 «ሃራታ
አሺሰ፣ ሺን ባና አሻናው ዳንዳቢና። ኢ ኢሰራዔል ካዎ ጊደኩ፣
እኔ ማስቃሊያ ቦላፊ ሃቢ ዎቆ፣ ኑካ ኢያ አማናና። 43 ያሳን ኢ
አማኔቲሰ፣ ያሳይ ኢያ አሻናው ኮይኮ እኔ አሾ። አይሰ ጊኮ፣ ኢ
ባና፣ ታኒ ያሳ ናሳ» ጌሰ» ያጊደሶና።

44 ቃሲ ሃሪ አቶሺን፣ ኢያራ ማስቃሊያ ቦላ ካቁቲዳ ፓንጋቲካ
ሄሳዳ ጊደኢ ኢያ ቦላ ቁልቁሲደሶና።

ዬሱሳ ሃይቁዎ

(ማር 15:33-41፤ ሉቃ 23:44-49፤ ዮሃ 19:28-30)

45 ኡሱፑን ሳቲፔ ቢዲ፣ ኡዲፋን ሳቲ ጋካናው ቢታ ኡባይ
ቋሚሰ። 46 ኡዲፋን ሳቲ ጊደያ ዎዴ ዬሱሲ፣ «ኤሎሄ፣ ኤሎሄ፣
ላማ ሳባቁታኒ?» ጊደኢ ጊታ ዋሶ ዋሲሰ። «ኤሎሄ፣ ኤሎሄ፣ ላማ
ሳባቁታኒ?» ጌይሳ ቢርሽላይ «ታ ያሳው፣ ታ ያሳው፣ ታና አይሰ
አጋዲ?» ጉሱ።

47 ሄሳን ኤቁዳ አሳፔ ኢሶቲ ኢሶቲ ሄሳ ሲቢዲ፣ «ሃ ኡራይ
ኤሊያሳ ጸጌሰ» ያጊደሶና። 48 ኢራ ኤንታፊ ኢሶይ ዎዲ ቢዲ፣
ኢሰፖንጃ ኤኪዲ፣ ጫላ ዎይኔ ኡሻ ኩንላሰ። ሄሳ ማይሬ ፃዎዎ
ጸራን ዎላዲ አሻናው ኢያ ደናኮ ሺሺሰ። 49 ሺን ሃንኮቲ፣ «ናጋ፣
ኤሊያሲ ኢያ አሻናው ያኔኮ እኔ ቤዖሰ» ያጊደሶና። 50 ዬሱሲ
ናዎዎንሳ ጊታ ዋሶ ዋሲዲ፣ ሃይቁ አጊሰ።

51 ሄ ሳቲን ያሳ ከላን ካቁቲዳ ማጋራጃይ ቆዎፊ ዲጌ ጋካናው
ናዎዎ ከዬዲ፣ ፔጴቲ ዎቋሰ። ቢታይ ቃዲሰ፣ ዛላይካ ጳልቁቲሰ።

52 ዲፎቲ ደዬቲን ያሳ አሳታፔ ዳሮቲ ሃይቆፔ ዴንዲደሶና።
53 ኤንቲ ዲፎፔ ከዬዲ፣ ዬሱሲ ሃይቆፔ ዴንዲደይሳፊ ጉዬ
ጌሻ ካታማ ቢደሶና፤ ያን ኤንቲ ዳሮ አሳሰ ቤንቲደሶና።

54 ማቶ ሃላቃይኔ ኢያራ ዬሱሳ ናጊያ ዎታዳሬቲ ቢታይ
ቃዲደሳኔ ሄሳን ሃኒዳባ ቤቢዳ ዎዴ ዳሮ ያዬዲ «ቱማ ሃይሲ
ያሳ ናሳ» ያጊደሶና።

55 ሄሳን ዳሮ ማጫሳቲ፣ ጋሊላፔ ደሚዲ ዬሱሳ ሃጋዚሽ
ካሊዳይሳቲ ሃሆን ኤቁዲ ጸሎሶና። 56 ኤንታ ጊደን ማግዳላ

27:39 ማዝ 22:7፤ 109:25 27:40 ማቶ 26:61፤ ዮሃ 2:19 27:43
ማዝ 22:8 27:46 ማዝ 22:1 27:48 ማዝ 69:21 27:51 ኬሳ
26:31 27:55 ሉቃ 8:2-3

ማይራማ፣ † ያይቆባኔ የሴፋ ኣያ ማይራማኔ ዛብዲዮሳ ማቺያ ዴዖሶና።

ዬሱሳ ሞጌቲፋ

(ማር 15:42-47፤ ሉቃ 23:50-56፤ ዮሃ 19:38-42)

57 ሳዓይ ኦማርሲያ ዋዴ የሴፋ ጊያ ኢሲ ዲሬ ኡራይ፥ ኣርማቲያሳ ካታማፔ ዪሰ። ኢ ባ ሁዓንካ ዬሱሳ ካሊያ ኣሰ።

58 የሴፊ ጲላዖሳኮ ቢዲ፥ ዬሱሳ ኣሃ ኤካናው ዋሲሰ። ጲላዖሲ ኣሃይ የሴፋሰ ኢሜታና ሜላ ከቲሰ።

59 ዬሱሳ ኣሃ ኤከዲ፥ ጌሻ ሞኅ ኣፊላን ፃዒሰ። 60 ባው ሞጌታናው ሹቻፊ ዋጨዳ ኦራፋ ጎንጎሎን ኢያ ኣሃ ዋሲሰ። ቃሲ ሄ ጎንጎሎዋ ዶናን ጌታ ሹቻ ጎንዶርሲ ዋሲዲ ኣጊ ቢሰ።

61 ማግደላ ማይራማኔ ሃንኮ ማይራማ ሄ ጎንጎሎዋኮ ሰሚዲ ኡቲዶሶና።

62 ዋንቴሌ ሳምባታ ጋላሰ፥ ካሂኔ ሃላቃቲኔ ፋሪሳዌቲ ጲላዖሳኮ ዪዲ፥ ሃይሳዳ ያጊዶሶና።

63 «ጎዳው፥ ሃ ዋርዳንቸይ ፓፃ ዴዒሹ፥ ታኒ ሄቩ ጋላሳፔ ጉዬ ሃይቆፔ ዴንዳና፥ ያጊዲይሲ ኑሰ ሃሳዬቲሰ።

64 ሄሳ ጊሹ፥ ኢ ሞጌቲዳ ጎንጎሎዋ ሄቩ ጋላሰ ጋካናው፥ ሚንሌ ናጋና ሜላ ከታርኪ። ሄሲ ሃኖና ኢዲኮ፥ ኢያ ታማሬቲ ቢዲ ኢያ ኣሃ ካይሲ ዳይሲዲ፥ «ሃይቆፔ ዴንዲሰ» ያጊዲ ኣሳሰ ኦዲኮ ናምዓንሉ ባሌሶይ ኮይርይሳፊ ኡባ ሃ ኢታና» ያጊዶሶና።

65 ጲላዖሲ ኤንታኮ፥ «ሂንቲው ናጌይሳቲ ዴዖሶና፤ ቢዲ ሂንቲው ዳንዳዔቲዳ ሜላ ናጊሲቲ» ያጊሰ።

66 ሄሳ ጊሹ፥ ኤንቲ ቢዲ ዲፎይ ቦሹቶና ሜላ ሹቻ ቦላ ማታሜ ዋሲዲ ዋታዳሬታን ናጊሲዶሶና።

28

ዬሱሳ ሃይቆፔ ዴንዲዋ

(ማር 16:1-10፤ ሉቃ 24:1-12፤ ዮሃ 20:1-10)

1 ሳምባቲ ኣቲን ዋጋ ዋዴ ዋንታ ጉራ፥ ማግደላ ማይራማኔ ሃንኮ ማይራማ ዬሱሲ ሞጌቲዳ ጎንጎሎዋ ቤዓናው ቢዶሶና።

2 ቆፖና ዋልቃማ ቢታ ቃይይ ሃኒሰ። ጎዳ ከታንቸይ ሳሎፔ ዋዲዲ ዲፋዋ ዶናን ዴዒያ ሹቻ ጎንዶርሲዲ ኢያ ቦላ ኡቲሰ።

3 ኢያ ማላይ ዋልዓንሉ ዳኔሰ። ኢያ ማግይካ ሻቻዳ ቦላ። 4 ናጌይሳቲ ከታንቸዋ ቤዒዲ፥ ያሻን ኮኮሪዲ፥ ሃይቂዳ ኣሳዳ ሃኒዶሶና።

† 27:56 ማግደላ ማይራሞ፡ ጉሳይ ማግደላ ካታማፔ ዪዳ ማይራሞ ጉሱ።
27:63 ማቶ 16:21፤ 17:23፤ 20:19፤ ማር 8:31፤ 9:31፤ 10:33

5 ከታንቸይ ማጫሳታኮ፡ «ሂንቲ ማስቃሊያ ቦላ ካቂቲዳ ዩሱሳ ኮዬይሳ ታኒ ኤሪያ ጊሾ ያኖሬቲ። 6 ኢ ካሴ ኦዲዲይሳ ሜላ ሃይቆፔ ዴንዲሰ፤ ሃይሳን ዴና። ሃ ዩዲ ኢያ ዚንዲሰዲ ቤሳ ቤዒቲ። 7 ሂንቲ ሃዒ ኤሌሲ ቢዲ፥ ኢያ ታማሪታሰ፡ «ዩሱሲ ሃይቆፔ ዴንዲሰ። ቃሲ ኢ ሂንቲፌ ሲንላቲዲ ጋሊላ ባና፤ ሂንቲ ኢያ ያን ቤዒናና ያጊዲ ኦዲቲ። ታኒ ሂንቲው ሃይሳ ኦዲናው ያሰ» ያጊሰ።

8 ኤንቲ ያዩሼኔ ዳር ኡፋይቲሼ፥ ዲፉዋ ማታፔ ኤሌሲዲ ቢዲ፥ ኢያ ታማሪታሰ ኦዲናው ዋዲዶሶና።

9 ቆፖና ዩሱሲ ኤንታራ ጋሂቲዲ ኤንታኮ፡ «ሳርይ ሂንቲው ጊዶ» ያጊሰ። ኤንቲ ኢያኮ ሸቂዲ፥ ኢያ ቶሁዋ ኦይኪዲ ኢያው ጎይኒዶሶና። 10 ሄ ዋዴ ዩሱሲ ኤንታኮ፡ «ያኖሬቲ፤ ቢዲ ታ ታማሪቲ ጋሊላ ባና ሜላ ኤንታው ኦዲቲ። ኤንቲ ያን ታና ቤዒናና» ያጊሰ።

11 ሄ ማጫሳቲ ቢሺን፥ ዲፉዋ ናጊያ ዋታዳሪታፔ ባጋቲ ካታማ ቢዲ፥ ሃኒዳባ ኡባ ካሂኔ ሃላቃታሰ ኦዲዶሶና። 12 ካሂኔ ሃላቃቲኔ ጨማቲ ሸቂዲ ዙሪቲዲ፥ ዋታዳሪታሰ ዳር ሚሼ ኢሚዲ፥ 13 « ሉኒ ጳሰኪዳሺን ኢያ ታማሪቲ ቃማ ዩዲ፥ ኢያ ኣሃ ካይሲዶሶና ያጊቲ። 14 ሃ ኦዲ ዴሪያ ሃሪይሲ ሲዒኮ፥ ሄሲ ሂንቲ ባላ ጊድናይሳ ኩኒ ኢያ ኦዲ ኣማንላና። ሂንቲና ኣይቢካ ሂርጊሶፖ» ያጊዶሶና።

15 ዋታዳሪቲ ሚሺያ ኤኪዲ፥ ኪቲቲዳይሳዳ ኦላዶሶና። ሃ ኦዲይ ኣይሁዴ ማታን ሃቺ ጋካናው ኦዴቲሼ ዴዔሲ።

ዩሱሲ ባ ታማሪታሰ ቆንጨሰ

(ማር 16:14-18፤ ሉቃ 24:36-49፤ ዮሃ 20:19-23፤ ሃ.ኦ 1:6-8፤ 1ቆር 15:3-8)

16 ታማኔ ኢሲ ኢያ ታማሪቲ ዩሱሲ ባንታና ቢቲ ጊዳ ጋሊላ ዴሪያ ቦላ ቢዶሶና። 17 ያን ኤንቲ ኢያ ቤዒዳ ዋዴ ኢያው ጎይኒዶሶና፥ ሺን ኤንታፌ ኢሶቲ ኢሶቲ ሲጲዶሶና።

18 ዩሱሲ ኤንታኮ ሸቂዲ፥ «ሳሎኒኔ ሳዓን ማቲ ኡባይ ታው ኢሜቲሰ። 19 ሂዛ፥ ሂንቲ ኡባ ቤሲ ቢዲ፥ ኣዋ፥ ናዓ፥ ጌሻ ኣያና ሱንላን ኣሴ ኡባ ፃማቂዲ ታና ካሌይሳታ ኦላቲ። 20 ታኒ ሂንቲና ከቲዳባ ኡባ ኤንቲ ናጋና ሜላ ኤንታ ታማርሴቲ። ታኒ ዋዲያ ወርሴላ ጋካናው ኡባ ዋዴ ሂንቲራ ዴዓይሰ» ያጊሰ።

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022
c35d6c73-3843-5482-b53e-7559d35deee5